

ରୋମୀୟ ଲୋକମାନଙ୍କ ନିକଟକୁ ପାଉଲଙ୍କ ପତ୍ର ରୋମୀୟ ନାରୁଡ଼୍ ଗାରେ ପାଉଲ୍‌ଙ୍କ ଚିଠି ରୋମୀୟ ବଇ ବିଷୟରେ ଅଣ୍ଟୟ ପଦ୍

ରୋମୀୟ ବଇ ଆଦୁଡ଼ ପ୍ରେରିତ ପାଉଲ୍‌ନ୍ ତଡ଼୍ ସମ୍ଭାବନା ୫୪
ତାଗାଙ୍କ ୫୮ କ୍ରିଷ୍ଟିୟାନ ଲୋପେ କ୍ରିଷ୍ଟନ୍ ଜନମ୍ ପେକେ ଲେକା
ଆସ୍‌ମାଡ଼େ । ପାଉଲ୍ ରୋମ୍‌ତାଗ୍ ଆଦାନ୍ ମୁନେଲେ ରେଣ୍ଡ
ଯହୁଦୀ ନୁ ଅଣୟିହୁଦୀ କ୍ରିଷ୍ଟିୟାନ୍ ନାରୁଡ଼୍‌କ୍ ନିର୍ଦ୍ଦେଶ୍ ଇଦାନଙ୍କ ଇଦ୍
ଚିଠି ଲେକିମାଡ଼ତଣ୍ । ସାରେତଡ଼୍ ବେଲା ଜିସୁ କ୍ରିଷ୍ଟଙ୍କ ବିଶ୍ୱାସ୍ ନୁ
ମାନ୍ୟ ମାଡ଼ିତଡ଼୍ ୧୬:୨୭ ଅଦିନ୍ ସେଙ୍ଗେ ଅଣ୍ଡ କରନ୍ତି ଟାଞ୍ଜୁନତାଗ୍
ମାଦାନ୍‌ଝେଲେ ରୋମୀୟ କ୍ରିଷ୍ଟିୟାନ୍ ନାରୁଡ଼୍‌କ୍ ଆଦେଶ୍ ଇଦାନ୍
ସେଙ୍ଗେ ଇଦ୍ ଚିଠି ଲେକିମାଡ଼ତଣ୍ ।

ସାରେ ଜାଗାତାଗ୍ ସାରେ କ୍ରିଷ୍ଟିୟାନ୍ ନାରୁଡ଼୍ ସେଙ୍ଗେ ରୋମୀୟ
ବଇ ଆଦୁଡ଼ ଅଣ୍ଟୟ ଗୁରୁଡ଼୍‌ପୂର୍ଣ୍ଣ ବଇ, ବାତେଙ୍କଇଡ଼କେ ମାନାଡ଼୍
ବେଲା ଜିସୁ କ୍ରିଷ୍ଟନ୍ ତଡ଼୍ ମୁକ୍ତି ପାଏମ୍ ଆଦେପାର୍‌ଦତାଡ଼୍ ପାଉଲ୍
ଗାଟି ସାୟେ ନୁ ଲେକେଡ଼ ବୁଜା ମାଡ଼ତଣ୍ । ପାଉଲ୍ ପାଃନ୍ତେ
ନିୟମ୍‌ତିଙ୍କ ମିକା ଜିସୁ କ୍ରିଷ୍ଟନ୍ ସୁସମାଚାର୍ ତଡ଼୍ କାଲ୍‌ପିତଣ୍ । ବଇଡ଼୍
୧:୧୭ ପଦତିଙ୍କ୍ ଅସ୍ ନାଗେ ପଣ୍ଡିତ ନାରୁଡ଼୍ ଯୁକ୍ତି ମାଡ଼ି କେଡିତଡ଼୍
ୟେ, ଇଦ୍ ଗୁରୁଡ଼୍‌ପୂର୍ଣ୍ଣ ନାଡେମେତେ ଜାଗେ । ବାଡ଼ ଇଗେ କେତାନଙ୍କ୍
ଆଦତେ, “ନାନ୍ ସୁସମାଚାର୍ ସେଙ୍ଗେ ସିଗ୍ ଆୟନ୍ ବାତେଙ୍କଇଡ଼କେ
ବେନଡ଼୍ ବିଶ୍ୱାସ୍ ମାଡ଼ିତଡ଼୍, ସାରେତଡ଼୍ ସେଙ୍ଗେ ଇଦ୍ ଇଶ୍ୱରତେ ଶକ୍ତି
। ମୁନେନ୍ ଯିହୁଦୀ ତାନ୍‌ପେକେ ଅଣୟିହୁଦୀ ନାରୁଡ଼୍ ସେଙ୍ଗେ ଗାଲା ।”
ମୁନେଡ଼୍ ଦୁଡେ ୧-୧୨ ଗାଟି ପାରମାର୍ତକ ନୁ ଦ୍ୱିତୀୟ ଦୁଡେ ୧୩-୧୫
କ୍ରିଷ୍ଟିୟ ଜିଞ୍ଜୁଣ୍ଡତାଗ୍ ନାଗେ ବ୍ୟବହାର୍ ନିର୍ଦ୍ଦେଶନା ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ପାଉଲ୍ ସାଦାରଣତ ନିଜର ପରିଚୟ ଇସ୍, ବେନଙ୍କ ଚିତି ଲେକିତଣ୍ ଆଦି କେସ୍ ଚିତି ଆରାମ୍ ମାଡିତଣ୍ । ୧:୧-୧୫
୨. ନାରୁଣ୍ ଜାତିତ୍ ରାଜ୍ୟ ନୁ ଜିସୁ କ୍ରିଷ୍ଟନ୍ ତଡ୍ ମୁକ୍ତି ସମ୍ବଦ୍ । ୧:୧୬-୧୧:୩୭
୩. କ୍ରିଷ୍ଟିୟାନ୍ ଜିହୁଣ୍ ବାଦ୍‌କାନ୍ ସେଙ୍ଗେ ପାଉଲ୍‌ତେ ନାଗେ ବ୍ୟବହାର୍ ନିର୍ଦ୍ଦେଶନା । ୧୨:୧-୧୫:୧୩
୪. ଅଣ୍ ରୋମୀୟ ମଣ୍ଡଳିତେ ନାରୁଡ୍‌କିଙ୍କ୍ ଗାଟି ନମସ୍କାର୍ ମାଡି ଲେକା ତେରସ୍ତିତଣ୍ । ୧୬

ପାଉଲ୍‌ତେ ଅବିନୟନ୍

^୧ ପାଉଲ୍, କ୍ରିଷ୍ଟ ଜିସୁନ୍ ଦାସ୍ ନୁ କାର୍‌ଜିଂ ଖାଡ୍‌ତେନଣ୍ ଖେରଣ୍ ପ୍ରେରିଡ୍, ମେଣ୍ଡେ ଇଶ୍ବର ତାନ୍ ମାର୍ ମାନ୍ ପ୍ରବୁ ଜିସୁ କ୍ରିଷ୍ଟନ୍ ବିଷୟତେ ନିଜେତାଦ୍ ଆଦି ସୁସମାଚାର୍ ମାୟ୍‌ଦିଙ୍କ୍ ଲେକ୍‌ତାଦ୍ ପାଉଲ୍‌ତେ ଚିତି,

^୨ ପବିତ୍ର ଦର୍ମଶାସ୍ତ୍ରତାଗ୍ ଲେକ୍‌ତାଦ୍ ଲେକାମ୍ ଇଦ୍ ସୁସମାଚାର୍ ନାଗେ ଦିନାମ୍ ମୁନେଡ୍‌କେ ତାନ୍ ବାବବାଦିଡ୍, ତଡ୍, ପ୍ରତିଜ୍ଞା ମାଡିମାଡ୍‌ତଣ୍ ।

^୩ ଇଦିନ୍ ନାଡ୍‌ମ୍ ଜାଗେ ଆଦୁତଣ୍, ଇଶ୍ବରତେ ମାର୍, ମାନ୍ ପ୍ରବୁ ଜିସୁ କ୍ରିଷ୍ଟ । ମାନେୟ୍ ରକମ୍ ଅଣ୍ ଦାଉଦନ୍ ବଂଶତଣ୍,

^୪ ଇଡ୍‌କେ ଦର୍ମତାଦ୍ ଆମ୍ ଦିଷୟତେ ତଲ୍‌ତଡ୍, ଲୋପେଙ୍କ୍ ମେଣ୍ଡନୟାମ୍ ଜିଖେ ଆସ୍ ଇଶ୍ବରତେ ମାର୍ ଇଞ୍ଜି ଶକ୍ତିତଡ୍ ପେଦେର୍ ଆଡ୍‌ତଣ୍;

^୫ କ୍ରିଷ୍ଟନ୍ ସେଙ୍ଗେ ଇଶ୍ବର ନାକିଙ୍କ୍ ପ୍ରେରିଡ୍ ଶିଷ୍ ଲେକାମ୍ ଏଞ୍ଜି ସାରେ ଅଣ୍‌ଯିହୁଦୀଡ୍ ନାରୁଡ୍ ଲୋପେ ପ୍ରଚାର୍ ମାଡାନଷଙ୍କ୍ ସୁଯୋଗ୍ ଇଡ୍‌ତଣ୍; ବେଲାକି ଅଡ୍ କ୍ରିଷ୍ଟ ଜିସୁନାଗ୍ ବିଶ୍ବାସ୍ ମାଡି ଅନ୍ ଗଟି ମାନେମ୍ ଆଡ୍‌ତଣ୍ ।

^୬ ରୋମ୍‌ତେ ଆଦିବାସିଡ୍ ! ମିଡ୍, ଗାଲା ଜିସୁ କ୍ରିଷ୍ଟନାଗ୍ ଖାଦାନ୍ ମାୟ୍‌ଦିଙ୍କ୍ କାଙ୍ଗ୍ ଅସ୍ ମିନ୍ଦେଡି ।

^୭ ଆଦିଙ୍କ୍ ରୋମ୍‌ତେ ବେନଡ୍‌କିଙ୍କ୍ ଇଶ୍ବର ପ୍ରେମ୍ ମାଡିତଣ୍ ମେଣ୍ଡେ ତାନ୍ ନିଜର୍ ନାରୁଣ୍ ଆଦାନଙ୍କ୍ କାର୍‌ଜିତଣ୍, ଅଡ୍ ସାରେତଡ୍‌କିଙ୍କ୍

ନାନ ଇଦ୍ ଚିତି ଲେକୁତାନ । ମାନ ବାବାଲ୍ ଇଶ୍ବର ନୁ ପ୍ରବୁ ଜିସୁ କ୍ରିଷ୍ଟ
ମିକିଂଙ୍କ ଅନୁଗ୍ରହ ନୁ ଶାନ୍ତି ଇଞ୍ଜିଣ୍ଟ ।

ଦନ୍ୟବାଦ ପ୍ରାର୍ଥନା

୮ ମୁନେନ୍, ନାନ ମିଡ୍ ସାର୍ବେତତ୍ତେ ମାୟୁଦିଙ୍କ ଜିସୁ କ୍ରିଷ୍ଟନ୍
ତତ୍ ନା ଇଶ୍ବରତିଙ୍କ ଦନ୍ୟବାଦ୍ ଇଦୁତାନ, ବାତେଙ୍କ ଇକ୍ରେ ମିୟାଦ୍
ବିଶ୍ବାସତାଦ୍ ସାୟେଡ୍ କାରୁର୍ ଯେ ସାରେ ଜଗତ୍ତାଗ୍ କେଞ୍ଜାନଙ୍କ
ଆଦୁତ୍ତେ ।

୯ ସାରେଦାମ୍ ନାନ ବେନ୍ ଇଶ୍ବରତିଙ୍କ ସେବା ମାଡୁତୁନ୍ ନୁ ବେନ୍
ଇଶ୍ବରତେ ମାରିନ୍ ସାୟେଡ୍ କାରୁର୍ ନାନ ପ୍ରଚାର୍ ମାଡୁତୁନ୍, ଆ
ଇଶ୍ବର ନା ସାକ୍ଷି ।

୧୦ ପ୍ରାର୍ଥନା ମାଡୁନଞ୍ଜେଲେ ନାନ ସାରେଦାମ୍ ମିକିଂଙ୍କ ଏକେ
ମାଡିତାନ୍ ନୁ ମି ବକେଡ୍ ଖାଦାନ୍ ସେଙ୍ଗେ ନାକିଙ୍କ ସୁୟୋଗ୍ ଇଦାନ
ମାୟୁଦିଙ୍କ ଇଶ୍ବରତାଗ୍ ନିମେଦନ୍ ମାଡି ଖାଦୁତାନ ।

୧୧ ମି ବକେଡ୍ ଖାସ୍ ନାନ ଦର୍ସ୍ସି ମାୟାନ୍ ଆମିକ୍ ଦାନ୍ ବିଷୟତେ
ମିକିଂଙ୍କ କର୍ତ୍ତାନ୍ ତତ୍ ମିୟାଦ୍ ବିଶ୍ବାସତିଙ୍କ ତୁଟାଙ୍ଗ୍ ମାଡିତାନ, ଇଦ୍
ନାୟାଦ୍ ଅଣ୍ଟୟ୍ ଇଚ୍ଛା ।

୧୨ ଇଦିନ୍ ତତ୍ ମାନାଡ୍ ନିଜର୍ନିଜର୍ ଲୋପେ ବିଶ୍ବାସତିଙ୍କ ତୁଟାଙ୍ଗ୍
ମାଡେପାର୍ଦ୍ତାଡ୍ ।

୧୩ ☆ହୋ ଦାଦାଲଡି ନୁ ଏଲାସ୍, ମି ବକେଡ୍ ଖାଦାନଙ୍କ ନାନ
ନାର୍ଗେଦାମ୍ ଇଚ୍ଛା ମାଡୁତାନ, ଇଡକେ ବାଡୁଆୟି କାରନ୍ ମାୟୁଦିଙ୍କ,
ଇଞ୍ଜେକ୍ ଆନା ଖାଦାନଙ୍କ ପାର୍ସନ୍ । ଆନ୍ତେ ଜାଗାକିନାଗ୍
ଅଣୟିହୁଦୀଡ୍ ଲୋପେ ପ୍ରଚାର୍ ମାଡି ବେଲା ସଫଲ୍ ଆଡୁତାନ,
ମି ଜାଗାକିନାଗ୍ ଗାଲା ଆଲା ମାଡୁନଙ୍କ ନାୟାଦ୍ ଇଚ୍ଛା ।

୧୪ ଗ୍ରୀକ୍ ନାରୁଡ୍ ଆୟି କି ବର୍ବର୍ ନାରୁଡ୍ ଆୟି, କାର୍ତେନଶ୍ ଆୟି
କି କାର୍ତେନଶ୍ ଆୟି, ସାର୍ବେତତ୍ତେ ବକେଡ୍ ନାନ ରଣୀ ।

୧୫ ଆଦିଙ୍କ ରୋମ୍ ଦେଶ୍ତଡି ଆଡକେ ମିକା, ମିଇ ବକେଡ୍ ଗାଲା
ସୁସମାଚାର୍ ପ୍ରଚାର୍ ମାଡୁନଙ୍କ ନାୟାଦ୍ ଇଚ୍ଛା ମିନେ ।

ସୁସମାଚାର୍ତାଦ୍ ଶାଡ଼ଖାମ୍

୧୭ ☆ବାତେଙ୍କଇତକେ ନାନ୍ ସୁସମାଚାରତିଙ୍କ ସିଗ୍ ମାଡନ୍, ଆଦ୍ ସାରରେ ବିଶ୍ୱାସିତକିଂଙ୍କ ପରିତ୍ରାଣ୍ ସେଙ୍ଗେ ଶାଡ଼ଞ୍ଜାମ୍, ମୁନେନ୍ ଯିହୁଦୀଡ଼ାଗ୍, ମେଣ୍ଡେ ଗ୍ରୀକ୍ ନାରୁଡ଼ାଗ୍ ।

୧୮ ଆଗେ ତ ଇଶ୍ୱର୍ ଇଡ଼ତାଦ୍ ଦାର୍ମାମ୍ ମିନ୍ଦେ, ଆଦ୍ ବିଶ୍ୱାସ୍ତାଦ୍ ନୁ ବିଶ୍ୱାସ୍ ମାଡ଼ାନାଦ୍, ବେଦ୍ପୁରୁଙ୍କ ଲେକାମିନ୍ଦେ, “ଦର୍ମାମ୍ ନାରୁଡ଼, ବିଶ୍ୱାସ୍ତଡ଼ ବାଦକିତଣ୍ ।”

ନାରୁଡ଼ାଦ୍ ପାପ୍

୧୯ ବାତେଙ୍କଇତକେ ବେନ୍ ନାରୁଡ଼ ଅଦର୍ମତଡ଼ ସଡ଼ତିଙ୍କ ବିରୁଦ୍ ମାଡ଼ିତଡ଼, ଅଡ଼ାଦ୍ ସାରରେ ଅପବିତ୍ର ନୁ ଅଦର୍ମ ବିରୁଦ୍ତେ ସ୍ୱର୍ଗତାଗ୍ ଇଶ୍ୱର୍ କପାମ୍ ଆଦୁତନ୍,

୨୦ ଆଦିଙ୍କ ଇଶ୍ୱର୍ତେ ବିଷୟ ବାଡ଼ ପୁଡ଼ତଡ଼, ଆଦ୍ ତାମ୍ ଜିହ୍ୱଣ୍ତାଗ୍ ପୁଡ଼ତଡ଼; ଇଶ୍ୱର୍ ତ ତାମ୍ ବକେଡ଼ ଆଦ୍ କେଡ଼ତଣ୍ ।

୨୧ ଜଗଡ଼ ତିଆର୍ ଆଡ଼ତେକନ୍ସ୍ ଅନାଦ୍ ଲୋପେ ମାନ୍ଦାନ୍ ଗୁନାମ୍ ସାରରେ, ଇଡ଼କେ ଅନାଦ୍ ନାରଗେ ତେରଞ୍ଜାଦ୍ ଶକ୍ତି ନୁ ଇଶ୍ୱର୍ ଗୁନାମ୍, ତିୟାର୍ ମାଡ଼ତେ ଜିନିଷତଡ଼ ଜ୍ଞାନି ଆସ୍ ସାୟେ ଲେକାମ୍ ତଅନ୍ଦୁଡ଼, ବେଲାକି ଅଡ଼ ଉତ୍ତର୍ ଇଦାନଙ୍କ ଆର୍ ଇଲ୍ଲେ ।

୨୨ ☆ବାତେଙ୍କଇତକେ ଅଡ଼ ଇଶ୍ୱର୍ତିଙ୍କ ପୁଞ୍ଜ ଅଂକିଙ୍କ ଇଶ୍ୱର୍ ଇଞ୍ଜ ଗୌରବ୍ ମାଡ଼ଡ଼, କି ଦନ୍ୟବାଦ୍ ଇଞ୍ଜଡ଼, ଅଡ଼ ତାମ୍ତାମ୍ ଯୁକ୍ତିତର୍କ୍ ଆଦତଡ଼ ନୁ ଅଡ଼ାଦ୍ ବୁଦ୍ଇଲ୍ଞାଦ୍ ମନ୍ ଇକାଡ଼ ଆଡ଼ତେ;

୨୩ ଅଡ଼ ନିଜେ ନିଜେତିଙ୍କ ଜ୍ଞାନି ଇଞ୍ଜ ମନେ ମାଡ଼ିତଡ଼, ଇଡ଼କେ ଅଡ଼ ନିଜାମ୍ ମୁର୍କ୍ ଆଦତଡ଼,

୨୪ ଅନନ୍ତ ଇଶ୍ୱର୍ତିଙ୍କ ଗୌରବ୍ ମାଡ଼ଞ୍ଜେକଟ୍ ଅଡ଼ ନଷ୍ଟ୍ ଆଦାନ୍ ନାରୁଡ଼, ପିଟ୍ଟେ, ପଶୁ, ତାଡ଼ାକ୍ ରକମ୍ ଜିଞ୍ଜାକ୍ ଲେକାମ୍ ମୁଞ୍ଚି ତିୟାର୍ ମାଡ଼ି ଆଞ୍ଜିଙ୍କ ପୁଜା ମାଡ଼ତୁଡ଼ ।

୨୫ ଆଦିଙ୍କ ଇଶ୍ୱର୍ ଅଡ଼କିଂଙ୍କ ଝିଡ଼ସ୍ତଣ୍ ନୁ ଅଡ଼ ନିଜର୍ନିଜର୍ ଲାଲ୍‌ସା ଲେକାମ୍ ଅଶୁଚି ପାଡ଼ୟି ମାଡ଼ିତଡ଼, ଅଡ଼ ନିଜର୍ନିଜର୍ ଲୋପେ ସିଗ୍‌ଞ୍ଜାଦାନ୍ ସମ୍ପର୍କ ନେଃତିତଡ଼ ।

୨୫ ବାତେଙ୍କିକତକେ ଅଡ଼ ଇଶ୍ବରତେ ସଡ଼ ବଦଲ୍ଲତେ ମିର୍ ଗ୍ରହନ୍ ମାଡ଼ତଡ଼, ନୁ ତିୟାର ମାଡ଼ତେନଶ୍ବ ବଦଲ୍ଲତେ ତିୟାର ମାଡ଼ତେ ଜିନିଷତିଙ୍କ ପୁଜା ମାଡ଼ତଡ଼, ନୁ ସେବା ମାଡ଼ତଡ଼; ଅଣ୍ ଯୁଗ୍ଯୁଗ୍ ଦନ୍ୟ । ଆମେନ୍ ।

୨୬ ଇଦିନ୍ ସେଙ୍ଗେ ଇଶ୍ବର ଅଡ଼କିଂଙ୍କ ଗୁନାତାଦ ପାପ୍ ଇଡ଼ତନ୍, ବାତେଙ୍କିକତକେ ତାମ୍ ନାଟାଙ୍କି ସାୟେଡ଼ ବ୍ୟବହାର ମାଡ଼ାନ୍ ବଦଲ୍ଲତେ କାରାପ୍ ବ୍ୟବହାର ମାଡ଼ତା,

୨୭ ଆଦେରକମ୍ ମାନେୟ ଗାଲା ନିଜେଡ଼ ମୁତେଙ୍କି ଝିଡ଼ସି ମିକା ତାମ୍ତାମ୍ ଲାଲ୍ଯା ମାଡ଼ତଡ଼, ମାନେୟ ତଡ଼ ମାନେୟତେ କାରାପ୍ ପାଡ଼ୟି ମାଡ଼ତଡ଼, ମେଣ୍ଟେ ନିଜେ ନିଜେତାଦ୍ କାରାପ୍ ପାଡ଼ୟି ସେଙ୍ଗେ କଷ୍ଟ ପାଏମ୍ ଆଦତଡ଼ ।

୨୮ ମେଣ୍ଟେ ଅଡ଼ ଇଶ୍ବରତେ ବିଷୟତାଦ୍ ବୁଦ୍ ଗ୍ରହଣ ମାଡ଼ାନଙ୍କ ପାର୍ଝଡ଼, ଆଦେରକମ୍ ଇଶ୍ବର କାରାପ୍ ପାଡ଼ୟି ମାଡ଼ାନ୍ ସେଙ୍ଗେ ଅଡ଼କିଂଙ୍କ କାରାପ୍ ବୁଦ୍ ଇଡ଼ତନ୍ ।

୨୯ ଅଡ଼ ସାର୍ବେପ୍ରକାର ଦୁଷ୍ଟ, ଅଦର୍ମ, ଲବି, ଇଂସା, ଇର୍ଷା, ହାଡ଼କାଙ୍କି, ଗଲ୍ଲକ୍, ମିର୍, କାରାପ୍ ନୁ ନିନ୍ଦାତଡ଼ ବର୍ତ୍ତ ଆଦତଡ଼;

୩୦ ଅଡ଼ ପେର୍ଲେ, ନିନ୍ଦ୍ ମାଡ଼ିତଡ଼, ଇଶ୍ବରତିଙ୍କ ପାସକିତଡ଼, ଅତ୍ୟାଚାର୍, ଅହଂକାରି, କାରାପ୍ ପାଡ଼ୟି ତିୟାର ମାଡ଼ାନଡ଼ି, ଯାୟବାବାନ୍ ଗଟି କେଞ୍ଜଡ଼,

୩୧ ଅଡ଼ ମୁର୍କ୍, ନିୟମ୍ ପାଲନ୍ ମାଡ଼ତଡ଼, ସ୍ନେହ ମାଡ଼ତଡ଼, ନୁ ନିଷ୍ଟରୁ ଆଦତଡ଼ ।

୩୨ ଅଡ଼ ପୁଡ଼ତଡ଼, ଯେ, ଇଶ୍ବର ବିଦାନ୍ ଲେକାମ୍ ବେନଡ଼ ଇଦ୍ ରକମ୍ ବ୍ୟବହାର ମାଡ଼ିତଡ଼, ଅଡ଼ ଡ଼ଲିତଡ଼, ଇଶ୍ବରତାଦ୍ ଇଦ୍ ନିୟମ୍ ପୁଡ଼କେ ଗାଲା ଅଡ଼ ଇଦ୍ ରକମ୍ ବ୍ୟବହାର ମାଡ଼ିତଡ଼ ଆଦ୍ ଆୟୟ, ମେଣ୍ଟେ ଇଦ୍ ରକମ୍ ମାଡ଼ାନ୍ ନାରୁଡ଼କିଂଙ୍କ ଝେଡ଼କେତେ ସପର୍ ମାଡ଼ିତଡ଼ ।

9

ଇଶ୍ବରତାଦ୍ ନ୍ୟାୟ ବିଚାର୍

୧ ☆ଆଦିଙ୍କୁ, ହୋ ଦାଦାଲ୍ ନୁ ଏଲାଡ଼, ମିଡ଼୍ ବାଡ଼ ମେଣ୍ଡେଅଡ଼ତିଡ଼କ୍ ବିଚାର୍ ମାଡ଼ଡ଼ିଡ଼, ନିମ୍ ବେନଆଇ ଆଡ଼କେ ଗାଲା, ଇଲା ମାଡ଼ାନାଦ୍ ନିୟାଦ୍ ଟିକ୍ ଆୟ୍; ବାଡେଙ୍କଇଡ଼କେ ବେନ୍ ବିଷୟତେ ନିମ୍ ମେଣ୍ଡେଅଡ଼ତିଡ଼ ବିଚାର୍ ମାଡ଼ଡ଼ିଡ଼, ଆଦ୍ ବିଷୟତେ ନିମେ ନିଜେଡିଙ୍କ୍ ଦଷି ମାଡ଼ଡ଼ିଡ଼, ଆଦିଙ୍କୁ ନିମେ ବିଚାର୍ ମାଡ଼ମାନ୍, ନିମେ ନିଜେ ଆଦ୍ଲେକାମ୍ ପାଡ଼ୟି ମାଡ଼ଡ଼ିଡ଼ ।

୨ ମେଣ୍ଡେ ବେନ ଇଦ୍ ରକମ୍ ପାଡ଼ୟି ମାଡ଼ିତଡ଼, ଅଡ଼୍ ବିରୁଦ୍ଧତେ ଇଶ୍ବର ସଡ଼ ବିଚାର୍ ମାଡ଼ିତନ୍ ଇଦ୍ ମାମ୍ମେ ପୁଡ଼ତମ୍ ।

୩ ମେଣ୍ଡେ, ହୋ ଦାଦାଲ୍ ନୁ ଏଲାଡ଼, ବେନଡ଼ ଇଦ୍ ରକମ୍ ପାଡ଼ୟି ମାଡ଼ିତଡ଼, ଅଡ଼ାଦ୍ ବିଚାର୍ ମାଡ଼ି ନିମେ ନିଜେ ଆଦ୍ ରକମ୍ ପାଡ଼ୟି ମାଡ଼ମାନ୍ତିନ୍, ନିମେ ବାଆଡେ ଇଶ୍ବର ବିଚାର୍ ମାଡ଼ାନୁଝେଲେ ମିରାନଙ୍କ୍ ଆଲ୍‌ସୁତିନ୍ ?

୪ ଆଦ୍‌ପାର୍‌ଦ୍‌ତେ, ଇଶ୍ବରତେ କୃପା, ଗାଡ଼ସ୍ ନୁ ସାରେ ଲେକାମ୍ ଦନ୍‌ଡିଙ୍କ୍ ଆଙ୍ଗଡ଼ାମ୍ ମାଡ଼ଡ଼ିଡ଼ । ଆଗେକ୍‌ବା ମିଡ଼୍ ପୁଡ଼ତିଡ଼ ଯେ ଇଶ୍ବର ଦୟାବାନ୍, ବାଡେଙ୍କଇଡ଼କେ ଅଣ୍ ମିକିଙ୍କ୍ ମନ୍ ବାଦ୍‌ଲା ମାଡ଼ାନଙ୍କ୍ ଡିୟାର୍ ଆଡୁତନ୍ ।

୫ ଇଡ଼କେ ମିଡ଼୍ ନିଜର୍ ଗାଡ଼ସ୍ ନୁ ବାଦ୍‌ଲେମ୍ ଆୟ୍‌ଝାଦ୍ ଜିଝୁଣ୍ ଲେକାମ୍, ବେନ୍ ଦିନ୍ ଇଶ୍ବରତାଦ୍ ନ୍ୟାୟ ବିଚାର୍ ଆଦ୍‌ତେ, ଆଦ୍ କପାମ୍ ଦିନ୍ ସେଙ୍ଗେ ମିଡ଼୍ ନିଜେ କପାମ୍ ଗାଡ଼ସୁଡ଼ିଡ଼;

୬ ବାଡେଙ୍କଇଡ଼କେ ଅଣ୍ ସାର୍‌ରେ ନାରୁଡ଼କିଙ୍କ୍ ନିଜର୍ ନିଜର୍ ପାଡ଼ୟି ସେଙ୍ଗେ ଇନାମ୍ ଇଦ୍‌ତଣ୍;

୭ ବେନଡ଼ ଗାଡ଼ସ୍ ଆସ୍ ସାୟେଡ଼ ପାଡ଼ୟି ମାଡ଼ି ଗୌରବ୍, ସମ୍ମାନ ନୁ ଅମର୍ ଆଦାନଙ୍କ୍ ଚାଏମ୍ ଆଦ୍‌ତଡ଼, ଅଡ଼କିଙ୍କ୍ ସାରେଦିନାଡ଼ ଜିଝୁଣ୍ ଇଦ୍‌ତଣ୍,

୮ ଇଡ଼କେ ମେଣ୍ଡେଅଣ୍ ପାକେ ବେନଡ଼ ସ୍ଵାର୍‌ପର, ମେଣ୍ଡେ ସଡ଼ତିଙ୍କ୍ ପାଲନ୍ ମାଡ଼ଣ୍, ଅଦର୍ମ ପାଲନ୍ ମାଡ଼ିତନ୍, ଅଡ଼କିଙ୍କ୍ କପାମ୍ ନୁ ଦଂସ ଦରକିଡ଼ ।

୯ ସାର୍‌ରେ କାରାପ୍ ପାଡ଼ୟି ମାଡ଼ାନ ନାରୁଡ଼ ଜିଝୁଣ୍ ପରର ଦୁଃକା ନୁ କଷ୍ ଆଦ୍‌ତେ, ମୁନେନ୍ ଯିହୁଦୀ ନାରୁଡ଼କ୍ ନୁ ଅଣିଇହୁଦୀ ନାରୁଡ଼କ୍

ଆଦତେ ।

୧୦ ଇଡକେ ସାରରେ ସାୟେଡ଼ ପାଡ଼ିଯି ମାଡାନ ନାରୁଡକ୍ ଇଶ୍ବର ଅଡକିଂଙ୍କ ଗୌରବ୍, ସମ୍ମାନ ନୁ ଶାନ୍ତି ଇଦତଣ୍ । ମୁନେନ୍ ଯିହୁଦୀ ନାରୁଡକ୍ ତାନପେକେ ଅଣୟିହୁଦୀ ନାରୁଡକ୍ ।

୧୧ ବାତେଙ୍କଇଡକେ ଇଶ୍ବର ସାର୍ବେତଡକିଙ୍କ ସାମାନ ବିଚାର ମାଡିତଣ୍ ।

୧୨ ଆଦିଙ୍କ ବେସର୍ ନାରୁଡ, ମୋଶାନ ନିୟମ୍ ପାଲନ୍ ମାଡକବ୍ ପାପ୍ ମାଡଡଡ, ଅଡ ଗାଲା ବିନା ନିୟମ୍ ତଡ ନଷ୍ଟ ଆଦତଡ; ମେଣ୍ଟେ ବେସର୍ ମୋଶାନ ନିୟମ୍ ପାଏମ୍ ଆସ୍ ପାପ୍ ମାଡଡଡ, ଅଡ ଆଦ ନିୟମ୍ ଲେକାମ୍ ବିଚାର ଆଦତଡ,

୧୩ ବାତେଙ୍କଇଡକେ ନିୟମ୍ ପୁଡଡଡ, ଇଶ୍ବରତେ ମୁନ୍ନେ ଦାର୍ମାମ୍ ଆୟୟଡ, ଇଡକେ ନିୟମ୍ ପାଲନ୍ ମାଡାନଡ ଦାର୍ମାମ୍ ଆଦତଡ ।

୧୪ ଆଦିଙ୍କ ଅଣୟିହୁଦୀଡାଦ୍ ଆଦ ନିୟମ୍ ଇଲ୍ଲଖେମାଡକେ ମିକା, ବେସୁର୍ ଅଡ ନିୟମ୍ ଲେକାମ୍ ପାଡିଯି ମାଡିତଡ, ଆସୁଟେ ଅଡକ୍ ନିୟମ୍ ଦର୍କକ୍ ଗାଲା ଆଦ ଅଡକିଂଙ୍କ ନିୟମ୍ ଲେକାମ୍ ଆଦତେ;

୧୫ ଅଡାଦ୍ ପାଡିଯିତଡ, ଇଦ୍ ସାୟେ ପୁନ୍ୟାନ୍ଙ୍କ ଆଦୁଡ ଯେ, ବ୍ୟବସ୍ଥାତାଦ୍ ନିୟମ୍ ଅଡାଦ୍ ହୁଦୟତାଗ୍ ଲେକା ଆସ୍ମିୟେ । ଇଦ୍ ଗର୍ତାଦ୍ ସତ୍ୟ ଅଡ଼଼ାଦ୍ ବିବେକ୍ ତଡ ପ୍ରାମାନ୍ ଆଦତେ, ସଡ୍ ଚିନ୍ତେ ମାଡକେ ବିବେକ୍ ଅଡକିଂଙ୍କ ସପର୍ ମାଡିଡ, କାରାପ୍ ଚିନ୍ତେ ମାଡକେ ଦୋଷି ମାଡିଡ ।

୧୬ ବେନ୍ ଦିନ୍ ଇଶ୍ବର ନାୟାଦ୍ ସୁସମାଚାର ଲେକାମ୍ ଜିସୁ କ୍ରିଷ୍ଟନ୍ ତଡ ନାରୁଡାଦ୍ ମିଞ୍ଜିମାୟାନ୍ ବିଷୟତିଙ୍କ ବିଚାର ମାଡିତନ୍, ଆଦ ଦିନ୍ ଇଦ୍ ପେୟତିଡ ।

ଯିହୁଦୀ ନୁ ନିୟମ୍

୧୭ ଯଦି ମିଡ୍, ଯିହୁଦୀ ପେଦେର୍ ପୟସ୍ ମିକା ମୋଶାନ ନିୟମ୍ ପରର ଆଗେ ମାଡଡିଡ, ନୁ ଇଶ୍ବରତଡ, ସମ୍ପର୍କ ମିୟେ ଇଞ୍ଜ ଗର୍ବ ମାଡଡିଡ,

୧୮ ଇଶ୍ବର ମିୟାଗାଙ୍କ ବାତେ ଇଚ୍ଛା ମାଡଡୁଣ୍ ଆଦ୍ ପୁଡଡିଡ, ନୁ ନିୟମ୍ତାଗାଙ୍କ ସଡ୍ ନୁ ଆସଡ୍ ଜ୍ଞାନ ପାଏମ୍ ଆଡଡିଡ;

୧୯ ମିତ୍, ନିଜାମ୍ ପୁତ୍ତିତ୍, ଯେ, ମିତ୍, ଇକାଡ୍ତାଗ୍ ମାନ୍ଦାନ୍ ନାରୁଡ୍‌କିଙ୍କ୍ ଖେସ୍ ରକମ୍ ଆଦ୍‌ତିତ୍,

୨୦ ମୁର୍କ୍ ନାରୁଡ୍‌ତେ ମେସ୍ତେରି, ଅଜ୍ଜାନ୍ ନାରୁଡ୍‌ତେ ଗୁରୁ । ମିୟାଦ୍ ବିଶ୍ବାସ୍ ଯେ ନିୟମ୍‌ତାଗାଙ୍କ୍ ମିତ୍ ପୁରା ସତ୍ୟ ନୁ ଜ୍ଞାନ୍ ପାଏମ୍ ଆଡ୍‌ତିତ୍ ।

୨୧ ମିତ୍, ଯଦି ମେଣ୍ଡେଅଡ୍‌ତିତ୍ ଶିକ୍ଷା ଇଦୁଡ୍‌ତିତ୍, ମିତ୍, ବାଆଡେ ନିଜେତିଙ୍କ୍ ଶିକ୍ଷା ଇଡ୍‌ତିତ୍ ? “ତଙ୍ଗମାଟ୍ ଇଞ୍ଜ ପ୍ରଚାର୍ ମାଡି ମିତ୍, କି ତଙ୍ଗୁଡ୍‌ତିତ୍ ?”

୨୨ “ବେବିଚାର୍ ମାଡ୍‌ମାଟ୍ ଇଞ୍ଜ କେସ୍ ମିତ୍, କି ବେବିଚାର୍ ମାଡ୍‌ଡୁଡ୍ ? ମିତ୍, ମୁର୍ତ୍ତିତିଙ୍କ୍ ଗୁଣା ମାଡ୍‌ଡୁଡ୍, ମିତ୍, କି ମନ୍ଦିରତାଗ୍ ଇଡ୍‌ତାସ୍ ଜିନିଷ୍ ଲୁଣ୍‌ନ୍ ମାଡ୍‌ଡୁଡ୍ ?”

୨୩ ମିତ୍, ଇଶ୍ବରତେ ନିୟମ୍ ତଡ୍, ଗର୍ବ୍ ମାଡ୍‌ଡୁଡ୍, ନିୟମ୍ ଲଘନ୍ ମାଡି ମିତ୍, ବାଆଡେ ଇଶ୍ବରତିଙ୍କ୍ ହୀନ୍ ମାଡ୍‌ଡୁଡ୍ ?

୨୪ ବାଡେଇଡ୍‌କେ ବେଲା ଲେକାମିୟେ, “ମିଇ ସେଙ୍ଗେ ଅଣାଧିହୁଦୀ ନାରୁଡ୍, ଲୋପେ ଇଶ୍ବରତେ ପେଦେର୍ ନିୟ୍ ଆଦୁଡ୍‌ତେ ।”

୨୫ ଯଦି ମିତ୍, ନିୟମ୍ ପାଲନ୍ ମାଡ୍‌ଡୁଡ୍, ଆଲେକେ ନିଜାମ୍ ମିତ୍, ସୁନ୍ନତ୍ ପାଏମ୍ ଆଡ୍‌ତେ ନାରୁଡ୍, ଲେକାମ୍ ଆଦ୍‌ତିତ୍, ଇଡ୍‌କେ ମିତ୍, ନିୟମ୍‌ତିଙ୍କ୍ ଲଘନ୍ ମାଡ୍‌ତିତ୍, ଆଲେକେ ମିତ୍, ସୁନ୍ନତ୍ ଆୟ୍‌ସେ ନାରୁଡ୍, ଲେକାମ୍ ଆଦ୍‌ତିତ୍ ।

୨୬ ଯଦି ସୁନ୍ନତ୍ ଆୟ୍‌ସେ ନାରୁଡ୍, ଅଣାଧିହୁଦୀ ନିୟମ୍ ପାଲନ୍ ମାଡ୍‌ତିତ୍, ଆଲେକେ ଅଣ୍ ସୁନ୍ନତ୍ ଆୟ୍‌କ୍ ଗାଲା ବାଆଡେ ଇଶ୍ବର ଅଂକିଙ୍କ୍ ସୁନ୍ନତ୍ ଇଞ୍ଜ କେଲଣ୍ କି ?

୨୭ ଆଦିଙ୍କ୍ ମେନ୍ଦୁଲ୍‌ତଡ୍, ସୁନ୍ନତ୍ ଆୟ୍‌ସେ ନାରୁଡ୍, ନିୟମ୍ ପାଲନ୍ ମାଡ୍‌ତିତ୍, ଆଲେକେ ଅଡ୍, ମିୟାଦ୍ ବିଚାର୍ ମାଡ୍‌ତିତ୍, ମିତ୍, ଲେକ୍‌ତାଦ୍ ନିୟମ୍ ନୁ ପାଲନ୍ ପାଏମ୍ ଆସ୍ ଗାଲା ନିୟମ୍ ଲଘନ୍ ମାଡ୍‌ଡୁଡ୍ ।

୨୮ ଇଡ୍‌କେ ବାୟିଦେ ବେନ ଯିହୁଦୀ, ଅଣ୍ ଯିହୁଦୀ ଆୟ୍‌ୟ୍, କି ବାୟିଦେ ମେନ୍ଦୁଲ୍ ତଡ୍, ବେନ ସୁନ୍ନତ୍, ଆଦ୍ ସୁନ୍ନତ୍ ଆୟ୍‌ୟ୍ ।

୨୯ ବେନ ହୁଦୟ୍‌ତାଗାଙ୍କ୍ ଯିହୁଦୀ ଅଣ୍ ନିଜାତଣ୍ ଯିହୁଦୀ, ମେଣ୍ଡେ ଲେକ୍‌ତାଦ୍ ଲେକାମ୍ ଆୟ୍‌ୟ୍, ମାଡର୍ ଜିହୁଣ୍ ଲୋପେକସ୍ ବେନ ସୁନ୍ନତ୍, ଆଦ୍ ନିଜାତାଦ୍ ସୁନ୍ନତ୍ । ଇଦ୍ ରକମ୍ ନାରୁଡ୍, ନାରୁଡ୍‌ଗାଙ୍କ୍

ପ୍ରସଂଶା ପାଏନ୍ ଆୟୁୟଣ୍, ଇଡକେ ଇଶ୍ବରତାଗାଙ୍କ ପାଏନ୍ ଆଦତନ୍
|

୩

୧ ଆଲେକେ ଯିହୁଦୀ ନାରୁଣ୍ଡତାଦ୍ ମୁଲ୍ୟ ବାଆତେ ? ସୁନ୍ନତ୍ ବା ଉପକାର ବାଆତେ ?

୨ ସାରରେ ଲେକାଡ୍ ନାରଗେ । ମୁନେନ୍, ଇଶ୍ବର ତାନ୍ କାବୁରତେ ଦାୟିତ୍ବ ଯିହୁଦୀତାଗ୍ ସର୍ପା ମାଡ଼ିମାଡ଼ତଣ୍ ।

୩ ଆଲେକେ ବାଆତେ ? ଯଦି ବେନ ଅବିଶ୍ବାସୀ ଆଡକେ, ଆଲେକେ ବାଡ୍ ଅଡାଦ୍ ଅବିଶ୍ବାସ୍ ଇଶ୍ବରତାଦ୍ ବିଶ୍ବାସତିଙ୍କ୍ ନଷ୍ଟ ମାଡ଼ିଡ୍ ?

୪ ଆଦ୍ ବେସୁର୍ ଆୟୁମାକି, ଇଡକେ ସାରରେ ନାରୁଡ୍, ମିର୍ ଆଡକେ ଆୟିଡ୍, ବାତେଙ୍କ୍ ଇଡକେ ଇଶ୍ବର ନିଜାମ୍ ଇଞ୍ଜ ସ୍ବାକାର୍ ଆୟି, ଶାସ୍ତ୍ରତାଗ୍ ଲେକାମିନ୍ଦେ, “ମିଡ୍ ମିୟାଦ୍ ବାକ୍ୟ ତଡ୍ ଦାର୍ମାମ୍ ଆଦତିଡ୍, ମେଣ୍ଡେ ବିଚାର୍ ଆଦାନ୍ ଖେଲେ ଜିଡ଼ିଡ଼ିଡ୍ ।”

୫ ଯଦି ମାନାଡ୍ ଦାର୍ମାମ୍ ଇଲ୍ ଖେ ନାରୁଡ୍, ତଡ୍ ଇଶ୍ବରତାଦ୍ ଦାର୍ମାମତିଙ୍କ୍ ସାମାନ୍ ପ୍ରମାଣ୍ ମାଡ଼ିତାଡ୍, ଆଲେକେ ମାନାଡ୍ ବାଆତେ କେଡିତାଡ୍ ? ବେନ୍ ଇଶ୍ବର କପାମ୍ତାଦ୍ ଦଣ୍ ଇଦ୍ ତଣ୍, ଅଣ୍ ବାଆତେ ଦାର୍ମାମ୍ ଆୟୁୟଣ୍ ? ନାନ୍ ନାରୁଡ୍ ଇନା କେଡୁତାନ୍ ।

୬ ଆଦ୍ ବେସୁର୍ ଆୟୁମାକି; ଇଶ୍ବର ଯଦି ନ୍ୟାୟବାନ୍ ଆୟୁଖେମାକ୍, ଆଲାଆଡକେ ଅଣ୍ ବେଲା ଜଗଡ୍ତାଦ୍ ବିଚାର୍ ମାଡ଼ିଡନ୍ ?

୭ ଯଦି ନାଞ୍ଜାଦ୍ ମିର୍ ତଡ୍ ଇଶ୍ବରତାଦ୍ ସଡ୍ ଅନ୍ ଗୌରବ୍ ସେଙ୍ଗେ ନାରଗେ ଆଡକେ, ଆଲେକେ ନାନ୍ ଗାଲା ମେଣ୍ଡେ ବାତେଙ୍କ୍ ପାପି ଇଞ୍ଜ ବିଚାର୍ ଆଦ୍ତାନ୍ ?

୮ ମାନାଡ୍ ବାତେଙ୍କ୍ କେଲ୍ ଖାଡ୍, “ଞ୍ଜାଡାର୍ କାରାପ୍ ପାଡ଼ୟି ମାଡ଼ିକାଡ୍, ଇଗାଙ୍କ୍ ଲେକେଡ୍ କାୟା ଦରକିଡ୍,” ନାନ୍ ଇଦ୍ ରକମ୍ ଗଟି କେଡୁତାନ୍ ଇଞ୍ଜ ବେସ୍ କଡୁଡ୍ ନିନ୍ଦେ ମାଡ଼ୁଡୁଡ୍ । ଅଡ଼କିଂଙ୍କ୍ ବାଡ୍ ଦଣ୍ ଦରକାନାଦ୍ ମାନ୍ତେ ଆଦ୍ ଦକ୍ ଡ୍ ।

ବେନଡ୍ ଦାର୍ମାମ୍ ଆୟୁୟଣ୍

୯ ଆଲେକେ ବାଆତେ ? ମାନାଡ଼୍ କି ବାଗାଡ଼ ନାରୁଡ଼ାଗାଙ୍କ ମହାନ ? ଇଲ୍ଲେ, ବେଲାବା ଆୟ୍ଯୟ; ବାତେଙ୍କିକଡ଼କେ ଯିହୁଦୀ ନୁ ଅଣୟିହୁଦୀ ନାରୁଡ଼୍, ସାରରେ ପାପ୍ ଅଦିନ୍ତାଗ୍ ମିନ୍ଦେଡ଼୍, ନାନ୍ ମୁନେନ୍ କେଡ଼ତାନ୍ ଯେ ଇଡ଼୍ ରେଣ୍ଡ୍ ନାରୁଡ଼୍ ପାପ୍ ଅଦିନ୍ତାଗ୍ ମିନ୍ଦେଡ଼୍ ।

୧୦ ଶାସ୍ତ୍ରତାଗ୍ ଲେକାମିନ୍ଦେ, “ଦାର୍ମାମ୍ ବେନବା ଇଲାଣ୍ଡ୍, ଇଲ୍ଲେ, ଝେରଣ୍ଡ୍ ବା ଇଲ୍ଲେଣ୍ଡ୍;

୧୧ ବେନ ବୁଜେମ୍ ଆଦତନ୍, ଇଦ୍ ରକମ୍ ବେନ ଇଲ୍ଲଲାଣ୍ଡ୍; ବେନ ଇଶ୍ବରତିଙ୍କ ମେଏକିତଣ୍ଡ୍, ଇଦ୍ ରକମ୍ ଝେରଣ୍ଡ୍ବା ଇଲ୍ଲଲାଣ୍ଡ୍;

୧୨ ଅଡ଼୍ ସାରେଡ଼ଡ଼୍ କାରାପ୍ ଆର୍ଦ୍ଦାଗ୍ ଅଦୁଡ଼ଡ଼୍, ଅଣ୍ଡ୍ଯଡ଼ଡ଼୍, ବେକାର୍ ଆଦତଡ଼୍; ବେନ ସଡ଼୍ ପାଡ଼୍ଯି ମାଡ଼ିତନ୍, ଇଦ୍ ରକମ୍ ବେନ ଇଲ୍ଲଲାଣ୍ଡ୍, ଇଲ୍ଲେ, ଇଦ୍ ରକମ୍ ଝେରଣ୍ଡ୍ବା ଇଲ୍ଲଲାଣ୍ଡ୍ ।

୧୩ ଅଡ଼ାଦ୍ ପାୟ୍ଯର୍ କୁଲେମ୍ ଆଡ଼ଡେ ସମାଦି, ଅଡ଼୍ ନିଜେଡ଼୍ ଝେଞ୍ଜେର୍ ତଡ଼୍ ତଲନା ମାଡ଼ିମିନ୍ଦେଡ଼୍, ଅଡ଼ାଦ୍ ଇଞ୍ଜିଡ଼୍ ମଦଲ୍ ତାଡ଼ାମ୍ତାଦ୍ ଝିସାମ୍ ମିନ୍ଦେ;

୧୪ ଅଡ଼ାଦ୍ ଗଟି କାୟ୍ଯତା ନୁ ଅବିଶାପ୍ ତଡ଼୍ ବର୍ଡ଼୍ ଆଡ଼ଡେ;

୧୫ ଅଡ଼୍ ରେଏତାନଙ୍କ ନୁ ଆଞ୍ଜୁକାନଙ୍କ ମୁନ୍ନେ ମିନ୍ଦେଡ଼୍;

୧୬ ଅଡ଼ାଦ୍ ଆର୍ତାଗ୍ ଦସଂ ନୁ କଷ୍ଟ ମିନ୍ଦେ,

୧୭ ମେଣ୍ଡେ ଶାନ୍ତିତାଦ୍ ଆର୍ ଅଡ଼୍ ପୁନଡ଼୍ ।

୧୮ ଇଶ୍ବରତାଦ୍ ଝେରେ ଅଡ଼ାଞ୍ କଣ୍ଡାନାଗ୍ ବିଲ୍ଲକୁଲ୍ ଇଲ୍ଲେ ।”

୧୯ ମେଣ୍ଡେ, ମାନାଡ଼୍ ତ ପୁଡ଼ତାଡ଼୍, ବେନଡ଼୍ ନିୟମ୍ ଅଦିନ୍ତେ ମିନ୍ଦେଡ଼୍, ଅଦିନ୍ ସାରେ ବିଦିବିଦାନ୍ ପାଲନ୍ ମାଡ଼ାନଙ୍କ ବାଦ୍ୟ । ଇଶ୍ବର୍ ବେସୁର୍ ସାରେଡ଼ଡ଼୍ଝାଦ୍ ବିଚାର ମାଡ଼ିତଣ୍ଡ୍, ନିୟମ୍ ମାନେମ୍ ଆୟ୍ଯଡ଼୍, ବାଡ଼ଆୟ୍ଯି ବୁସାମାଡ଼ି ନିର୍ଦ୍ଦଷ୍ଟ ଇଞ୍ଜି କେତାନଙ୍କ ପାର୍ଝଡ଼୍ ।

୨୦ ☆ବାତେଙ୍କିକଡ଼କେ ନିୟମ୍ତାଦ୍ ପାଡ଼୍ଯି ତଡ଼୍ ବେନବା ଅନ୍ ମୁନ୍ନେ ଦାର୍ମାମ୍ ଆୟ୍ଯୟ, ଇଡ଼କେ ନିୟମ୍ ତଡ଼୍ ପାପ୍ତାଦ୍ ବୁଦ୍ ପୁଟିଡ଼୍ ।

ବିଶ୍ବାସ ତଡ଼୍ ଦାର୍ମାମ୍ ଆଦ୍ପାର୍ଦ୍ଦତାଡ଼୍,

୨୧ ଇଡ଼କେ ଇଶ୍ବର ମାନାଙ୍କ ଦାର୍ମାମ୍ ମାଡ଼ାନ ସେଙ୍ଗେ ନିୟମ୍ ବାୟଦେ ବାଡ଼ ମାଡ଼ତଣ୍ଡ ଆଦ ଇଞ୍ଜେ ପ୍ରକାଶ୍ ଆଡ଼ତେ, ମେଣ୍ଡେ ଆଦ ବିଷୟତେ ନିୟମ୍ ନୁ ବାବବାଦିଡ଼୍ ସାକ୍ଷି ଇଦୁତଡ଼୍,

୨୨ ☆ମାଡ଼ର୍ ଜିସୁ କ୍ରିଷ୍ଟନାଗ୍ ବିଶ୍ବାସ୍ ମାଡ଼ାନ ତଡ଼୍ ମାନାଡ଼୍ ଇଶ୍ବରତାଗ୍ ଦାର୍ମାମ୍ ଆଡ଼ତାଡ଼୍, ଇଶ୍ବର ବେନଙ୍କ୍ବା ସପର୍ ମାଡ଼କଟ୍ କ୍ରିଷ୍ଟନାଗ୍ ବିଶ୍ବାସ୍ ମାଡ଼ମାୟାନ୍ ସାରେତଡ଼୍ ଇଦ୍ ସୁଯୋଗ୍ ଇଦ୍ତଣ୍ଡ୍ ।

୨୩ ସାରେତଡ଼୍ ତ ପାପ୍ ମାଡ଼ତଡ଼୍, ମେଣ୍ଡେ ଇଶ୍ବରତେ ଗୌରବ୍ ତାଗାଙ୍କ୍ ଜେକେ ଆଡ଼ତଡ଼୍,

୨୪ ମେଣ୍ଡେ ଅଡ଼୍ ବିନାମୁଲ୍ୟତେ ଅନ୍ ଅନୁଗ୍ରମାମେ ଆୟମ୍, କ୍ରିଷ୍ଟ ଜିସୁନାଗ୍ ବେନ୍ ମୁକ୍ତି ମିନ୍ଦେ, ଅଦିନ୍ତଡ଼୍ ଦାର୍ମାମ୍ ଆଦତଡ଼୍ ।

୨୫ ଇଶ୍ବର ଜିସୁଙ୍କ୍ ଦାନ ମାଡ଼ତଣ୍ଡ, ବେଲାକି ଅନ୍ ତଲ୍ତନ୍, ଅନାଗ୍ ବିଶ୍ବାସ୍ ମାଡ଼ମାୟା ନାରୁଡ଼ାଦ୍ ପାପ୍ କ୍ଷମା ଉପାୟ୍ ଆଦତେ । ଇଶ୍ବର ନିଜର୍ ଦାର୍ମାମ୍ ତଅତାନଙ୍କ୍ ଇଲା ମାଡ଼ତଣ୍ଡ । ଇଶ୍ବର ଗାଡ଼ସ୍ ଆସ୍ ନାରୁଡ଼ାଦ୍ ମୁନେନ୍ ମାଡ଼ତେ ପାପ୍ ପୟଣ୍ଡ୍ ।

୨୬ ମେଣ୍ଡେ ଇଞ୍ଜେଡ଼୍ ଯୁଗ୍ତାଗ୍ ନିଜେଡ଼୍ ଦାର୍ମାମ୍ ତଅତାନ ମାୟଦିଙ୍କ୍ ଅଣ୍ଡ୍ ପାପ୍ କ୍ଷମାତାଦ୍ ନିୟମ୍ ମାଡ଼ତଣ୍ଡ, ବେଲାକି ଅଣ୍ଡ୍ ନିଜେ ଦାର୍ମାମ୍ ନୁ ଜିସୁ କ୍ରିଷ୍ଟନାଗ୍ ବିଶ୍ବାସ୍ ମାଡ଼ାନଡ଼୍ ଦାର୍ମା ନାରୁଡ଼୍ ଇଞ୍ଜ କେତିତଡ଼୍ ।

୨୭ ଆଲେକେ ଗର୍ବ୍ ବେଗେ ? ଆଦ୍ ଜେଏକେ ଆଡ଼ତେ । ବାଡ଼ ରକମ୍ ନିୟମ୍ତଡ଼୍ ? ବାଡ଼ କ୍ରିୟାକର୍ମ୍ତାଦ୍ ନିୟମ୍ତଡ଼୍ ? ଇଲ୍ଲେ, ବିଶ୍ବାସ୍ତାଦ୍ ନିୟମ୍ତଡ଼୍ ।

୨୮ ମାମ୍ ନିଜାମ୍ ବୁଜେମ୍ ଆଡ଼ତମ୍ ଯେ, ନାରୁଡ଼୍ କ୍ରିୟାକର୍ମ୍ ନିୟମ୍ ଝିଡ଼ସି ବିଶ୍ବାସ୍ ତଡ଼୍ ଦାର୍ମାମ୍ ଲେକା ଆଦତଡ଼୍ ।

୨୯ ଇଶ୍ବର କି ମାଡ଼ର୍ ଯିହୁଦିଡ଼୍ ଇଶ୍ବର ? ଅଣ୍ଡ୍ ବାଡ଼ ଅଣାୟିହୁଦୀଡ଼୍ ଇଶ୍ବର ଆୟ୍ୟଣ୍ଡ୍ ? ହୋ, ଅଣାୟିହୁଦୀ ନାରୁଡ଼୍ତାଦ୍ ମିକା ଇଶ୍ବର ।

୩୦ ☆ବାଡେଙ୍କ୍ ଇଡ଼କେ ଇଶ୍ବର ତ ଝେରଣ୍ଡେ, ମେଣ୍ଡେ ଅଣ୍ଡ୍ ବିଶ୍ବାସ୍ ତଡ଼୍ ଯିହୁଦୀ ନାରୁଙ୍କ୍ ନୁ ବିଶ୍ବାସ୍ ତଡ଼୍ ଅଣାୟିହୁଦି ନାରୁଙ୍କ୍ ଦାର୍ମାମ୍ ମାଡ଼ିତନ୍ ।

୩୧ ଆଲେକେ ମାମ୍ମେ ବାଡ଼ ବିଶ୍ୱାସ୍ ତତ୍, ନିୟମ୍ତିଙ୍କ ଲପ୍ ମାଡ଼ୁଡ଼ାତ୍ ? ଆଦ୍ ବେସୁଟ୍ ବା ଆୟ୍ମାକି, ବିଶ୍ୱାସ୍ ତତ୍, ମାନାଡ଼, ନିୟମ୍ତିଙ୍କ ସାୟେ ତିଆର୍ ମାଡ଼ୁଡ଼ାତ୍ ।

୪

ଅବ୍ରାହାମ୍‌ତାଦ୍ ଉଦାରନ୍

୧ ଆଲେକେ ମେନ୍ଦୁଲ୍ ଲେକାମ୍ ମାନ୍ ଆନିଦାଦି ଅବ୍ରାହାମ୍ ବାଡ଼ ପାଏମ୍ ଆଡ଼ତଣ୍ଡ୍ ଇଞ୍ଜି ମାନାଡ଼୍ କେତିତାଡ଼୍ ?

୨ ବାତେଙ୍କିକଡ଼କେ ଅବ୍ରାହାମ୍ ଯଦି ପାଡ଼୍‌ୟି ମାଡ଼ି ଦାର୍ମାମ୍ ଆଡ଼ତଣ୍ଡ୍, ଆଲେକେ ଅଣ୍ଡ୍ ଗର୍ବ ମାଡ଼ାନାଦ୍ କାରନ୍ ମିନ୍ଦେ; ଇଡ଼କେ ଇଶ୍ୱରତାଗ୍ ଆୟ୍‌ୟ ।

୩ ☆ ଶାସ୍ତ୍ରତାଗ୍ ଲେକା ମିନ୍ଦେ, “ଅବ୍ରାହାମ୍ ଇଶ୍ୱରତାଗ୍ ବିଶ୍ୱାସ୍ ମାଡ଼ତଣ୍ଡ୍, ମେଣ୍ଡେ ଆଦ୍ ଅଂକିଙ୍କ୍ ଦାର୍ମାମ୍ ମାଡ଼ତେ ।”

୪ ବେନ ପାଡ଼୍‌ୟି ମାଡ଼ିତନ୍, ଅଂକିଙ୍କ୍ ଆଦ୍ ଅନ୍ ବେତନ୍ ଇସାପ୍‌ତେ ଦରକିଡ଼, ମାତର୍ ଆଦ୍ ଅଂକିଙ୍କ୍ ଉପହାର୍ ଇନା ଦରକ ।

୫ ଇଡ଼କେ ବେନ ନିଜର୍ ପର ବିଶ୍ୱାସ୍ ମାଡ଼କଟ୍ ଇଶ୍ୱରତାଗ୍ ବିଶ୍ୱାସ୍ ମାଡ଼ିତଣ୍ଡ୍, ଆଦ୍ ଅନ୍ ଅପରାଦିତିଙ୍କ୍ ଝିଡ଼୍‌ସି ତାନ୍ ବିଶ୍ୱାସ୍‌ତେ ସେଙ୍ଗେ ଅଂକିଙ୍କ୍ ଦାର୍ମାମ୍ ମାଡ଼ିଡ଼ ।

୬ ଇଦ୍‌ରକମ୍ ବେନ୍ ନାରୁନାଗ୍ ଇଶ୍ୱର ପାଡ଼୍‌ୟିତିଙ୍କ୍ ଉଡ଼କଟ୍ ଦାର୍ମାକତା ମାଡ଼ିତନ୍, ଦାଉଦ୍ ଗାଲା ଅଂକିଙ୍କ୍ ଦନ୍ୟ ଇଞ୍ଜି କେତିତଣ୍ଡ୍,

୭ “ବେନଡ଼ାଦ୍ ଅପରାଦ୍ ସାରରେ ଷମା ଆଡ଼ତେ, ମେଣ୍ଡେ ବେନଡ଼୍ ପାପ୍ ସାରରେ ଷମା ଆଡ଼ତେ, ଅଡ଼୍ କାଡ଼୍‌ମାମ୍ ମାନ୍‌ନ୍ ନାରୁଡ଼୍ ।

୮ ପ୍ରବୁ ବେନ୍ ନାରୁଣ୍ଡ୍‌ତାଦ୍ ପାପ୍ ଇସାପ୍ ମାଡ଼ଣ୍ଡ୍, ଅଣ୍ଡ୍ ଦନ୍ୟ ।”

୯ ଆଲେକେ ସୁନ୍ନଡ଼୍ ନାରୁଡ଼୍‌କ୍ ଇଦ୍‌ରକମ୍ ଦନ୍ୟ ଇଞ୍ଜି କେତିତଡ଼୍, ବା ଅସୁନ୍ନତ ନାରୁଡ଼୍‌କ୍ ମିକା କେତିତଡ଼୍ ? ଆଦିଙ୍କ୍ ମାନାଡ଼୍ କେତିତାଡ଼୍, ଅବ୍ରାହାମ୍‌ତାଦ୍ ବିଶ୍ୱାସ୍ ଅଂକିଙ୍କ୍ ଦାର୍ମାକତା ମାଡ଼ତେ ।

୧୦ ଇଦ୍ ବେସୁଟ୍ ଆସ୍‌ମାଡ଼ତେ ? ଅବ୍ରାହାମ୍ ସୁନ୍ନଡ଼୍ ଆଡ଼ତେ ଝେୟେ ନା ଅସୁନ୍ନତ ମାଡ଼ତେଝେଲେ ? ସୁନ୍ନଡ଼୍ ଆଡ଼ତେ ପେକେ ଆୟ୍‌ୟ, ଇଡ଼କେ ଅସୁନ୍ନତ ମାନ୍‌ନ୍‌ଝେଲେ ।

୧୧ ମେଣ୍ଟେ ଅଣ୍ଟ ଅସୁନ୍ନତ ମାନ୍ଦାନ ଖେଲେ ବିଶ୍ୱାସ୍ ସେଙ୍ଗେ ଦାର୍ମାମ୍ ଆସ୍ ଆଗେଡ଼ ମୁଦ୍ରାନ୍ ଲେକାମ୍ ସୁନ୍ନତ ଚିଏନ୍ନେ ପାଏମ୍ ଆଡ଼ତଣ୍ଟ, ବେଲାକି ଅସୁନ୍ନତ ମାନ୍ଦାନ ସାରରେ ବିଶ୍ୱାସୀଡ଼ ଦାର୍ମାମ୍ ଇଞ୍ଜ କେଡ଼ତାନ୍ ସେଙ୍ଗେ ଅଣ୍ଟ ଅଡ଼ାଦ୍ ବାବାଲ୍ ଆଡ଼ତନ୍,

୧୨ ବାବାଲ୍ ଅବ୍ରାହାମ୍ ସୁନ୍ନତ ଆୟ୍‌ଖେଖେଲେ ବେନ୍ ବିଶ୍ୱାସ୍ ତଅସ୍‌ମାଡ଼ତଣ୍ଟ, ଯଦି ସୁନ୍ନତ ଆୟ୍‌ଖେମାନ୍ଦାନ୍ ନାରୁଡ଼, ନିଜର୍ ଜିଝୁଣ୍ଡତାଗ୍ ଆଦ୍ ରକ୍‌ମ୍ ବିଶ୍ୱାସ୍ ତଅତାନଙ୍କ୍ ପାର୍‌ଦତଡ଼, ଅବ୍ରାହାମ୍ ଅଡ଼କିଂଙ୍କ୍ ଗାଲା ବାବାଲ୍ ଆଡ଼ତଣ୍ଟ ।

ବିଶ୍ୱାସୀଡ଼କିଂଙ୍କ୍ ଇଶ୍ୱରତାଦ୍ ପ୍ରତିଜ୍ଞା

୧୩ ☆ବାତେଙ୍କ୍‌ଇଡ଼କେ ଅବ୍ରାହାମ୍ ତାନ୍ ବଂଶତିଙ୍କ୍ ଜଗଡ଼ତେ ଅଦିକାରି ଆଦ୍‌ଦାନ୍ ସେଙ୍ଗେ ପ୍ରତିଜ୍ଞା ନିୟମ୍ ତଡ଼ ଇଞ୍ଜେମାଡ଼ତଡ଼, ମାତର୍ ବିଶ୍ୱାସ୍‌ତାଦ୍ ଦାର୍ମାମ୍ ସେଙ୍ଗେ ଇସ୍‌ମାଡ଼ତଡ଼ ।

୧୪ ☆ବେନଡ଼ ନିୟମ୍ ପାଲନ୍ ମାଡ଼ିତଡ଼ ଅଡ଼ ମାତର୍ ଦାନ ପାଏମ୍ ଆଡ଼ତଡ଼, ଆଲେକେ ବିଶ୍ୱାସ୍ ଆଙ୍‌ଡ଼ାମ୍ ଆଦ୍‌ତେ ନୁ ପ୍ରତିଜ୍ଞା ଆସାମ୍ ଆଦ୍‌ତେ ।

୧୫ ନିୟମ୍ ଇଁ ଇଶ୍ୱରତିଙ୍କ୍ କପାମ୍ ମାଡ଼ିଡ଼, ଇଡ଼କେ ବେଗେ ନିୟମ୍ ଇଲ୍‌ଲେ, ଆଗେ ନିୟମ୍ ମାନେମ୍ ଆଦାନାଦ୍ ଗାଲା ଇଲ୍‌ଲେ ।

୧୬ ☆ଆଦିଙ୍କ୍ ଇଶ୍ୱରତାଦ୍ ପ୍ରତିଜ୍ଞା ବିଶ୍ୱାସ୍‌ତେ ପରର୍ ତିଆର୍ ଆଡ଼ତେ । ବେନଡ଼ ନିୟମ୍ ପାଲନ୍ ମାଡ଼ିତଡ଼, ମାତର୍ ଅଡ଼ ସେଙ୍ଗେ ଇଶ୍ୱରତାଦ୍ ପ୍ରତିଜ୍ଞା ତିୟାର୍ ଆୟ୍‌ୟ । ଅବ୍ରାହାମ୍‌ତେ ଲେକାମ୍ ବିଶ୍ୱାସ୍ ମାଡ଼ମାନ୍ଦାନ୍ ସାରରେ ନାରୁଡ଼ ସେଙ୍ଗେ ତିୟାର୍ ଆଡ଼ତେ, ବାତେଙ୍କ୍‌ଇଡ଼କେ ଅବ୍ରାହାମ୍ ଅଡ଼ ଆମିକ୍ ବାବାଲ୍ ।

୧୭ ଇଦ୍ ବିଷୟ୍‌ତେ ଶାସ୍ତ୍ରତାଗ୍ ଲେକତାଦ୍ ମିନ୍ଦେ, “ନିକିଂଙ୍କ୍ ମାମ୍‌ମେ ନାର୍‌ଗେ ବଂଶଡ଼ ବାବାଲ୍ ମାଡ଼ିଡ଼ୁମ୍ ।” ଇଶ୍ୱରତେ କଣ୍ଟେତାଗ୍ ଇଦ୍ ପ୍ରତିଜ୍ଞା ଟିକ୍ ମାଡ଼ତେ, ବାତେଙ୍କ୍‌ଇଡ଼କେ ବେନ୍ ଇଶ୍ୱରତିଙ୍କ୍ ଅବ୍ରାହାମ୍ ବିଶ୍ୱାସ୍ ମାଡ଼ମାଡ଼ତଣ୍ଟ, ଆ ଇଶ୍ୱର ବାକ୍ୟ ଡଲ୍‌ତଡ଼କିଂଙ୍କ୍ ଜିଞ୍ଜେ ମାଡ଼ିଡ଼ ନୁ ବାଡ଼ଇଲ୍‌ଝାଗ୍ ସାରରେ ବିଷୟ୍ ତିୟାର୍ ମାଡ଼ିଡ଼ ।

୧୮ ଆଗେ ମାତ୍ତାନଙ୍କ ବାଡ଼ ଇଲ୍ଲହେ ମାଡ଼କେ ମିକା ଅବ୍ରାହାମ୍ ଆଗେ ମାଡ଼ି ବିଶ୍ୱାସ୍ ମାଡ଼ିମାଡ଼ତଣ୍ଡ । ଆଦିଙ୍କ ଅଣ୍ଡ ନାରଗେ ବଂଶତ୍ ବାବାଲ୍ ଆଡ଼ତଣ୍ଡ, ବାତେଙ୍କଇଡ଼କେ ଶାସ୍ତ୍ର ଲେକାମ୍ ଅଂକିଙ୍କ ପ୍ରତିଜ୍ଞା ଦରକି ମାଡ଼ତେ; “ମିଇ ବଂଶତତ୍ ମୟଲ୍ତାର୍ ମାୟାନ୍ ଉକାକିନ୍ ଲେକାମ୍ ନାରଗେ ଆଦତତ୍ ।”

୧୯ ଅଂକିଙ୍କ ଆସୁଟେ ଶହେ ଏଣ୍ଡକ୍ ଆସ୍ ମାଡ଼ତେ । ବାତେଙ୍କଇକ୍ ତାନ୍ ମୁୟତେ ମେୟୁଲ୍ତିଙ୍କ ଉଡ଼ି, ସାରା ଯେ ମେଣ୍ଡେ ମାର୍ ଜନମ୍ ମାଡ଼ାଙ୍କ ପାର୍ବ, ଇଦ୍ ପୁଞ୍ଜ, ଅନାଦ୍ ବିଶ୍ୱାସ୍ ଦୁର୍ବଲ୍ ଆୟୁୟ ।

୨୦ ଅଣ୍ଡ ତାନ୍ ବିଶ୍ୱାସ୍ତାଗାଙ୍କ ଖେରେ ଆୟୁୟଣ୍ଡ, କି ଇଶ୍ୱରତାଦ୍ ପ୍ରତିଜ୍ଞାତିଙ୍କ ଅବିଶ୍ୱାସୀ ମାଡ଼ଣ୍ଡ । ବିଶ୍ୱାସ୍ ଅଂକିଙ୍କ ଶକ୍ତି ଇଡ଼ତେ ନୁ ଅଣ୍ଡ ଇଶ୍ୱରତାଦ୍ ପ୍ରଶଂସା ମାଡ଼ତଣ୍ଡ ।

୨୧ ଇଶ୍ୱର ବେନ୍ ପ୍ରତିଜ୍ଞା ମାଡ଼ିମାଡ଼ତଣ୍ଡ, ଅଣ୍ଡ ଆଦ୍ ପାଲନ୍ ମାଡ଼ିତନ୍ ଇଞ୍ଜ ଅନାଦ୍ ଗାଟି ବିଶ୍ୱାସ୍ ମାଡ଼ତେ ।

୨୨ ଆଦିନ୍ ସେଙ୍ଗେ ଅନାଦ୍ ବିଶ୍ୱାସ୍ତେ ମାୟୁଦିଂଙ୍କ ଅବ୍ରାହାମ୍ ଇଶ୍ୱରତେ ତତ୍ ଦାର୍ମାମ୍ ଆସ୍ ଲେକାଆସ୍ ମାଡ଼ତଣ୍ଡ ।

୨୩ “ଦାର୍ମାମ୍ ଆଦାନାଦ୍,” ଶାସ୍ତ୍ରତାର୍ ଗର୍ ମାଡ଼ର୍ ଅବ୍ରାହାମ୍ତେ ସେଙ୍ଗେ ସାୟେ, ଆଦ୍ ଆୟୁୟ ।

୨୪ ଇଡ଼କେ ମାନାଡ଼, ଗାଲା ଇଶ୍ୱରତିଙ୍କ ବିଶ୍ୱାସ୍ ମାଡ଼କେ ଦାର୍ମାମ୍ ନାରୁଡ଼ ଲେକାମ୍ ଆଦତାଡ଼ । ଇଶ୍ୱର ପ୍ରବୁ ଜିସୁ କ୍ରିଷ୍ଟଙ୍କ ମେଣ୍ଡେଅନ୍ଦାମ୍ ଜିଝେ ମାଡ଼ତଣ୍ଡ ।

୨୫ ଅଣ୍ଡ ପ୍ରବୁ ଜିସୁ ମାନ୍ ପାପ୍ ସେଙ୍ଗେ ତଲିମାଡ଼ତଣ୍ଡ ନୁ ଇଶ୍ୱରତାର୍ ମାକିଂଙ୍କ ନିର୍ଦ୍ଦୋଷ୍ ମାଡ଼ାନଙ୍କ ମେଣ୍ଡେଅନ୍ଦାମ୍ ଜିଝେ ଆସ୍ ମାଡ଼ତଣ୍ଡ ।



ଇଶ୍ୱର ତତ୍ ସାୟେ ସମ୍ପର୍କ

୧ ଇଞ୍ଜେ ବିଶ୍ୱାସ୍ ତତ୍ ମାନାଡ଼, ଇଶ୍ୱରତେ କଣ୍ଡେତାର୍ ଦାର୍ମାମ୍ ଆଡ଼ତାଡ଼, ନୁ ପ୍ରବୁ ଜିସୁ କ୍ରିଷ୍ଟନ୍ ସେଙ୍ଗେ ଇଶ୍ୱର ତତ୍ ମାୟାଦ୍ ଶାନ୍ତି ତିଆର୍ ଆଡ଼ତେ ।

୨ ଅଣ୍ଡ ଜିସୁ ମାନାଦ୍ ବିଶ୍ୱାସ୍ତେ ମାୟୁଦିଂଙ୍କ ଇଞ୍ଜେ ମାନ୍ ଜିଝୁଣ୍ଡତାର୍ ଇଶ୍ୱରତାଦ୍ ଅନୁଗ୍ରମାମେ ଆୟୁୟ ନେଙ୍ଗାନଙ୍କ ପାର୍ବତତମ୍ । ଆଦିଙ୍କ

ଇଶ୍ଵରତେ ଗୌରବ୍‌ତାଗ୍ ବାଗ୍ ଆଦାନାଦ୍ ଆଗେ ମାନାଙ୍କୁ ଶ୍ଵେତଂକ୍ ମାଡ଼ି ନେଏତେ ।

୩ ମାତର୍ ଆଦେ ଆୟ୍, ସାରରେ ପ୍ରକାର୍ ଦୁଃକା କଷ୍ଟ ଆଡ଼କେ ଗାଲା ମାନାଡ଼୍ ଶ୍ଵେତଂକ୍ ଆଦୁତାଡ଼୍, ବାତେଙ୍କୁଇଡ଼କେ ଦାନ୍ଦେ ଆୟ୍‌ୟକଟ୍ କଷ୍ଟ ସହ୍ୟ ମାଡ଼କେ ମନ୍‌ତାଗ୍ ଗାଡ଼୍‌ସ୍ ଝାଡ଼ତେ ।

୪ ଗାଡ଼୍‌ସ୍‌ତାଗାଙ୍କୁ ସାୟେତାଦ୍ ଚାଲିଚଲନ୍ ନୁ ସାୟେତାଦ୍ ଚାଲିଚଲନ୍ ତାଗାଙ୍କୁ ଆଗେ ପୁଟିଡ଼ ।

୫ ଆଗେ ମାନାଙ୍କୁ ନିରାଗ୍ ଆଦାନଙ୍କୁ ଇଞ୍, ବାତେଙ୍କୁଇଡ଼କେ ଇଶ୍ଵର୍ ମାକିଙ୍କୁ ପବିତ୍ର ଆମ୍ବା ଇସ୍ ମାନ୍ ଜିଝୁଣ୍ଡିତିଙ୍କୁ ତାନ୍ ପ୍ରେମତଡ଼୍ ବର୍ତ୍ତ ମାଡ଼ିତଣ୍ ।

୬ ମାନାଙ୍କୁ ବେନ ସାହାୟ୍ୟମାଡ଼ାଙ୍କୁ ଇଲ୍‌ଝେଝେଲେ ଇଶ୍ଵର୍ ଟିକ୍‌ମାଡ଼ତେ ସମୟତେ କ୍ରିଷ୍ଟ ପାପୀଡ଼୍ ସେଙ୍ଗେ ଡଲ୍‌ତଣ୍ ।

୭ ଦାର୍ମ୍ ନାରୁଡ଼୍ ସେଙ୍ଗେ ମେଣ୍ଡେଅର୍‌ତୁଣ୍ ନିଜର୍ ଜିଝୁଣ୍ଡି ଇଦାନାଦ୍ ଉଡ଼ାନଙ୍କୁ ଆୟ୍‌ୟ । ଆଡ଼କେ ସାୟେଡ଼ ନାରୁଣ୍ଡ୍ ସେଙ୍ଗେ ବେନବା ଡଲାନଙ୍କୁ ପାର୍‌ଦତଣ୍ ।

୮ ଇଡ଼କେ ମାନାଡ଼୍ ପାପି ମାଡ଼ତେଝେଲେ ଜିସୁ ମାନ୍ ସେଙ୍ଗେ ନିଜର୍ ଜିଝୁଣ୍ଡି ଇଡ଼ତନ୍ । ଇଦିନ୍ ତଡ଼୍ ଇଶ୍ଵର୍ ମାନାଙ୍କୁ ବେସର୍ ପ୍ରେମ ମାଡ଼ିତୁଣ୍, ଆଦ୍ ଅଣ୍ଡି ତଅତଣ୍ ।

୯ କ୍ରିଷ୍ଟ ଜିଝୁଣ୍ଡି ଇଡ଼ତାଙ୍କୁ ଇଶ୍ଵର୍ ମାନାଙ୍କୁ ଦାର୍ମାମ୍ ନାରୁଡ଼୍ ଲେକାମ୍ ଗ୍ରହନ୍ ମାଡ଼ିତଣ୍ । ଆଲେକେ ଇଶ୍ଵରତେ କପାମ୍‌ତାଗାଙ୍କୁ ମାନାଙ୍କୁ ରକ୍ଷା ମାଡ଼ାନଙ୍କୁ ବେସର୍ ନାର୍‌ଗେ ମନ୍ ମାଡ଼ିତଣ୍ ।

୧୦ ମାନାଡ଼୍ ଇଶ୍ଵରତେ ଶତ୍ରୁଡ଼୍ ମାନ୍‌ଦେଝେଲେ ଅନ୍ ମାର୍ ମାନ୍ ସେଙ୍ଗେ ଜିଝୁଣ୍ଡି ଇଡ଼ତନ୍, ଆଦିଙ୍କୁ ଇଶ୍ଵର୍ ତଡ଼୍ ମାନାଡ଼୍ ମେଣ୍ଡୁଅନ୍‌ଦାମ୍ କାୟ୍‌ଲ୍‌ତାଡ଼୍ । ଇଶ୍ଵର୍ ତଡ଼୍ କାୟ୍‌ଲ୍‌ତେ ପେର୍‌କେ ଇଞ୍ଜେ କ୍ରିଷ୍ଟନ୍ ଜିଝୁଣ୍ଡି ତଡ଼୍ ପରିତ୍ରାଣ ପାଏମ୍ ଆଦ୍‌ଦାନ୍ ସେଙ୍ଗେ ମାନାଡ଼୍ ବେସର୍ ନାର୍‌ଗେ ସୁଯୋଗ୍ ପାଏମ୍ ଆୟ୍‌ଝାଡ଼୍ ?

୧୧ ମାତର୍ ଆସରେ ଆୟ୍‌ୟ, ପ୍ରବୁ ଜିସୁ କ୍ରିଷ୍ଟନ୍ ତଡ଼୍ ଇଶ୍ଵର୍ ବେନ୍ ସାରରେ ପାଡ଼ିୟି ମାଡ଼ିତଣ୍, ଆଦିନ୍ ସେଙ୍ଗେ ମାନ୍ ଜିଝୁଣ୍ଡି ଗାଟି ଶ୍ଵେତଂକେତେ ବର୍ତ୍ତ ଆଡ଼ତେ । ଅଣ୍ଡି ଜିସୁ ମାନାଙ୍କୁ ଇଶ୍ଵର୍ ତଡ଼୍ ମେଣ୍ଡୁଅନ୍‌ଦାମ୍ କାଲ୍‌ପତଣ୍ ।

ଆଦମ୍ ନୁ କ୍ରିଷ୍ଟ

୧୨ ବେସ୍ତ୍ର ଆଦମ୍ ପାପ୍ ମାତ୍ତଣ୍ଡ ଜଗତ୍ତାଗ୍ ପାପ୍ ନେଙ୍ଗ୍ତେ, ଆଦମ୍ତେ ପାପ୍ ତଲାନାଦ୍ ତାତ୍ତେ, ସାରେତଡ୍ ପାପ୍ ମାତ୍ତାଙ୍ଗ୍ ତଲାନାଦ୍ ସାରେ ନାରୁଣ୍ଡ ଜାତ୍ତିଙ୍ଗ୍ ପୟ୍ତେ ।

୧୩ ନିୟମ୍ ଇଦାନ୍ ମୁନେଙ୍ଗ୍ ଜଗତ୍ତାଗ୍ ପାପ୍ ମାତ୍ତେ; ଇତ୍ତକେ ନିୟମ୍ ଇଲ୍ଲେ ଖେଲେ ପାପ୍ତାଦ୍ ଇସାପ୍ ନେଃଏଞ୍ଜକଟ୍ ମାତ୍ତଡ୍ ।

୧୪ ଆଦମ୍ତାଗାଙ୍ଗ୍ ମୋଶାନ୍ ଦିନାମ୍ ଏଞ୍ଜୁନା ବେନ ନିୟମ୍ତିଙ୍ଗ୍ ତୁଲି ପାପ୍ ମାତ୍ତକଟ୍ ମାତ୍ତକେ ମିକା, ସାରେତଡ୍ ତଲତଡ୍ । ବେନନାଦ୍ ଖାଦାନାଦ୍ ମାତ୍ତେ, ଆଦମ୍ ଅନ୍ଧାଦ୍ ଅଣ୍ଡୟ୍ ମକମ୍ ଲେକାମ୍;

୧୫ ଇତ୍ତକେ ଇଡ୍, ଇଡ୍ଝୁଡ୍, ଲୋପେ ନାରଗେ ଝେକ୍ଝେକ୍ ମିନ୍ଦେ । ଆଦମ୍ତାଦ୍ ପାପ୍ ଇଶ୍ବରତାଦ୍ ମୂଲ୍ୟତେ ଇଡ୍ତାଦ୍ ଶକ୍ତି ସାମାନ୍ ଆୟ୍ୟ । ଝେରଣ୍ଡ ନାରୁଣ୍ଡତାଦ୍ ପାପ୍ ମାୟ୍ଦିଙ୍ଗ୍ ନାରଗେ ନାରୁଡ୍, ତଲତଡ୍ । ଇତ୍ତକେ ଇଶ୍ବର ତାନ୍ ବେଡ୍ଝାଦ୍ ଅନୁଗ୍ରହତେ, ମେଣ୍ଡେଅରତୁଣ୍ଡ ନାରୁଣ୍ଡ, ପ୍ରବୁ ଜିସୁ କ୍ରିଷ୍ଟନ୍ ତଡ୍, ନାରୁଡ୍, ସେଙ୍ଗେ ବେନ୍ ଦାନତାଦ୍ ନିୟମ୍ ମାତ୍ତଣ୍ଡ, ଆଦ୍ ଗାଟି ଶକ୍ତି ।

୧୬ ଝେରଣ୍ଡ ନାରୁଣ୍ଡତେ ପାପାମ୍ ସେଙ୍ଗେ ନାରୁଡ୍ ବିଚାର୍ ଆୟ୍ ଦକ୍ଷି ଆଡ୍ତଡ୍; ଇତ୍ତକେ ନାରଗେ ନାରୁଡ୍ତେ ନାରଗେ ପାପାମ୍ ସେଙ୍ଗେ ନୁ ଧମା ପାଏମ୍ ଆଦ୍ଦାନ୍ ସେଙ୍ଗେ ବାଡ୍ବା ଯୋଗ୍ୟତା ଇଲ୍ଲେ ମାତ୍ତକେ ମିକା, ଇଶ୍ବରତାଦ୍ ଆଦ୍ ଦାନ ସେଙ୍ଗେ, ଇଞ୍ଜେ ନାରୁଡ୍, ନିର୍ଦ୍ଦୋଷ୍ ଆଦାନଙ୍ଗ୍ ପାର୍ଦ୍ତଡ୍ ।

୧୭ ଆଗେକ୍ବା ଝେରଣ୍ଡ ନାରୁଣ୍ଡତାଦ୍ ପାପ୍ ମାୟ୍ଦିଙ୍ଗ୍, ତଲାନାଦ୍ ନିୟମ୍ ତିୟାର୍ ଆଡ୍ତେ; ଇତ୍ତକେ ମେଣ୍ଡେଅରତୁଣ୍ଡ ଇତ୍ତକେ ଜିସୁ କ୍ରିଷ୍ଟ ବାଡ୍ ମାତ୍ତଣ୍ଡ, ଆଦ୍ ବେସ୍ତର୍ ମହାନ୍ । ବେନ୍ ସାରେତଡ୍, ଇଶ୍ବରତାଦ୍ ନାରଗେ ଅନୁଗ୍ରହ ମାୟ୍ଦିଙ୍ଗ୍ ବିନା ମୂଲ୍ୟତେ ଇଶ୍ବରତେ ବକେଡ୍ ଦାର୍ମାମ୍ ଆଦ୍ତନ୍, ଅଡ୍, କ୍ରିଷ୍ଟନ୍ ତଡ୍, ଜିଡ୍ ଜିଝୁଣ୍ଡ ବାଦକିତଡ୍, ।

୧୮ ଝେରନାଦ୍ ପାପାମ୍ ବେଲା ସାରରେ ଜଗତ୍ତିଙ୍ଗ୍ ଦଣ୍ଡ ତାତ୍ତେ, ଆଦେରକମ୍ ଝେରନାଦ୍ ଦାର୍ମାମ୍ ସାରରେ ନାରୁଡ୍ ଜାତି ସେଙ୍ଗେ ମୁକ୍ତି ନୁ ପୁନାଦ୍ ଜିଝୁଣ୍ଡ ତାସ୍ତଡ୍ତେ ।

୧୯ ଝେରନାଦ୍ କାରାପ୍ ବେଲା ସାରେତଡ୍କିଙ୍ଗ୍ ପାପାମ୍ ମାତ୍ତେ, ଆଦେରକମ୍ ଝେରନାଦ୍ ଦାର୍ମାମ୍ ସେଙ୍ଗେ ସାରେତଡ୍, ଇଶ୍ବରତାଗ୍ ଦାର୍ମାମ୍ ଆଦ୍ତଡ୍ ।

୨୦ ନିୟମ୍ ମାଡ଼ିବାକୁ ପାପ୍ ମାଡ଼ିବାକୁ ତଅନୁଦତେ । ଇଡ଼କେ ପାପାମ୍ ପେର୍ଯାନ୍ ସାଙ୍ଗେ ସାଙ୍ଗେ ଇଶ୍ବରତାଦ୍ ଅନୁଗ୍ରହ ଗାଲା ନାରଗେ ଆଡ଼ତେ ।

୨୧ ପାପ୍ ବେଲା ତଲ୍ଲନାଦ୍ ତଡ଼୍ ନିଜର ଅଦିକାର ତିୟାର୍ ମାଡ଼ିମାଡ଼ତେ, ଆଦେରକମ୍ ଇଶ୍ବରତାଦ୍ ଅନୁଗ୍ରହ ପ୍ରବୁ ଜିସୁ କ୍ରିଷ୍ଟନ୍ ତଡ଼୍ ମାନାଙ୍କ୍ ଦାର୍ମାମ୍ ମାଡ଼ି ସାରେଦିନାଡ଼ ଜିଝୁଣ୍ଟ୍ ଇଦତେ ।



ପାପାମ୍ ସେଙ୍ଗେ ତଲ୍ଲନାଦ୍ ନୁ କ୍ରିଷ୍ଟନ୍ ତଡ଼୍ କାୟଲ୍ଲକେ ବାଦକାନାଦ୍

୧ ଆଲେକେ ବାଡ଼ କେତିତାଡ଼ ? ଇଶ୍ବରତାଦ୍ ଅନୁଗ୍ରହ ମେଣ୍ଟେ ନାରଗେ ଆଦତେ ଇଞ୍ଜ ମାନାଡ଼୍ ବାଡ଼ ପାପ୍ତାଗ୍ ବାଦକିତାଡ଼ ?

୨ ବେସୁର୍ ଆୟମାକି । ପାପ୍ ସେଙ୍ଗେ ମାନାଡ଼୍ ତଲ୍ଲତାଡ଼୍ ଆଗେ ମେଣ୍ଟେ ବେଲା ବାଦକିତାଡ଼ ?

୩ ମିଡ଼୍ ପୁଡ଼ିଡ଼ି, ଏର ଦାକ୍ଷା ଅସ୍ କ୍ରିଷ୍ଟ ଜିସୁନ୍ ତଡ଼୍ କାୟଲି ମାନାଡ଼୍ ଅନ୍ ତଲ୍ଲତାଗ୍ ଗାଲା ପାଲ୍ଲକ୍ ଆଡ଼ତାଡ଼୍ ।

୪ ✧ ଏର ମୁଡ଼ିନ୍ ମାନାଡ଼୍ ଅନ୍ ତଲ୍ଲତାଗ୍ ପାଲ୍ଲକ୍ ଆସ୍ ଅନ୍ ତଡ଼୍ ସମାଦି ପାଏମ୍ ଆଡ଼ତାଡ଼୍ । ଅଣ୍ଟ ବେଲା ବାବାନ୍ ଗୌରବ୍ ଶକ୍ତି ତଡ଼୍ ମେଣ୍ଟଅନ୍ଦାମ୍ ଜିଝେ ଆଡ଼ତଣ୍ଟ୍, ମାନାଡ଼୍ ଗାଲା ଅନ୍ ସେଙ୍ଗେ ପୁନେ ଜିଝୁଣ୍ଟ୍ ବାଦକାନଙ୍କ୍ ପାରଦତାଡ଼୍ ।

୫ ବେଲା ମାନାଡ଼୍ ତଲ୍ଲତାଗ୍ ପାଲ୍ଲକ୍ ଆସ୍ ଅନ୍ ତଡ଼୍ ଝେରଡ଼୍ ଆଡ଼ତାଡ଼୍ ଅନାଦ୍ ମେଣ୍ଟଅନ୍ଦାମ୍ ଜିଝେ ଆଡ଼ତାଗ୍ ଗାଲା ଅଣ୍ଟୟ୍ ଆସ୍ ମେଣ୍ଟଅନ୍ଦାମ୍ ଜିଝୁଣ୍ଟ୍ ପାଏମ୍ ଆଡ଼ତାଡ଼୍ ।

୬ ମାନାଡ଼୍ ପୁଡ଼ିତାଡ଼୍ କ୍ରିଷ୍ଟନ୍ ତଡ଼୍ କୁଗଡ଼୍ ପରର ମାନ୍‌ଝାଦ୍ ପାଃଡ଼େ ଅବ୍ୟାସ୍ ତଲିଆଡ଼ତେ । ଆଦିଙ୍କ୍ ମାନ୍ ପାପ୍ ନଷ୍ଟ୍ ଆଡ଼ତେ ନୁ ମାନାଡ଼୍ ପାପାମ୍ ଦାସତାଗାଙ୍କ୍ ମୁକ୍ତି ପାଏମ୍ ଆଡ଼ତାଡ଼୍,

୭ ବାତେଙ୍କ୍ ଇଡ଼କେ ନାରୁଡ଼୍ ତଲ୍ଲକେ, ପାପ୍ତାଗାଙ୍କ୍ ମୁକ୍ତି ପାଏମ୍ ଆଡ଼ତନ୍ ।

୮ ମାନାଡ଼୍ ଜିସୁନ୍ ତଡ଼୍ ତଲ୍ଲତାଙ୍କ୍, ଅନ୍ ତଡ଼୍ ଗାଲା ଜିଝୁଣ୍ଟ୍ ପାଏମ୍ ଆଡ଼ତମ୍ ଇଞ୍ଜ ବିଶ୍ବାସ୍ ମାଡ଼ିତାଡ଼୍ ।

୯ ମାନାଡ଼ ପୁତ୍ରତାଡ଼, କ୍ରିଷ୍ଟ ତଳତାଗାଙ୍କ ମେଣ୍ଡଅନଦାମ୍ ଜିହ୍ଵଣ୍ଡ ଆଡ଼ତାଙ୍କ, ଅଣ୍ଡ ମେଣ୍ଡେ ବେସୁର୍ ତଲନ୍ । ଅନ୍ ପରର ମେଣ୍ଡେ ତଲ୍ନାଦ୍ ରାଜ୍ ମାଡ଼େ ପାର୍ଝ ।

୧୦ ଅଣ୍ଡ ବେଲା ତଲ୍ତଣ୍ଡ, ଆଦିନ୍ ତଡ଼ ପାପ୍ତାଦ୍ ଶକ୍ତିତାଗାଙ୍କ ଅଣ୍ଡୟଦାମ୍ ପେୟ୍ସ୍ ଆଡ଼ତଣ୍ଡ । ଅଣ୍ଡ ଇଞ୍ଜେ ବେନ୍ ଜିହ୍ଵଣ୍ଡ ବାଦ୍‌କୁତଣ୍ଡ, ଆଦ୍ ଇଶ୍ଵର୍ ତଡ଼ କାୟ୍‌ଲ୍‌ତେ ଜିହ୍ଵଣ୍ଡ ।

୧୧ ଆଦେରକମ୍ ମିଡ଼, ଗାଲା ପାପ୍ତାଗ୍ ତଲ୍‌ତିଡ଼, ଇଞ୍ଜ ମନେମାଡ଼ାଟ୍ । ଇଞ୍ଜେ ମିଡ଼, କ୍ରିଷ୍ଟ ଜିୟୁନ୍ ତଡ଼, ଜିହ୍ଵଣ୍ଡତାଗ୍ ଇଶ୍ଵର୍ ତଡ଼ କାୟ୍‌ଲ୍‌ତିଡ଼ ।

୧୨ ଆଦିନ୍‌ମାୟ୍‌ଦିଙ୍କ ମିୟାଦ୍ ତଲ୍‌ତେ ମେନ୍‌ଲ୍ ପରର ପାପ୍ ମେଣ୍ଡେ ରାଜ୍ ମାଡ଼ମାକି; ମେଣ୍ଡେ ମିଡ଼, ବାଡ଼ବା ମେନ୍‌ଲ୍ ଲାଲ୍‌ସା ମାଡ଼ମାଟ୍ ।

୧୩ ମିଡ଼ ନିଜେତିଙ୍କ ବାଡ଼ଆଇ ପାପ୍ ଗାରରେ ସର୍ପା ଆସ୍ କାରାପ୍ ପାଡ଼୍‌ୟି ମାଡ଼ାନ୍ ନାରୁଣ୍ଡ ଲେକାମ୍ ବ୍ୟବହାର୍ ଆୟ୍‌ମାଟ୍ । ବେଲାନ୍ ତଲ୍‌ତାଗାଙ୍କ ରକ୍ଷା ପାଏମ୍ ଆସ୍ ଜିହ୍ଵଣ୍ଡ ପାଏମ୍ ଆସ୍ ମାନ୍‌ନ୍ ମାୟ୍‌ଦିଙ୍କ ନିଜେ ନିଜେତିଙ୍କ ସାରେ ଇଶ୍ଵର୍‌ତାଗ୍ ସର୍ପା ଆୟ୍‌ମୁଟ୍ ।

୧୪ ବାଡେଙ୍କଇଡ଼କେ ପାପ୍ ମିଇ ପରର ରାଜ୍ ମାଡ଼ମାକି । ମିଡ଼, ମେଣ୍ଡେ ନିୟମ୍ ଅଦିନ୍‌ତାଗ୍ ଇଲିଡ଼ । ଇଡ଼କେ ଇଶ୍ଵର୍‌ତେ ଅନୁଗ୍ରମାମେ ଆୟ୍‌ମ୍ ମିନ୍‌େଡ଼ି ।

ଦାର୍ମାମ୍‌ତଣ୍ଡ ସେବକ୍

୧୫ ଆଲେକେ ମାନାଡ଼, ନିୟମ୍ ଆଦିନ୍ ଆୟ୍‌ୟକଟ୍ ଇଶ୍ଵର୍‌ତାଦ୍ ଅନୁଗ୍ରହ ପାଏମ୍ ଆଡ଼ତାଡ଼ ଇଞ୍ଜ ବାଡ଼ ପାପାମ୍ ମାଡ଼ମାନ୍‌ତାଡ଼? ଆଦ୍ ବେସୁର୍ ଆୟ୍‌ମାକି !

୧୬ ମିଡ଼, ନିଜାମ୍ ପୁତ୍ରତିଡ଼, ଯଦି ମିଡ଼, ବେନନ୍ ବୁସାଗଟ୍‌ତାଗ୍ ମାନେମ୍ ଆସ୍ ଅନ୍‌ଞ୍ଜାଦ୍ ସାରେ ଗଟିଙ୍କ ପାଲନ୍ ମାଡ଼ୁଡ଼ିଡ଼, ଆଲେକେ ମିଡ଼ ଅନ୍ ଦାସ । ଯଦି ପାପ୍‌ତେ ଦାସ ଆଦ୍‌ତିଡ଼, ଇଦିନାଦ୍ ପରିଶାମ୍ ତଲ୍‌ନାଦ୍; ଯଦି ଦାର୍ମାମ୍‌ତେ ଦାସ ଆଦ୍‌ତିଡ଼, ଆଲେକେ ଜିହ୍ଵଣ୍ଡ ପାଏମ୍ ଆଦ୍‌ତିଡ଼ ।

୧୭ ଇଡକେ ଇଶ୍ବରତିଙ୍କ ଦନ୍ୟବାଦ୍ ଇଦୁତାନ୍, ଯଦି ମିଡ୍ ଅଶ୍ବଦିନ୍ ପାପ୍ତେ ଦାସ ମାଡ୍ତିଡ୍, ମିଡ୍ ଇଞ୍ଜେ ସୁସମାତାତାଗାଙ୍କ ନାଡ୍ସି ମାନ୍ଦାନ୍ ସଡ୍ତିଙ୍କ ହୁଦ୍ୟଡ୍ ପାଲନ୍ ମାଡ୍ଡିଡ୍ ।

୧୮ ମିଡ୍ ପାପ୍ତାଗାଙ୍କ ମୁକ୍ତି ଆସ୍ ଦାର୍ମାମ୍ତେ ଦାସ ଆଡ୍ତିଡ୍ ।

୧୯ ମିୟାଦ୍ ନିଡ୍ଦିନେଡ୍ ଦୁର୍ବଲ୍ ସେଙ୍ଗେ, ଇଞ୍ଜୁ ସାର୍ରେ ଗଟି ନାନ୍ ଚାଲେମ୍ ଆଦାନ୍ ଗଟିନ୍ତଡ୍ କେଡୁତାନ୍ । ଅନ୍ଦିନେ ମିଡ୍ ଅଶ୍ବତି ନୁ ଅପରାଦ୍ ପାଡ୍ଡିତାଗ୍ ମୁଡ୍ସି ମାଡ୍ତିଡ୍ । ଆଦେରକମ୍ ଇଞ୍ଜେ ପବିତ୍ର ଜିଞ୍ଜା ଆଦ୍ଦାନ୍ ସେଙ୍ଗେ ଦାର୍ମାମ୍ ଗାର୍ରେ ନିଜେତିଙ୍କ ପୁରାପୁରି ସର୍ପା ଆୟ୍ମୁର୍ ।

୨୦ ମିଡ୍ ପାପ୍ତେ ଦାସ ମାଡ୍ତେଞ୍ଜେଲେ, ଦାର୍ମାମ୍ତାଗାଙ୍କ ଜେକେ ମାଡ୍ତିଡ୍ ।

୨୧ ଇଞ୍ଜେ ମିକିଂଙ୍କ ବେନ୍ ସାର୍ରେ ପାଡ୍ଡି ମାଡ୍ତାନ୍ଙ୍କ ସିଗ୍ ଝେସୁଡ୍, ଆସୁର୍ ଆଞ୍ଜୁ ସାର୍ରେ ମାଡ୍ତମାଡ୍ତିଡ୍ । ଆଗାଙ୍କ ବାଡ୍ ଲାବ୍ ପାଏମ୍ ଆଡ୍ତିଡ୍? ଆଞ୍ଜୁ ସାର୍ରେ ପାଡ୍ଡିତାଦ୍ ପରିଶାମ୍ ଡଲ୍ନାଦ୍ ।

୨୨ ଇଡକେ ଇଞ୍ଜେ ମିଡ୍ ପାପ୍ତାଗାଙ୍କ ମୁକ୍ତି ଆସ୍ ଇଶ୍ବରତେ ଦାସ ଆଡ୍ତିଡ୍ । ଇଦିନାଦ୍ ଲାବ୍ ଆଦୁଡ୍ତେ, ଇଶ୍ବରତାଗ୍ ପୁରାପୁରି ଆମ୍ବାଡ୍ତ୍ ସର୍ପା ଆଦାନାଦ୍ ନୁ ଇଦିନାଦ୍ ପରିଶାମ୍ ପବିତ୍ର ଜିଞ୍ଜା ପାଏମ୍ ଆଦାନାଦ୍ ।

୨୩ ପାପ୍ତାଦ୍ ପରିଶାମ୍ ଡଲ୍ନାଦ୍, ଇଡକେ ଇଶ୍ବରତାଦ୍ ଜସାମାଡ୍ତେ ଦାନ ଆଦୁଡ୍ତେ, ପ୍ରବୁ ଜିସୁ କ୍ରିଷ୍ଟନ୍ ତଡ୍ କାୟ୍ଲି ମିକା ସାରେଦିନାଡ୍ ଜିଞ୍ଜୁଶ୍ ପାଏମ୍ ଆଦାନାଦ୍ ।

୭

ପେଣ୍ଡୁତାଦ୍ ଉଦାରନ୍

୧ ହୋ ଦାଦାଲଡି ନୁ ଏଲ୍ଲାସ୍, ନାରୁଡ୍ ବେସୁର୍ ଆୟ୍ନା ଜିଞ୍ଜେ ମାନ୍ତଡ୍, ଆସୁର୍ ଆୟ୍ନା ନିୟମ୍ ଅଡ୍ଡିଂଙ୍କ ଶାସନ୍ ମାଡ୍ତିଡ୍, ଇଦ୍ ମିଡ୍ ବାଡ୍ ପୁନ୍ଡିଡ୍? ନାନ୍ ତ ନିୟମ୍ ପୁଞ୍ଜମାନ୍ଦାନ୍ ନାରୁଡ୍ଡିଂଙ୍କ କେଡୁତାନ୍ ।

୨ ମୁଦ୍‌ପାଲ୍ ବେସୁର୍ ଆୟନା ଜିଣେ ମାନତଣ୍ଡ, ଆସୁର୍ ଆୟନା ମୁଡ୍‌ତେ ମୁଦ୍‌ପାନ୍ ନିୟମ୍ ତଡ୍ ମାନତେ, ଇଡ୍‌କେ ମୁଦ୍‌ପାଲ୍ ଡଲିଆଡ୍‌କେ ମୁଡ୍‌ତେ ମୁଦ୍‌ପାନ୍ ନିୟମ୍‌ତାଗାଙ୍କ ମୁକ୍ତି ଆଦ୍‌ତେ ।

୩ ଆଦିଙ୍କ ମୁଦ୍‌ପାଲ୍ ଜିଣେ ମାନନା ମୁଡ୍‌ତେ ମେଣ୍ଡେଅଡ୍‌ତୁଣ୍ଡ ମାନେୟ୍ ତଡ୍ କାୟଲ୍‌କେ, ଆଲେକେ ତାଙ୍କ୍ ବେସ୍ୟା ଇଞ୍ଜ କେତିତଡ୍; ଇଡ୍‌କେ ଯଦି ମୁଦ୍‌ପାଲ୍ ଡଲିଆଡ୍‌କେ, ଆଲେକେ ମୁଡ୍‌ତେ ନିୟମ୍‌ତାଗାଙ୍କ ମୁକ୍ତି ଆଦ୍‌ତେ, ମେଣ୍ଡେ ଯଦି ଆଦ୍ ମେଣ୍ଡେଅଡ୍‌ତୁଣ୍ଡ ମାନେୟ୍ ତଡ୍ କାୟଲ୍‌କେ, ଆଲେକେ ଆଦ୍ ବେସ୍ୟା ଆୟୟ ।

୪ ଆଦିଙ୍କ ହୋ ନା ଦାଦାଲଡି ନୁ ଏଲ୍‌ୟା, ମିୟାଦ୍ ଗାଲା ପରିସ୍ଥିତି ଟିକ୍ ଆଲେନେ, ମିଡ୍ କ୍ରିଷ୍ଟନ୍ ତଡ୍ ବାତିସ୍ଥ ଆସ୍, ଅନ୍ ପୁନରୁତାନତାଗ୍ ବାଗ୍ ଆଡ୍‌ତିଡ୍, ମିଡ୍ ନିୟମ୍ ସେଙ୍ଗେ ଡଲିମିୟେଡି, ବେଲା ମିଡ୍ ମେଣ୍ଡେଅଡ୍‌ତୁଣ୍ଡ ତଡ୍ କାୟଲିତିଡ୍, ଇଡ୍‌କେ ମାନାଡ୍, ଇଶ୍‌ବରତେ ମାୟ୍‌ଦିଂଙ୍କ କାୟା ଆଦ୍‌ସ୍ତାନ୍ ସେଙ୍ଗେ ଜେ ବେନ ଡଲିମାଞ୍ଜ୍ ଡେଦିମିୟେଣ୍ଡ, ଅନ୍ ତଡ୍ କାୟଲାର୍ ।

୫ ବାଡେଙ୍କ୍‌ଇଡ୍‌କେ ବେସୁର୍ ମାନାଡ୍ ମେନ୍‌ଲ୍ ପୟସ୍ ମାଡ୍‌ତାଡ୍, ଆସୁଟେ ନିୟମ୍ ତଡ୍ ପାପ୍‌ଲାଲସା ମାୟାଦ୍ ମେନ୍‌ଲ୍‌ତାଗ୍ ଡଲାନ୍ ସେଙ୍ଗେ କାୟା ଆଦ୍‌ସ୍ତାନଙ୍କ୍ ପାଡ୍‌ୟି ମାଡ୍‌ମାଡ୍‌ତା,

୬ ଇଡ୍‌କେ ଆଦିଙ୍କ୍ ମାନାଡ୍ ବନ୍ଦନ୍ ଆସ୍ ମାଡ୍‌ତାଡ୍, ଆଦିନ୍ ସେଙ୍ଗେ ଡଲିମାଞ୍ଜ୍ ମାନାଡ୍ ଇଞ୍ଜେ ନିୟମ୍‌ତାଗାଙ୍କ୍ ମୁକ୍ତି ଆଡ୍‌ତାଡ୍; ଆଦିଙ୍କ୍ ମାନାଡ୍ ପାଃଡ୍ରେ ଲେକ୍‌ତାଦ୍ ଇସାବ୍‌ତେ ଦାସନ୍ ପାଡ୍‌ୟି ମାଡ୍‌କବ୍ ପବିତ୍ର ଆମ୍‌ତାଦ୍ ପୁନାଦ୍ ଇସାବ୍‌ତେ ଦାସନ୍ ପାଡ୍‌ୟି ମାଡ୍‌ତୁଡ୍ ।

ନିୟମ୍ ନୁ ପାପାମ୍

୭ ଆଲେକେ ମାନାଡ୍ ବାଡ୍ କେତିତାଡ୍ ? ମୋଗାନ୍ ନିୟମ୍ ବାଡ୍ ପାପ୍ ? ଆଦ୍ ବେସୁର୍ ବା ଆୟମାକି । ଇକ୍ ପାପାମ୍ ବାଡ୍, ଆଦ୍ ମୋଗାନ୍ ନିୟମ୍ ଝିଡ୍‌ସି ନାନ୍ ପୁନେ ପୁନ୍‌ଝେ ଆୟେନ୍; ବାଡେଙ୍କ୍ ଇକ୍ ଲୋବ୍ ମାଡ୍‌ମାର୍, ମୋଗାନ୍ ନିୟମ୍ ଇଦ୍ କେଲକଟ୍ ମାଡ୍‌କେ, ଲୋବ୍ ବାଡେଏ, ଆଦ୍ ନାନ୍ ପୁନନ୍ ଆୟେନ୍ ।

୮ ଇଡ୍‌କେ ପାପ୍ ସୁଜଗ୍ ପାଏମଆସ୍ ଗର୍ ତଡ୍ ନାୟାଗ୍ ସାରରେ ଲେକାଡ୍ ଲୋବ୍ ପୁର୍‌ସ୍ତେ; ନିୟମ୍ ଇଲ୍‌ଡକ୍ ପାପାମ୍ ଡଲ୍‌ତେ ଲେକାମ୍ ।

୯ ମେଣ୍ଟେ, ନାନ୍ ଅନ୍ଦାମ୍ ନିୟମ୍ ଇଲ୍‌ହାଙ୍କ ଜିହ୍ୱାୟ ମାଡ଼ତାନ୍, ଇଡ଼କେ ଗର୍ ଝାଡ଼ତାଙ୍କ ପାପ୍ ଜିହ୍ୱାୟ ଆଡ଼ତେ, ମେଣ୍ଟେ ନାନ୍ ଡଲିଆଡ଼ତାନ୍;

୧୦ ଆଗାଙ୍କ ଜିହ୍ୱାୟତାଦ୍ ବେନ୍ ଗର୍, ଆଦ୍ ନା ସେଙ୍ଗେ ଆମ୍ବିକ୍ ଡଲିନାଦ୍ ଇଞ୍ଜ ପୁଡ଼ତାନ୍ ।

୧୧ ବାଡେଙ୍କଇଡ଼କେ ପାପ୍ ସୁଜଗ୍ ପାଏମ୍‌ଆସ୍ ଗର୍ ତଡ଼୍ ନାକିଂଙ୍କ ଡିପାଲ୍ ମାଡ଼ତେ, ମେଣ୍ଟେ ଆଦିନ୍ ତଡ଼୍ ନାକିଂଙ୍କ ଆସ୍ତୁକ୍ତେ ।

୧୨ ଆଦିଙ୍କ ନିୟମ୍ ପବିତ୍ର ନୁ ମେଣ୍ଟେ ଅଦିନ୍ ଆଦେଗ୍ ପବିତ୍ର, ନ୍ୟାୟତାଦ୍ ନୁ ସାୟେଭାଦ୍ ।

୧୩ ଆଲେକେ ବାଡ଼ ଲେକେଡ଼, ଆଦ୍ କି ନା ସେଙ୍ଗେ ଡଲିନାଦ୍ ଆଡ଼ତେ ? ଆଦ୍ ବେସୁର୍ ବା ଆୟମାକି । ଇଡ଼କେ ପାପ୍ ଡଲିନାଦ୍ ଆଡ଼ତେ, ବେଲା ବାଡ଼ ସାୟେ, ଆଦ୍ ଇସ୍ ନା ସେଙ୍ଗେ ଡଲିନାଦ୍ ପାଡ଼ୟି ମାଡ଼କେ ପାପାମ୍, ପାପାମ୍ ଇଞ୍ଜ ତନ୍ଦିଡ଼ ମେଣ୍ଟେ ବେଲା ନିୟମ୍ ତଡ଼୍ ପାପାମ୍ ଗାଟି ନାରଗେ ଆଡ଼ତେ ।

ନାରୁଡ଼୍ ମନ୍ତାଗ୍ ଚିତ୍ରେ

୧୪ ଆଦିଙ୍କ ନିୟମ୍ ଆଦୁଡ଼ତେ ଆମ୍ବିକ୍, ଇଦ୍ ମାନାଡ଼୍ ପୁଡ଼ତାଡ଼୍; ଇଡ଼କେ ନାନ୍‌ନେ ମେନ୍ଦୁଲ୍‌ମାନ୍‌ନାଣ୍, ପାପ୍‌ତାଦ୍ କ୍ରୀତଦାସ୍ ।

୧୫ ☆ବାଡେଙ୍କଇଡ଼କେ ନାନ୍ ବାଡ଼ ମାଡ଼ିତାନ୍, ଆଦ୍ ପୁନନ୍; ଆଦିଙ୍କ ନାନ୍ ବାଡ଼ ଇଞ୍ଜା ମାଡ଼ିତାନ୍, ଆଦ୍ ମାଡ଼ନ୍, ଇଡ଼କେ ନାନ୍ ପାସ୍ତିତାନ୍, ଆଦିଂକେ ମାଡ଼ିତାନ୍ ।

୧୬ ଇଡ଼କେ ନାନ୍ ବାଡ଼ ଇଞ୍ଜା ମାଡ଼ନ୍, ଆଦ୍ ଯଦି ମାଡ଼ିତାନ୍, ଆଲେକେ ନିୟମ୍ ଜେ ସାୟେ, ଆଦ୍ ନାନ୍ ସ୍ୱୀକାର୍ ମାଡ଼ିତାନ୍ ।

୧୭ ଆଦିଙ୍କ ନାନ୍ ମେଣ୍ଟେ ଆଦ୍ ମାଡ଼ନ୍, ଇଡ଼କେ ନାୟାଗ୍ ବାସେ ମାଡ଼ିମାନ୍‌ ପାପ୍ ଆଦ୍ ମାଡ଼ତୁେ ।

୧୮ ବାଡେଙ୍କଇଡ଼କେ ନାୟାଗ୍, ଇଡ଼କେ ନା ମେନ୍ଦୁଲ୍‌ତାଗ୍ ବାଡ଼ ଆୟି ସାୟେଡ଼ ଜିନିଷ୍ ମାନ, ଇଦ୍ ନାନ୍ ପୁଡ଼ତାନ୍, ଆଦିଙ୍କ ନାନ୍ ଇଞ୍ଜା ମାଡ଼େ ପାଡ଼ପୁଡ଼ାନ୍, ଇଡ଼କେ ବାଡ଼ ସାୟେ, ଆଦ୍ ମାଡ଼ାନଙ୍କ ନାୟାଗ୍ ଗିଲ୍ଟି ଇଲ୍‌ଲେ ।

୧୯ ବାତେଙ୍କିକତକେ ବେନ୍ ସାୟେଡ଼ ପାଡ଼୍‌ୟି ମାଡ଼ାନଙ୍କି ନାନ୍ ଇଚ୍ଛା ମାଡ଼ିତାନ୍, ଆଦ୍ ମାଡ଼ନ୍, ଇଡ଼କେ ବେନ୍ କାରାପ୍ ପାଡ଼୍‌ୟି ମାଡ଼ାନଙ୍କି ନାନ୍ ଇଚ୍ଛା ମାଡ଼ନ୍, ଆଦ୍ ମାଡ଼ିତାନ୍ ।

୨୦ ଇଡ଼କେ ନାନ୍ ବାଡ଼ ଇଚ୍ଛା ମାଡ଼ନ୍, ଆଦ୍ ଯଦି ମାଡ଼ିତାନ୍, ଆଲେକେ ନାନ୍ ନିଜେ ଆଦ୍ ମେଣ୍ଡେ ମାଡ଼ନ୍, ମାଡ଼ର୍ ନାୟାଗ୍ ମାୟାନ୍ ପାପ୍ ଆଦ୍ ମାଡ଼ିଡ଼ ।

୨୧ ଆଦିଙ୍କି ସାୟେଡ଼ ପାଡ଼୍‌ୟି ମାଡ଼ାନଙ୍କି ଇଚ୍ଛା ମାଡ଼କେ ଗାଲା ନାନ୍, ନା ଗାରେ ଜେ କାରାପ୍ ମିନ୍ଦେ, ଇଦ୍ ନିୟମ୍ ନାନ୍ ଉଡ଼ତୁନ୍ ।

୨୨ ବାତେଙ୍କିକତକେ ଲୋପେଡ଼ଣ୍ ମାନେୟତାଦ୍ ଆଲ୍‌ସାନାଦ୍ ଲେକାମ୍ ନାନ୍ ଇଶ୍ବରତାଦ୍ ନିୟମ୍‌ତାଗ୍ ଝେଡ଼କ୍ ମାଡ଼ିତାନ୍,

୨୩ ଇଡ଼କେ ନାନ୍ ନାଝାଦ୍ ମେନ୍ଦୁଲ୍‌ତାଗ୍ ଅଣ୍ଡୟ ଝେରେ ନିୟମ୍ ଉଡ଼ିତାନ୍, ଆଦ୍ ନାଝାଦ୍ ମନ୍‌ତାଦ୍ ନିୟମ୍ ବିରୁଦ୍‌ତେ ଯୁଦ୍ ମାଡ଼ିଡ଼, ମେଣ୍ଡେ ନାଝାଦ୍ ମେନ୍ଦୁଲ୍‌ତାଗ୍ ବେନ୍ ପାପ୍ ନିୟମ୍ ମିନ୍ଦେ, ନାକିଂଙ୍କି ଆଗେଡ଼ ବନ୍ଦି ମାଡ଼ିଡ଼େ ।

୨୪ ଆୟୁ, କାଡ଼ମାମ୍ ଇଲ୍‌ଝଣ୍ ମାନେୟତେ ଜେ ନାନ୍, ନାକିଂଙ୍କି ଇଦ୍ ତଲ୍‌ନାଦ୍ ମେନ୍ଦୁଲ୍‌ତାଗାଙ୍କି ବେନ ଗେଲ୍‌ସ୍ଥିତଣ୍ ?

୨୫ ମାନ୍ ପ୍ରଭୁ ଜିସୁ କ୍ରିଷ୍ଟନ୍ ତଡ଼ ଇଶ୍ବରତାଦ୍ ଦନ୍‌ସବାଦ୍ ଆୟି । ତ ନାନ୍ ନିଜେ ମନ୍ ତଡ଼ ଇଶ୍ବରତେ ନିୟମ୍‌ତାଦ୍ ଦାସ, ଇଡ଼କେ ମେନ୍ଦୁଲ୍ ତଡ଼ ପାପ୍ ନିୟମ୍‌ତାଦ୍ ଦାସ ।

୮

ଆମିକ୍ ଜିଝୁଣ୍

୧ ତ ବେନଡ଼୍ କ୍ରିଷ୍ଟ ଜିସୁନାଗ୍ ମିନ୍ଦେଡ଼, ଅଡ଼ ସେଙ୍ଗେ ବାଡ଼ ତିପାଲ୍ ଇଲ୍‌ଲେ ।

୨ ଇଡ଼କେ ଜିଝୁଣ୍‌ତାଦ୍ ଆମାତେ ନିୟମ୍ କ୍ରିଷ୍ଟ ଜିସୁନ୍ ପେଦେଡ଼ତେ ମିକିଂଙ୍କି ପାପ୍ ନୁ ତଲ୍‌ନାଦ୍ ନିୟମ୍‌ତାଗାଙ୍କି ମୁକ୍ତି ମାଡ଼ିଡ଼େ ।

୩ ଆଦିଙ୍କି ମେନ୍ଦୁଲ୍ ମାୟାଦିଙ୍କି ରୋଗାମ୍ ଆଡ଼ତାଙ୍କି ନିୟମ୍ ବାଡ଼ ମାଡ଼ାନଙ୍କି ପାର୍‌ଝ, ଆଦ୍ ଇଶ୍ବର୍ ତାନ୍ ମାରିଙ୍କି ପାପ୍‌ତାଦ୍ ମେନ୍ଦୁଲ୍ ଇସାପ୍‌ତେ ପାପାମ୍ ଦଂସ ମାଡ଼ାନଙ୍କି ରହସ୍ ମେନ୍ଦୁଲ୍‌ତାଗ୍ ପାପାମ୍‌ତିଙ୍କି ଦଣ୍ଡ ଇଦାନ୍ ନିୟମ୍ ମାଡ଼ିଡ଼ଣ୍,

୪ ବେଳାକି ମେନ୍ଦୁଲ ଆଲ୍‌ସାନ୍ ଇସାୟତେ ବ୍ୟବହାର ମାଡକର୍ ଆମ୍ବାତାଦ୍ ଆଲ୍‌ସାନ୍ ଇସାୟତେ ମାନାଡ୍ ବ୍ୟବହାର ମାଡିତାଡ୍, ମାୟାଗେନେ ନିୟମତାଦ୍ ଦାର୍ମାମନିତି ତିୟାର ଆଦତେ ।

୫ ବେନଡ୍ ମାନେୟତେ ଲେକାମ୍ ପାଡ୍‌ୟି ମାଡିତୁଡ୍, ଅଡାଦ୍ ମାନ୍ ଆଦ୍ ଲେକାମ୍ ଆଦତେ । ଇଡକେ ବେନଡ୍ ପବିତ୍ର ଆମ୍ବାତେ କେଡତାନ୍ ଲେକାମ୍ ପାଡ୍‌ୟି ମାଡିତଡ୍, ଅଡାଦ୍ ମାନ୍ ପବିତ୍ର ଆମ୍ବାତେ ତଡ୍ ଚାଲେମ୍ ଆଦତେ ।

୬ ମାନେୟ ଲେକାମ୍ ଆଡକେ, ଆଦିନାଦ୍ ପରିଣାମ୍ ଆଦତେ ତଲ୍‌ନାଦ୍; ପବିତ୍ର ଆମ୍ବାନ୍ ତଡ୍ ଚାଲେମ୍ ଆଡକେ ଜିଝୁଣ୍ଡୁ ନୁ ଶାନ୍ତି ଦରକିଡ୍ ।

୭ ମାନେୟତେ ଲେକାମ୍ ଆଡକେ ନାରୁଡ୍, ଇଶ୍ବରତାଦ୍ ଶତୁଡ୍, ଆଦତନ୍; ବାତେଙ୍କଇଡକେ ଅଣ୍ଡ ଇଶ୍ବରତାଦ୍ ନିୟମ୍ ପାଲନ୍ ମାଡିଣ୍ଡ, ଅଣ୍ଡ ଆଦ୍ ମାଡାନଙ୍କ ପାର୍‌ଝଣ୍ଡ ।

୮ ବେନଡ୍ ମାନେୟତେ ଲେକାମ୍ ପାଡ୍‌ୟି ମାଡିତଡ୍, ଅଡ୍, ଇଶ୍ବରତିଙ୍କ ଶାନ୍ତି ମାଡାନଙ୍କ ପାର୍‌ଝଡ୍ ।

୯ ଯଦି ନିଜାମ୍ ଇଶ୍ବରତାଦ୍ ପବିତ୍ର ଆମ୍ବା ମିୟାଗେ ମିୟେ, ମିଡ୍, ମେଣ୍ଡେ ମାନେୟ ଲେକାମ୍ ଜିଝୁଣ୍ଡୁ ବାଦକ୍‌ଝିଡ୍, ଇଡକେ ଜିଝୁଣ୍ଡୁତାଗ୍ ପବିତ୍ର ଆମ୍ବାତେ ଗଟ୍ ପାଲନ୍ ମାଡିତୁଡ୍ । କ୍ରିଷ୍ଟନାଦ୍ ଆମ୍ବା ବେନନ୍ ଗାରରେ ଇଲ୍‌ଲେ, ଅଣ୍ଡ ବେସୁର୍ ଅନ୍ ନାରୁଣ୍ଡ ଆଦାନଙ୍କ ପାର୍‌ଝଣ୍ଡ ।

୧୦ ଇଡକେ କ୍ରିଷ୍ଟ ଯଦି ମିଇ ଗାରରେ ମିୟେଣ୍ଡ, ମିୟାଦ୍ ମେନ୍ଦୁଲ୍ ପାପ୍ ତଡ୍ ନଷ୍ଟ ଆଦାନଙ୍କ ଆଞ୍ଜମାଡକେ ଗାଲା, ପବିତ୍ର ଆମ୍ବା ମିକିଂଙ୍କ ଜିଝୁଣ୍ଡୁ ଇଦତେ, ବାତେଙ୍କଇଡକେ ଇଶ୍ବରତେ କଣ୍ଡେତାଗ୍ ମିଡ୍ ଦାର୍ମାମ୍ ଇଞ୍ଜ ଲେକା ଆଡତିଡ୍ ।

୧୧ ଯଦି କ୍ରିଷ୍ଟଙ୍କ ମେଣ୍ଡୁନ୍‌ୟାମ୍ ଜିଝେ ମାଡତେ ଇଶ୍ବରତାଦ୍ ଆମ୍ବା ମିୟାଗ୍ ମିୟେ, ଆଲେକେ ଆଦ୍ ଆମ୍ବାତେ ସାହାଯ୍ୟତେ ଇଶ୍ବର ମିୟାଦ୍ ତଲ୍‌ତାଦ୍ ମେନ୍ଦୁଲ୍‌ତିଙ୍କ ଗାଲା ଜିଝେ ମାଡିତନ୍ ।

୧୨ ଆଦିଙ୍କ ହୋ ଦାଦାଲଡି ନୁ ଏଲାୟ୍, ମାନ୍ ଦାୟିଡ୍ ଆଦୁଡତେ, ମାନେୟତେ ଲେକାମ୍ ଜିଝୁଣ୍ଡୁ ବାଦକାନତାଦ୍ ଆୟ୍‌ୟ ।

୧୩ ବାତେଙ୍କଇଡକେ ମିଡ୍ ମାନେୟ ଲେକାମ୍ ଜିଝୁଣ୍ଡୁ ବାଦକିତିଡ୍, ଆଲେକେ ମିଡ୍ ତଲିତିଡ୍, ଇଡକେ ଯଦି ପବିତ୍ର ଆମ୍ବାତେ

ସାହାଯ୍ୟରେ ନିଜେ ପାପାନ୍ତର୍କ ଆଖି, ମେଣ୍ଡେ ପାପାନ୍ ପାତ୍ରି
ମାଡ଼ିବେମାଡ଼ିବେ, ଆଲେକେ ମିଡ଼ି ଗେଲିସିତିଡ଼ି ।

୧୪ ବେନଡ଼ି, ଇଶ୍ବରରେ ଆମ୍ଭା ତଡ଼ି ତାଲେମ୍ ଆଦତଡ଼ି, ଅଡ଼ି,
ଇଶ୍ବରରେ ମାର୍ ମାୟାସ୍ ।

୧୫ ☆☆ବାତେକ୍‌ଇଡ଼ିବେ ଇଶ୍ବର ଇଡ଼ିବେ ଆଦ ଆମ୍ଭା ମିକିଂ
ଦାସତାଗାକ୍ ମୁକ୍ତି ମାଡ଼ିବେ, ମିଡ଼ି ମେଣ୍ଡେ ଖେର୍ ଆଦାନାଦ୍ ବାଡ଼ି
ଇଲ୍‌ଲେ । ଇଡ଼ିବେ ପବିତ୍ର ଆମ୍ଭା ମିକିଂ ଇଶ୍ବରରେ ମାର୍ ଆଦାନକ୍
ସୁଜଗ୍ ଇଡ଼ିବେ । ଅନ୍ ଶାଡ଼ିଞ୍ଜାମ୍ ପାଏମ୍ ଆସ୍ ମାନାଡ଼ି, ଇଞ୍ଜେ
ଇଶ୍ବରତିକ୍ “ବାବାଲ୍,” ଇଞ୍ଜେ କେଡୁତାଡ଼ି ।

୧୬ ଇଶ୍ବରତାଦ୍ ଆମ୍ଭା ମାନ ଲୋପେଡ଼ି ଆମ୍ଭା ତଡ଼ି କାୟଲି ମାନାକ୍
ଇଶ୍ବରରେ ମାର୍ ଇଞ୍ଜେ କେଡୁତେ ।

୧୭ ବେଲାବା ମାନାଡ଼ି, ଇଶ୍ବରରେ ମାର୍‌କ୍, ଅନ୍ ନାରୁଡ଼ି, ସେଙ୍ଗେ
ଇଦାନ ଆଗି ବାଦତାଗ୍ ମାନାଡ଼ି ବାଗିଦାର୍ ଆଦତାଡ଼ି । ମେଣ୍ଡେ
କ୍ରିଷ୍ଟନ୍ ସେଙ୍ଗେ ଇଶ୍ବର ବାଡ଼ି ନେଃଏସ୍ ମିନ୍‌ହେଣ୍ଡି, ଆଗେ ଗାଲା ମାନାଦ୍
ବାଗ୍ ମିନ୍‌ହେ । ଯଦି ମାନାଡ଼ି ଜିସୁନାଦ୍ ଦୁଃକାମ୍‌ତାଗ୍ ବାଗିଦାର୍
ଆଡ଼ତାଡ଼ି, ଆଲେକେ ଅନ୍ ଗୌରବ୍‌ତାଗ୍ ଗାଲା ବାଗିଦାର୍ ଆଦତାଡ଼ି,
।

ବବିଷୟତାଦ୍ ଗୌରବ୍

୧୮ ବେନ୍ ଗୌରବ୍‌ତାଦ୍ ବବିଷୟତାଗ୍ ମାନାଡ଼ି ଆସିତାଡ଼ି, ଆଦ୍
ଇସାପ୍‌ରେ ଇଞ୍ଜେ ଦୁଃକାମ୍ ଆଦାନାଦ୍ ବାତେବା ଆୟ୍‌ୟ । ଆଦ୍
ସମୟରେ ଇଶ୍ବର ତାନ୍ ମାର୍‌କିଡ଼ିକ୍ ତଅତିତଣ୍ଡି ।

୧୯ ସାର୍‌ରେ ସୃଷ୍ଟି ଆଦ୍ ଦିନାମ୍‌ତିକ୍ ଆଗ୍ରହ ଆସ୍ କେପି ମିନ୍‌ହେ,

୨୦ ବାତେକ୍‌ଇଡ଼ିବେ ସାର୍‌ରେ ସୃଷ୍ଟି ଇଶ୍ବର ତଡ଼ି ଅବିଶାପ୍ ଆସ୍
ତାନ୍ କାମ୍‌ତାଗାକ୍ ଖେଏରେ ଆଡ଼ିବେ । ଇଡ଼ିବେ ଆଗେକ୍‌ବା
ଆଦିନାଦ୍ ଆଗେ ମିନ୍‌ହେ,

୨୧ ଅନ୍‌ଦିନେ ଇଶ୍ବରରେ ମାର୍‌କିଡ଼ି ଗୌରବ୍‌ତାଗ୍ ବାଗିଦାର୍ ଆସ୍
ଆଦ୍ ଗାଲା ତାନ୍ ଦାସତ୍ ନଷ୍ଟ ଆଦାନାଗାକ୍ ମୁକ୍ତି ପାଏମ୍ ଆଦିବେ ।

୨୨ ଇଡ଼ିବେ ଇଞ୍ଜେକ୍ ଗାଲା ସାର୍‌ରେ ସୃଷ୍ଟି ପିଲା ପୁରୁଷାନ୍ ନପ୍
ଲେକାମ୍ କଷ୍ଟ ପାଏମ୍ ଆସ୍ ଦୁଃକାମ୍‌ରେ କିଡ଼ିକ୍‌ରେ ।

୨୩ ☆ ମେଣ୍ଡେ ଆଦି ମାତର ଆୟ, ମାନାତ୍, ଇଶ୍ବରତେ ମୁନେନ୍ ଇଡ଼ତାଦ୍ ଦାନ ଲେକାମ୍ ପବିତ୍ର ଆତ୍ମାତିଙ୍କ ପାଏମ୍ ଆଡ଼ତାଡ଼; ଆଗେକ୍ବା ଇଶ୍ବରତେ କୁର୍ମାମ୍ ଆସ୍ ସାରେତଡ଼ ଲେକାମ୍ ମୁଲ୍ଲି ଆଦାନ୍ ସେଙ୍ଗେ ମାମ୍ମେ ଗାଲା କେପି ଜିହ୍ବୁଣ୍ଡ ଲୋପେ ଦୁଃକା ମାଡ଼ତୁମ୍ ।

୨୪ ବାତେଙ୍କଇଡ଼କେ ଆଶା ମାଡ଼କେନେ କେ ମାନାଙ୍କ ମୁଲ୍ଲି ଦରକିଡ଼ । ଇଡ଼କେ ବାଡ଼ ତଅନ୍ଦିଡ଼, ଆଦିନ୍ ସେଙ୍ଗେ ଆଶା ମାଡ଼ନାନ୍ଦ ନିଜାତେ ଆଶା ଆୟ୍ୟ । ବେନ ବାଡ଼ ତଅନ୍ଦାନାନ୍ଦ ଜିନିଷ୍ ସାରରେ ସେଙ୍ଗେ ଆଶା ମାଡ଼ିତନ୍ ?

୨୫ ଇଡ଼କେ ମାନାଡ଼ ଯଦି ତଅନ୍ଦଝାଦ୍ ବିଷୟ୍ ସେଙ୍ଗେ ଆଶେ ମାଡ଼ିତାଡ଼, ଆଲେକେ ମାନାଙ୍କ ଗାଡ଼ସ୍ ପୟ୍ସ୍ କେପି ମାନ୍ଦାନଙ୍କ ଝେୟ୍ଡିଡ଼ ।

୨୬ ଆଦେରକମ୍ ମାନାଙ୍କ ଶାଡ଼ଝାମ୍ ଇଲ୍ଲେ, ପବିତ୍ର ଆତ୍ମା ମାନାଙ୍କ ସାଆୟ୍ୟ ମାଡ଼ିତନ୍ । ବେଲା ପ୍ରାର୍ଥନା ମାଡ଼ାନଙ୍କ ଆଦତେ, ଆଦ୍ ମାନାଡ଼ ପୁନ୍ଝାଡ଼ । ଆଦିଙ୍କ ପବିତ୍ର ଆତ୍ମା ଲେଙ୍କ ଇଲ୍ଝାଦ୍ ଗର୍ ତଡ଼, ମାନ୍ ସେଙ୍ଗେ ଇଶ୍ବରତିଙ୍କ କେଡିଡ଼ ।

୨୭ ଇଶ୍ବର ଆଦ୍ ବୁଜେମ୍ ଆଦତନ୍, ବାତେଙ୍କଇଡ଼କେ ଅଣ୍ଡ ଲୋପେଡ଼ ଗର୍ ପୁଡ଼ତଣ୍ ନୁ ପବିତ୍ର ଆତ୍ମା ଇଶ୍ବରତେ ଇଚ୍ଛା ଲେକାମ୍ ତାମ୍ ନାରୁଡ଼ ସେଙ୍ଗେ କେଡିତଣ୍ ।

୨୮ ମାନାଡ଼ ପୁଡ଼ତାଡ଼ ଯେ, ବେନଡ଼ ଇଶ୍ବରତେ ଉଦ୍ଦେଶ୍ୟତିଙ୍କ ତିୟାର ମାଡ଼ାନଙ୍କ ଝାଦତଣ୍ ନୁ ଇଶ୍ବରତିଙ୍କ ପ୍ରେମ ମାଡ଼ିତଡ଼, ଅଡ଼ ସେଙ୍ଗେ ସାରରେ ବିଷୟ୍ ଲେକେଡ଼ ଆଦତେ ।

୨୯ ବେନଡ଼କିଙ୍କ ଇଶ୍ବର ଏଞ୍ଜିମିନ୍ଦେଣ୍ଡ, ଅଡ଼କିଙ୍କ ତାମ୍ ମାରକିନ୍ ଲେକାମ୍ ଆଦାନଙ୍କ ମୁନେଡ଼କେ ତିୟାର ମାଡ଼ିମିନ୍ଦେଣ୍ଡ । ଆଲେକେ ଇଶ୍ବରତେ ମାରକ୍ ଅଡ଼କିଙ୍କ ମୁନେଙ୍କ ପୁର୍ତେନଡ଼ ଆଦତଡ଼ ।

୩୦ ବେନଡ଼ ଇଦ୍‌ରକମ୍ ଏଞ୍ଜି ଝାସ୍‌ମିନ୍ଦେଡ଼, ଅଡ଼ ଇଶ୍ବରତେ କଣ୍ଡେତାଗ୍ ଦାର୍ମାମ୍ ଆସ୍ ଗୌରବ୍ ପାଏମ୍ ଆଦତଡ଼ ।

ଇଶ୍ବରତେ ପ୍ରେମ

୩୧ ଆଲେକେ ଇହୁ ସାରରେ ଉଡ଼କେ ମେଣ୍ଟେ ବାଡ଼ କେତିତାଡ଼ ? ଇଶ୍ବର ଯଦି ମାନ୍ ସପର୍ ମାଡ଼ିତନ୍, ବେନ ମାନ୍ ବିରୁଦ୍ ଆଦପାରଦତଣ୍ ?

୩୨ ଇଶ୍ବର ବେସୁର୍ବା ମାନ୍ ବିରୁଦ୍ ଆୟ୍ଯଣ୍, ବାତେଙ୍କିକଡ଼କେ ଅଣ୍ ନିଜେଡ଼ ମାରିଙ୍କ ମିକା ରକ୍ଷା ମାଡ଼କର୍ ମାନ୍ ସେଙ୍ଗେ ଦାନ ମାଡ଼ତଣ୍ । ଆଲାକଡ଼କେ, ଅଣ୍ ବାଡ଼ ମାନାଙ୍କ ସାରରେ ବିଷୟ ଦାନ ମାଡ଼ତଣ୍ ?

୩୩ ଇଶ୍ବର ଏଞ୍ଜେ ନାରୁଡ଼ ବିରୁଦ୍ତେ ବେନଡ଼ ଅବିଯଗ୍ ମାଡ଼ପାରଦତଡ଼ ? ଇଶ୍ବର ନିଜେ ଅଡ଼କିଙ୍କ ନିର୍ଦ୍ଦୋଷ୍ ଇଞ୍ଜ କେସ୍ମିନ୍ଦେଣ୍ ।

୩୪ ଆଲେକେ ବେନ ଅଡ଼କିଙ୍କ ମେଣ୍ଟେ ଦକ୍ଷି ମାଡ଼େପାରଦତଣ୍ ? କ୍ରିଷ୍ଟ ଜିସୁ ଆଦ୍ ବେସୁର୍ ମାଡ଼ଣ୍, ବାତେଙ୍କିକଡ଼କେ ଅଣ୍ ଡଲ୍ଡାଗାଙ୍କ ମେଣ୍ଟନ୍ୟାମ୍ ଜିଞ୍ଜେ ଆସ୍ ଇଶ୍ବରତେ ଡିନ୍ଦେପାକ୍ କୁଦିମିନ୍ଦେଣ୍ । ଅଣ୍ ଆନ୍ତେ ମାନ୍ ସେଙ୍ଗେ ନାଡ଼ମେ ପ୍ରାର୍ଥନା ମାଡ଼ତୁଣ୍ ।

୩୫ ଆଲେକେ ବେନ ମାନାଙ୍କ କ୍ରିଷ୍ଟନ୍ ପ୍ରେମତାଗାଙ୍କ ଖେରେ ମାଡ଼େପାରଦତଣ୍ ? ଦୁଃକାମ୍, ଡିପାଲ୍, ନପ୍, ଗରିବ୍, କାର୍ଡ୍, ବିପଦ୍ ବା ଡଲ୍ଡନାଦ୍ ଆଣେ, ବାଆଡେବା ଆଦ୍ ମାଡ଼ାନଙ୍କ ପାର୍ଡ୍ ।

୩୬ ଶାସ୍ତ୍ରତାଗ୍ ଲେକାମିନ୍ଦେ, “ମିଇ ସେଙ୍ଗେ ମାକିଙ୍କ ସାରେଖେଲେ ଡଲ୍ଡନାଦ୍ ବିପଦ୍ ଖାଡୁଡ଼, ଆଞ୍ଜୁକାନଙ୍କ ଆଦାନ୍ ମେଣ୍ଟା ଲେକାମ୍ ମାନାଡ଼ ଏଞ୍ଜିମିନ୍ଦେଡ଼ ।”

୩୭ ବେନ ମାନାଙ୍କ ପ୍ରେମ ମାଡ଼ତୁଣ୍, ଅନ୍ ସାଆୟତେ ମାନାଡ଼ ଇହୁ ସାରେଡିଙ୍କ ଜିଡ଼ତାଡ଼ ।

୩୮ ନାନ୍ ନିଜାମ୍ ପୁଡ଼ତାନ୍ ଜେ ଅନ୍ ପ୍ରେମତାଗାଙ୍କ ମାନାଡ଼ ବେସୁର୍ବା ଖେରେ ଆୟ୍ଯାଡ଼ । ଡଲ୍ଡନାଦ୍ ବା ଜିହ୍ୱଣ୍, ଦୁଡ଼ ବା ମୟ୍ଲତାଗ୍ ମାନ୍ୟାନ୍ ବେନ୍ ରାଜାଲ୍ ବା ଶାଡ଼ଞ୍ଜାମ୍, ଇଞ୍ଜେ ବା ଖାଦାନ୍ ଦିନାଡେ,

୩୯ ପରତାଦ୍ ଆୟ୍ଯି ବା ମଦଲ୍ଡତାଦ୍ ଆୟ୍ଯି ବାଡ଼ ବିଷୟ୍, ସାରରେ ସୁଷ୍ଟିତାଗ୍ ଇଦରକମ୍ ବାଡ଼ ବିଷୟ୍ ଇଲ୍ଲେ, ବାଡ଼ ପ୍ରବୁ ଜିସୁ କ୍ରିଷ୍ଟନ୍ ଡଡ଼ ଡଅନ୍ଦତାଦ୍ ଇଶ୍ବରତେ ଆଦ୍ ପ୍ରେମତାଗାଙ୍କ ମାନାଙ୍କ ଖେରେ ମାଡ଼ାନଙ୍କ ପାରଦତେ ।



ଇଶ୍ଵର ନୁ ତାନ୍ ନାରୁଡ଼୍,

୧ ନାନ୍ ନିଜାମ୍ କେତୁତାନ୍, କ୍ରିଷ୍ଟ ବିଶ୍ଵାସୀ ଆସ୍‌ମାନ୍‌ନ୍ ମାୟୁଦିଂଙ୍କ୍ ନାନ୍ ମିର୍ କେଲନ୍ । ପବିତ୍ର ଆତ୍ମାତେ ଚାଲେମ୍ ନାମ୍ବାଦ୍ ବିବେକ୍ ଇଦିନାଦ୍ ସାକ୍ଷି ଇଦୁତେ ।

୨ ନାନ୍ ଜେ ବେସର୍ ତିପାଲ୍ ନୁ ଗାଟି ଦୁଃକାମ୍‌ତେ ନା ଜିଝୁଣ୍ଡତାଗ୍ ବେସର୍ ପୁଃଉତେ, ଇଦ୍ ଗର୍ ନାନ୍ ବୁସା ମାଡ଼ି କେଲନ୍ ।

୩ ନା ନିଜେଡ଼ ଜାତିଡ଼୍ ଦାଦାଲଡ଼୍ ନୁ ଏଲାସ୍‌କିନ୍ ସେଙ୍ଗେ ନାନ୍ ନିଜେ କ୍ରିଷ୍ଟନାଗାଙ୍କ୍ ଖେରେ ଆସ୍ ଇଶ୍ଵର ତଡ଼୍ ଅବିଶାପ୍ ପାଏମ୍ ଆଦାନଙ୍କ୍ ନାନ୍ ରାଜି,

୪ ବାତେଙ୍କ୍‌ଇଡ଼କେ ଅଡ଼୍ ଇଶ୍ଵରତେ ନାରୁଡ଼୍ । ଇଶ୍ଵର ଅଡ଼୍‌କିଂଙ୍କ୍ ନିଜେଡ଼ ମାର୍ ଲେକାମ୍ ଗ୍ରହନ୍ ମାଡ଼ି ଅଡ଼୍ ବକେଡ଼ ନିଜେଡ଼ ମହିମା ତଅସ୍‌ମାଡ଼ତଣ୍ଡ୍; ଅଡ଼୍ ତଡ଼୍ ରୁକ୍ତିମାଡ଼ି ନିୟମ୍ ଇସ୍ ମାଡ଼ତଣ୍ଡ୍, ଅଡ଼୍ ନିଜାମ୍ ଉପବାସ୍ ମାଡ଼ିତଡ଼୍; ଅଡ଼୍ ଇଶ୍ଵରତାଗାଙ୍କ୍ ପ୍ରତିଶ୍ରୁତି ପାଏମ୍ ଆଦତଡ଼୍,

୫ ଅଡ଼୍ ମାନ୍ ମୁନେଡ଼ତେ ଇହୁଦୀ ଆନିଦାଦିଡ଼୍ ବଂଶତଡ଼୍ ନୁ ମାନେୟତେ ଲେକାମ୍ କ୍ରିଷ୍ଟ ଆଦ୍ ବଂଶତାଗ୍ ପୁର୍ତଣ୍ଡ୍ । ସାରେତିଙ୍କ୍ ବେଡ଼ୟେ ଶାସନ୍ କର୍ତ୍ତାଲ୍ ଇଶ୍ଵର ଯୁଗ୍‌ୟୁଗ୍ ଦନ୍ୟ ଆୟିଣ୍ଡ୍ । ଆମେନ୍ ।

୬ ଇଶ୍ଵରତେ ପ୍ରତିଜ୍ଞା ବିପଲ୍ ଆଡ଼ତେ ଇଞ୍ଜ ନାନ୍ କେଲନ୍, ବାତେଙ୍କ୍‌ଇଡ଼କେ ଇସ୍ରାଏଲ୍ ବଂଶତାଗ୍ ପୁର୍ତେ ସାରେତଡ଼୍ ନାରୁଡ଼୍, ଇଶ୍ଵରତେ ନାରୁଡ଼୍ ଆୟଡ଼୍,

୭ ମେଣ୍ଡେ ଅବ୍ରାହାମ୍‌ତେ ବଂଶତଡ଼୍ ସାରେତଡ଼୍ ଇଶ୍ଵରତେ ମାର୍‌କ୍ ଆୟଡ଼୍ । ଇଶ୍ଵର ଅବ୍ରାହାମ୍‌ତିଙ୍କ୍ କେସ୍‌ମାଡ଼ତଣ୍ଡ୍, “ନିୟାଦ୍ ବେନ୍ ବଂଶଦର୍ତ୍ତ୍ ସେଙ୍ଗେ ମାମ୍‌ମେ ପ୍ରତିଜ୍ଞା ମାଡ଼ିମାଡ଼ତମ୍, ଅଡ଼୍ ଇସାକ୍‌ତାଗାଙ୍କ୍ ପୁଟିତଡ଼୍ ।”

୮ ଇଦିନ୍ ଅର୍ଥ ଆଦୁଡ଼ତେ, ମାନେୟ ଆସ୍‌ମାନ୍‌ନ୍ ମାୟୁଦିଙ୍କ୍ ଇଶ୍ଵରତେ ମାର୍‌କ୍ ଆଦାନଙ୍କ୍ ପାର୍‌ଝଡ଼୍ । ଇଶ୍ଵରତାଦ୍ ପ୍ରତିଜ୍ଞା ଲେକାମ୍ ପୁର୍ତେ ପିଲା ଇଶ୍ଵରତେ କଣ୍ଡେତାଗ୍ ନିଜାତେ ମାର୍‌କ୍ ଲେକାମ୍ ଗନା ଆଦତଡ଼୍ ।

୯ ଇଶ୍ବର ଇଦ୍ ପ୍ରତିଜ୍ଞା ମାଡ଼ିମାଡ଼ତଣ୍ଡ, “ଟିକ୍ ଇଦ୍ କାଲାମ୍‌ତେ ମାନାଡ଼୍‌ମାଲ୍‌ଦିତାଡ଼, ଆସୁର୍ ସାରାଲ୍ ମାର୍ ଜନମ୍ ମାଡ଼ିମାନ୍‌ତେ ।”

୧୦ ମେଣ୍ଡେ ଆସରେ ଆୟ୍‌ୟ । ଇଣ୍ଡ ମାର୍ ମାନ୍ ଆନିଦାଦି ଇସ୍‌ହାକ୍ ମାଡ଼ତଣ୍ଡ । ରିବିକାନ୍ ଇରଞ୍ଜୁଡ଼୍ ମାର୍‌କ୍ ଅଣ୍ଡୟ୍ ବାବାଲ୍ ଇସାକ୍‌ତାଗାଙ୍କ୍ ପୁଟିମାଡ଼ତଡ଼,

୧୧ ଅଡ଼୍ ଜନମ୍ ଆଦାନ୍ ମୁନେଙ୍କ୍, ବେନ ବାଡ଼ଆୟ୍ ନିଜାମ୍ ବା କାରାପ୍ ପାଡ଼ୟ୍ ମାଡ଼ାନ୍ ମୁନେଙ୍କ୍ ଇଶ୍ବର ଇଦ୍ କେସ୍‌ମାଡ଼ତଣ୍ଡ । ଅଡ଼ାଦ୍ ପାଡ଼ୟ୍ ଲେକେଡ଼୍ ଆୟ୍‌ୟ, ଇଶ୍ବରତେ କାର୍‌ଜାମାଦ୍ ତଡ଼୍‌ଅଡ଼୍ ହେସ୍ତିମାନ୍‌ଆନ୍ ଆଦ୍‌ତଡ଼୍ ।

୧୨ ଇଡ଼୍ ଲୋପେଙ୍କ୍ ଝେରଣ୍ଡ ଇଶ୍ବରତେ ସେବା ପାଡ଼ୟ୍ ସେଙ୍ଗେ ହେସ୍ତିଆଡ଼ତଣ୍ଡ । ରିବିକାତିଙ୍କ୍ ଇଶ୍ବର କେଡ଼‌ତଣ୍ଡ, “ବାଡ଼ୟ୍‌ଣ୍ଡ ଦାଦାଲ୍ ସୁଦୁନଣ୍ଡତେ ସେବା ମାଡ଼ିତନ୍ ।”

୧୩ ଶାସ୍ତ୍ର ଗର୍ ଇସାବ୍‌ତେ, “ଯାକୁବ୍ ନାକିଙ୍କ୍ ପ୍ରେମ୍ ନୁ ପସନ୍ ଆଡ଼‌ତଣ୍ଡ, ସାୟେ ଆୟ୍‌ୟଣ୍ଡ ।”

୧୪ ଆଲେକେ ବାଡ଼ କେତିତାଡ଼, “ଇଶ୍ବର ବାଡ଼ ଅନ୍‌ୟାୟ୍ ମାଡ଼ିତନ୍ କି ?” ଇଦ୍ ବେସୁର୍‌ବା ଆୟ୍‌ମାକି ।

୧୫ ବାତେଙ୍କ୍‌ଇଡ଼‌କେ ଅଣ୍ଡ ମୋଶାଙ୍କ୍ କେସ୍‌ମାଡ଼ତଣ୍ଡ, “ମାମ୍‌ମେ ବେନଙ୍କ୍ ଇଛା, ଅଂକିଙ୍କ୍ ଅନୁଗ୍ରହ୍ ମାଡ଼ିତମ୍; ବେନଙ୍କ୍ ଇଛା, ଅଂକିଙ୍କ୍ ଦୟା ମାଡ଼ିତମ୍ ।”

୧୬ ଆଦିଙ୍କ୍ ସାରରେ ବିଷୟ ଇଶ୍ବରତେ ଅନୁଗ୍ରହ୍ ପର୍‌ର ଆଗେ ମାଡ଼ିଡ଼, ମାନେୟ୍‌ତେ ଇଛା ବା ପାଡ଼ୟ୍ ପର୍‌ର ଆୟ୍‌ୟ ।

୧୭ ଶାସ୍ତ୍ର ଇସାବ୍‌ତେ ଇଶ୍ବର ମିସ୍‌ରତେ ରାଜାଲ୍ ଫାରୋଙ୍କ୍ କେସ୍‌ମାଡ଼ତଣ୍ଡ, “ନି ତଡ଼୍ ମାମ୍‌ମେ ମାୟାଦ୍ ଶାଡ଼ଞ୍ଜାମ୍ ତଅତାନ୍ ସେଙ୍ଗେ ନୁ ସାରେ ଜଗଡ଼‌ତାର୍ ମାୟାଦ୍ ମହିମା ତଅତାନ୍ ସେଙ୍ଗେ ମାମ୍‌ମେ ନିକିଙ୍କ୍ ରାଜାଲ୍ ମାଡ଼‌ତମ୍ ।”

୧୮ ଆଦିଙ୍କ୍ ଇଶ୍ବରତେ ଲେକାମ୍ ଅଣ୍ଡ ବେନଙ୍କ୍ ଦୟା ମାଡ଼ିତନ୍ ନୁ ବେନଙ୍କ୍ ଡୁଡ଼ାଙ୍ଗ୍ ଆଦାନଙ୍କ୍ ଝିଡ଼‌ସିତଣ୍ଡ ।

ଇଶ୍ବରତାଦ୍ କପାମ୍ ନୁ ଅନୁଗ୍ରହ୍

୧୯ ମିଛ ଲୋପେଙ୍କ ବେନ ନାକିଂଙ୍କ କେତାନଙ୍କ ପାର୍ଦ୍ଦତଣ୍ଡ,
“ଆଲେକେ ଇଶ୍ବର ବାତେଙ୍କ ବେନଙ୍କ ଦକ୍ଷି ମାଡ଼ିତନ୍ ? ବେନ ବାଡ଼
ଇଶ୍ବରତେ ବିରୁଦ୍ଧତେ ବାଡ଼ ମାଡ଼ାନଙ୍କ ପାର୍ଦ୍ଦତଣ୍ଡ ?”

୨୦ ଇଡ଼କେ ହୋ ସାଙ୍ଗନଡ଼ି, ଇଶ୍ବରତେ ଗଡ଼ତିଙ୍କ ଆତାମ୍ ଆଦାନଙ୍କ
ନିମ୍ବ ବେନ ? “ନାକିଂଙ୍କ ଇଦ୍ ରକମ୍ ବାତେଙ୍କ ତିୟାର ମାଡ଼ିତନ୍,”
ଇଞ୍ଜି କୁଣ୍ଡା ମାଡ଼ତେନଣ୍ଡ କୁମାଙ୍କ କେତାନଙ୍କ ପାର୍ଦ୍ଦ ।

୨୧ ମାଣ୍ଡୁତିଙ୍କ ନିଜର୍ ଇଚ୍ଛାତେ ବ୍ୟବହାର ମାଡ଼ି କୁଣ୍ଡା ତିୟାର
ମାଡ଼ାନ୍ ସେଙ୍ଗେ କୁମାନାଦ୍ ସାରେ ଅଦିକାର୍ ମିନ୍ଦେ । ଝେରଡ଼ ମାଣ୍ଡୁତି
ଗଙ୍ଗେତାଗାଙ୍କ ଅଣ୍ଡ ରେଣ୍ଡ ପ୍ରକାର କୁଣ୍ଡା ତିୟାର ମାଡ଼େ ପାର୍ଦ୍ଦତଣ୍ଡ,
ଅଣ୍ଡୟ ପାଣ୍ଡୁମ୍ ଦିନାମ୍ତେ ନୁ ମେଣ୍ଡେ ଅଣ୍ଡୟ ଆସାମ୍ ପାଡ଼ିତାଗ୍
ବ୍ୟବହାର୍ ମାଡ଼ାନ୍ ସେଙ୍ଗେ ।

୨୨ ଇଶ୍ବର ଗାଲା ଟିକ୍ ଆଦେପୁଟୁଙ୍କ ମାଡ଼ତଣ୍ଡ । ଅଣ୍ଡ ଆଲ୍‌ସ
ମାଡ଼ତଣ୍ଡ ତାନ କପାମ୍ ତଅତାନଙ୍କ ନୁ ଶାଡ଼୍‌ଖାମ୍ ତଅତାନଙ୍କ ।
ଇଡ଼କେ ବେନଡ଼ ଅନ୍ କପାମ୍‌ତାଗ୍ ଦଂସି ଆଦାନାଦ୍ ମାଡ଼ତେ, ଅଡ଼
ସେଙ୍ଗେ ଇଶ୍ବର ଗାଟି ଦୟା ଆଡ଼ତଣ୍ଡ ।

୨୩ ମେଣ୍ଡେ ଅଣ୍ଡ ତାନ ଗୌରବ୍ ତଅତାନ୍ ସେଙ୍ଗେ ମାନାଙ୍କ ଗାଟି
ଅନୁଗ୍ରହ ତଡ଼ ମୁନେନ୍ ଏଞ୍ଜିମାଡ଼ତଣ୍ଡ ।

୨୪ ଇହୁଦୀଡ଼ ଆୟି ବା ଅଣଇହୁଦୀଡ଼, ଲୋପେଙ୍କ ଅଣ୍ଡ ମାନାଙ୍କ
କାରଙ୍ଗାନାଦ୍ ମାଡ଼ତଣ୍ଡ ।

୨୫ ଇଦ୍ ବିଷୟତେ ହୋଗେୟ ବଇତାଗ୍ ଇଶ୍ବର କେଡ଼ତଣ୍ଡ,
“ବେନଡ଼୍ ମାନ୍ ମାନେୟ ଇଲ୍‌ଝେ ମାଡ଼ତଡ଼; ଅଡ଼କିଂଙ୍କ ‘ନିଜେଡ଼
ନାରୁଡ଼’ ଇନା କାରଙ୍ଗାନାଦ୍ ମାଡ଼ିତମ୍ । ବେନ୍ ଗୋଷ୍ଠୀତିଙ୍କ ମାମ୍‌ମେ
ପ୍ରେମ ମାଡ଼ଝେ ମାଡ଼ତମ୍, ଆଦିଙ୍କ ‘ମାନ୍ ନିଜର୍ ଗୋଷ୍ଠୀ’ ଇଞ୍ଜି
କେଡ଼ିତମ୍ ।

୨୬ ବେନ୍ ପଡ଼ୟେତାଗ୍ ଅଡ଼କିଂଙ୍କ କେସ୍‌ମାଡ଼ତମ୍, ‘ମିଡ଼୍ ମା
ମାନେୟ ଆୟିଡ଼ିଡ଼; ଆଗେ ଅଡ଼ ଜିଝେ ଇଶ୍ବରତେ ମାର୍‌କ୍ ଇଞ୍ଜି
କେଡ଼ିତଡ଼ ।”

୨୭ ମେଣ୍ଡେ ଇସ୍ରାୟେଲ୍ ବିଷୟତେ ଯିଶାୟା କେଡ଼ତଣ୍ଡ, “ଯଦି
ଇସ୍ରାୟେଲ୍‌ୟ ନାରୁଡ଼୍ ସମୁଦ୍ରତେ ଉସ୍ ଇନା ଲେକାନଙ୍କ ଆୟିୟଡ଼୍,
ଅଡ଼ ଲୋପେଙ୍କ ଗାଟି ସୁଦୁର୍ ନାରୁଡ଼୍ ପରିତ୍ରାଣ୍ ପାଏମ୍ ଆଦତଡ଼୍ ।

୨୮ ବାତେଙ୍କଇଡ଼କେ ପ୍ରବୁ ଜାପେ ଜଗଡ଼ତାଦ୍ ସାରେ ନ୍ୟାୟ ବିଚାର୍

ମାଡ଼ିତନ୍ ।”

୨୯ ବେଦପୁରୁଷ ଯିଶାଛନ୍ଦ ମେଣ୍ଡେ କେସମାଡ଼ତଣ୍ଡ, “ସାର୍ବେତିଙ୍କ ଶାବ୍ଦାମ୍ ପ୍ରବୁ ମାଞ୍ଜଡ଼ ବେସକ୍ତୁଡ଼ ବଂଶଦରତିଙ୍କ ରକ୍ଷା ମାଡ଼କଟ୍ ମାଡ଼କେ, ମାଞ୍ଜାଦ ପରିସ୍ଥିତି ସଦୋମ୍ ନୁ ଗମୋରାତେ ନାରୁଡ଼ ଇନା ଆୟେଡ଼ ।”

ଇଶ୍ରାୟେଲ୍ ସେଙ୍ଗେ ପାଉଲ୍‌ତାଦ୍ ପ୍ରାର୍ଥନା

୩୦ ଆଦିଙ୍କ ଅଣଇହୁଦୀଡ଼ ବିଷୟତେ ଇଦ୍ କେଡ଼ତେ ପାରଦ୍‌ତାଡ଼, ଅଡ଼ ଦାର୍ମାମ୍ ଆଦାନଙ୍କ ଆଲ୍‌ସି ମାଡ଼ଞ୍ଜେମାଡ଼ତଡ଼, ଇଡ଼କେ ଅଡ଼ାଦ୍ ବିଶ୍ୱାସତେ ମାୟୁଦିଂଙ୍କ ଦାର୍ମାମ୍ ଆଡ଼ତଡ଼ ।

୩୧ ଇଡ଼କେ ଇହୁଦୀ ନାରୁଡ଼ ନିୟମ୍ ତଡ଼ ଦାର୍ମାମ୍ ଆଦାନଙ୍କ ଆଲ୍‌ସି, ଅଡ଼ ଦାର୍ମାମ୍ ଆଦାନଙ୍କ ପାର୍‌ଞ୍ଜଡ଼ ।

୩୨ ଇଦିନାଦ୍ କାରନ୍ ଆଦୁଡ଼ତେ, ଅଡ଼ ନିଜେଡ଼ ଚେଷ୍ଟାଡ଼ ପରର ଆଗେ ମାଡ଼ମାଡ଼ତଡ଼, ବିଶ୍ୱାସତେ ପରର ଆୟୁୟ । ଆଦିନ୍‌ସେଙ୍ଗେ ଅଡ଼ ଆଡ଼ାମ୍ ଆଦାନ୍ “କାଲ୍‌ଦାଗ୍ ତାଲ୍‌ଗି ମଦଲ୍ ରାୟିତଡ଼ ।”

୩୩ ଶାସ୍ତ୍ରତାଗ୍ ବେଲା ଲେକ୍‌ତାଦ୍ ମିନ୍ଦେ, “ଉଡ଼ାଟ୍, ମାମ୍‌ମେ ସିୟନତାଗ୍ ଅଣ୍ଡୟ କାଲ୍ ନୁ ଅଣ୍ଡୟ ବାଡ଼ୟାଦ୍ ବାଣ୍ଟକାଲ୍ ତିୟାର୍ ମାଡ଼ତମ୍ । ଆଗେ ତାଲ୍‌ଗି ନାରୁଡ଼ ମଦଲ୍ ରାୟିତଡ଼ । ଇଡ଼କେ ବିଶ୍ୱାସୀଡ଼ ନିରାଗ୍ ଆୟୁୟଡ଼ ।”

୧୦

୧ ଦାଦାଲଡ଼ି ନୁ ଏଲାୟ୍, ନା ନିଜେଡ଼ ଗୋଷ୍ଠୀଡ଼ ନାରୁଡ଼ ମୁକ୍ତି ପାଏମ୍ ଆୟିଡ଼, ଇଦ୍ ନାୟାଦ୍ ଲୋପେଡ଼ ଇଚ୍ଛା ନୁ ଇଶ୍ୱରତାଗ୍ ଇଦ୍ ନାୟାଦ୍ ସାରେଦାମ୍ ପ୍ରାର୍ଥନା ।

୨ ବାଡେଙ୍କଇଡ଼କେ ଇଶ୍ୱର ସେଙ୍ଗେ ଅଡ଼ାଦ୍ ନାର୍‌ଗେ ବକ୍ତି ମିନ୍ଦେ, ଇଡ଼କେ ଆଦ୍ ବକ୍ତି ନିଜାତାଦ୍ ବୁଦ୍ ତଡ଼ ଇଲ୍‌ଲେ ।

୩ ନାରୁଡ଼କିଂଙ୍କ ଦାର୍ମାମ୍ ଲେକାମ୍ ଗ୍ରହନ୍ ମାଡ଼ାନ୍ ସେଙ୍ଗେ ଇଶ୍ୱର ତିୟାର୍ ମାଡ଼ତେ ଉପାୟ ପୟକଟ୍ ଅଡ଼ ଦାର୍ମାମ୍ ଆଦାନ୍ ସେଙ୍ଗେ ନିଜେଡ଼ ଆରଦାଲା ଆଦୁଡ଼ତ । ଆଦିଙ୍କ ଅଡ଼ ଇଶ୍ୱରତେ ଆଦ୍ ଆରଦିଙ୍କ ଝିଡ଼ସ୍‌ତଡ଼ ।

୪ କ୍ରିଷ୍ଟ କେ ନିୟମ୍ରେ ମାଡ଼େଇଁ ମିଳେଣୁ, ଅଂକିଙ୍କ ବିଶ୍ୱାସ ମାଡ଼କେ ନାରୁଡ଼୍, ଇଶ୍ୱରତେ କଣ୍ଠେତାଗ୍ ଦାର୍ମାମ୍ ଆଦତଡ଼୍ ।

ସାର୍ବେତଡ଼୍ ସେଙ୍ଗେ ମୁକ୍ତି

୫ ନିୟମ୍ ପାଲନ୍ ମାଡ଼ାନ୍ ବିଷୟତେ ମୋଶାଲ୍ ଲେକ୍ତଣ୍ଡ୍, “ବେନଡ଼୍, ଇଶ୍ୱରତେ ଗର୍ ପାଲନ୍ ମାଡ଼ିତଡ଼୍, ଅଡ଼୍, ଗେଲ୍‌ସିତଡ଼୍ ।”

୬ ଇଡ଼କେ ବିଶ୍ୱାସ୍ ତଡ଼୍, ଦାର୍ମାମ୍ ଆଦାନ୍ ବିଷୟ ଶାସ୍ତ୍ରତାଗ୍ ଲେକାମିଲେ, “ବେନ ସ୍ୱର୍ଗତାଗ୍ ଆଦତନ୍ ? କ୍ରିଷ୍ଟଙ୍କ ଡିପି ତାତାନଙ୍କ୍, ମିଡ଼ ଇଦ୍ ପାତ୍ରା ମାଡ଼ାନାଦ୍ ଦରକାର୍ ଇଲ୍ଲେ ।

୭ ମେଣ୍ଡେ ବେନ ପାତାଲ୍‌ତାଗ୍ ଆଦତନ୍ ? କ୍ରିଷ୍ଟଙ୍କ ମେଣ୍ଡନ୍‌ଦାମ୍ ଜିଝେ ମାଡ଼ି ତାତାନଙ୍କ୍, ଇଦ୍ ଗର୍ ଗାଲା ମିଡ଼୍, ପାତ୍ରା ମାଡ଼ାନାଦ୍ ଦରକାର୍ ଇଲ୍ଲେ ।”

୮ ବାଡେଇଁଇଡ଼କେ ଶାସ୍ତ୍ର ଇସାବ୍‌ତେ, “ଇଶ୍ୱରତାଦ୍ କାରୁର୍ ମିଇ ବକେଡ଼୍, ମିଇ ପାୟୁର୍ ନୁ ହୁଦୟ୍‌ତାଗ୍ ମିଲେ ।” ବିଶ୍ୱାସ୍ ବିଷୟତେ ଇଦ୍ ଗର୍ ଇଁ ମାମମେ ପ୍ରଚାର୍ ମାଡ଼ୁମ୍ ।

୯ ଯଦି ଜିସୁଙ୍କ୍ ପ୍ରବୁ ଇଞ୍ଜି ପାୟୁର୍‌ତାଗ୍ କେତିଡିଡ଼୍, ନୁ ଇଶ୍ୱର୍ ଅଂକିଙ୍କ୍ ଡଲ୍‌ତାଗାଙ୍କ୍ ତେଏତଣ୍ଡ୍ ଇଞ୍ଜି ଜିଝୁଣ୍ଡ୍‌ତାଗ୍ ବିଶ୍ୱାସ୍ ମାଡ଼ିଡିଡ଼୍, ଆଲାଈଡ଼କେ ମିଡ଼୍, ମୁକ୍ତି ପାଏମ୍ ଆଦତିଡ଼୍ ।

୧୦ ହୁଦୟ୍‌ତାଗ୍ ବିଶ୍ୱାସ୍ ମାଡ଼ାନ୍ ତଡ଼୍, ମାନାଡ଼୍ ଇଶ୍ୱରତେ କଣ୍ଠେତାଗ୍ ଦାର୍ମାମ୍ ଇଞ୍ଜି ଗଣା ଆଦତାଡ଼୍, ନୁ ପାୟୁର୍‌ତାଗ୍ କେଡ଼କେ ମାନାଡ଼୍, ମୁକ୍ତି ପାଏମ୍ ଆଡ଼ତାଡ଼୍ ।

୧୧ ଶାସ୍ତ୍ର ଲେକାମ୍, “ଅଂକିଙ୍କ୍ ବିଶ୍ୱାସ୍ ମାଡ଼ି ବେନ ସିଗ୍ ଆୟୁୟଡ଼୍ ।”

୧୨ ବାଡ଼ବା ବେଦବାଦ୍ ଇଲ୍ଲଖେକଟ୍, ଇଦ୍ ଗର୍ ଇହୁଦୀ, ଅଣଇହୁଦୀ ସାର୍ବେତଡ଼୍ ସେଙ୍ଗେ ଦରକାର୍ । ଇଶ୍ୱର୍ ସାର୍ବେତଡ଼ାଦ୍ ପ୍ରବୁ । ବେନଡ଼୍ ଅନାଗ୍ ସାହାୟ୍ୟ ପ୍ରାର୍ଥନା ମାଡ଼ିତଡ଼୍, ଅଡ଼୍‌କିଙ୍କ୍ ଅଣ୍ ନାରଗେ ଆଗ୍ ବାଦ୍ ମାଡ଼ିତଣ୍ଡ୍ ।

୧୩ “ବେନଆଇ ପ୍ରବୁନ୍ ପେଦେରତେ ପ୍ରାର୍ଥନା ମାଡ଼ିତନ୍, ଅଣ୍ ମୁକ୍ତି ପାଏମ୍ ଆଦତନ୍ ।”

୧୪ ଇଡ଼କେ ବେନଙ୍କ୍ ବିଶ୍ୱାସ୍ ମାଡ଼କର୍ ଅଡ଼୍, ବେଲା ଅଂକିଙ୍କ୍ ପ୍ରାର୍ଥନା ମାଡ଼ିତଡ଼୍ ? ମେଣ୍ଡେ ଅନ୍ ବିଷୟତେ ସୁସମାଚାର୍ କେଞ୍ଜକଟ୍ ଅଡ଼୍,

ବେଲା ବିଶ୍ୱାସ୍ ମାଡ଼ିତଡ଼ ? ମେଣ୍ଡେ ପ୍ରଚାର ମାଡ଼ାନଡ଼, ବିନା ଆଦ୍ କାରୁର ଅଡ଼, ବେଲା କେଞ୍ଜିତଡ଼ ?

୧୫ ମେଣ୍ଡେ ପ୍ରଚାର ମାଡ଼ାନ୍ ସେଙ୍ଗେ ଝେରଣ୍ଡ୍ ପ୍ରେରିଡ଼୍ ଆୟ୍‌ଝେ ମାଡ଼କେ ଝେରଣ୍ଡ୍ ବେଲା ପ୍ରଚାର ମାଡ଼ିତନ୍ ? ଇଡ଼୍ ବିଷୟତେ ଶାସ୍ତ୍ରତାଗ୍ ଲେକାମିନ୍ଦେ, “ଲେକେଡ଼୍ କାରୁର ପ୍ରଚାର ମାଡ଼ାନଡ଼, ଝାଦାନାଡ଼ ବେସର ଝେଡ଼କେ ଆଦତେ !”

୧୬ ଇଡ଼କେ ସାର୍ରେତଡ଼୍ ଆଦ୍ ସୁସମାଚାର ଗ୍ରହନ୍ ମାଡ଼ଡ଼ । ଆଦିନ୍ ସେଙ୍ଗେ ଯିଶାଉୟ ଲେକ୍‌ତଣ୍ଡ୍, “ପ୍ରୁ, ମାନ୍ କାରୁର କେଞ୍ଜି ବେନ ବିଶ୍ୱାସ୍ ମାଡ଼ତଣ୍ଡ୍ ?”

୧୭ ସୁସମାଚାର କେଞ୍ଜିକେ ବିଶ୍ୱାସ୍ ତିୟାର୍ ଆଦତେ ନୁ କ୍ରିଷ୍ଟଙ୍କ ପ୍ରଚାର ମାଡ଼ାନାଦେ ଆଡୁଡ଼ତେ ଆଦ୍ ସୁସମାଚାର ।

୧୮ ଇଡ଼କେ ନାନ୍ ପାରା ମାଡ଼ିତାନ୍, ଅଡ଼୍ ବାଆତେ ଆଦ୍ କାରୁର କେଞ୍ଜିଡ଼୍ ? ନିଜାମ୍ କେଞ୍ଜିତଡ଼୍, ବାତେଙ୍କିଡ଼କେ ଶାସ୍ତ୍ରତାଗ୍ ଲେକାମିନ୍ଦେ, “ଅଡ଼ାଡ଼ ଲେଙ୍ଗ୍ ସାରେ ଜଗତତାଗ୍ ଏକାମ୍ ଆଡ଼ତେ, ଅଡ଼ାଡ଼ ଗର୍ ପୃତିବିତେ ସାର୍ରେଏକାମ୍ କେଞ୍ଜିତଡ଼୍ ।”

୧୯ ମେଣ୍ଡୁଅନ୍‌ଦାମ୍ ନାନ୍ ପାରା ମାଡ଼ିତାନ୍, ଇଶ୍ରାଏଲୀୟ ନାରୁଡ଼୍, ବାଆତେ ଆଦ୍ ବୁଜେମ୍ ଆୟ୍‌ୟଡ଼୍ ? ନିଜାମ୍ ବୁଜେମ୍ ଆଡ଼ତଡ଼୍, ନାରୁଗେ ଦିନାମ୍ ମୁନେଙ୍କ୍ ମୋଶାନ୍ ଝେଲେ ଇଶ୍ୱର କେଡ଼ତଣ୍ଡ୍, “ମାନ୍ ନାରୁଡ଼୍‌କିଙ୍କ୍ ଇଷା ମାଡ଼ାନ୍ ସେଙ୍ଗେ ଅଣ୍ଡ୍‌ୟ ପୁନ୍‌ଝାଡ଼ ଗୋଷ୍ଠୀତିଙ୍କ୍ ବ୍ୟବହାର ମାଡ଼ିତାନ୍ । ଆଦେରକମ୍ ଅଣ୍ଡ୍‌ୟ ମୁର୍କ୍ ଗୋଷ୍ଠୀତଡ଼୍, ନା ନାରୁଡ଼୍‌କିଙ୍କ୍ କପାମ୍ ମାଡ଼ିତାନ୍ ।”

୨୦ ଯିଶାଉୟ ମେଣ୍ଡେ ଗାଡ଼ସ୍ ଆସ୍ କେଡ଼ତଣ୍ଡ୍, “ମାନାଙ୍କ୍ ମେକ୍‌ଝେମାଡ଼ତେ ନାରୁଡ଼୍, ମାନାଡ଼ କାରୁର ପାଏମ୍ ଆଡ଼ତଡ଼୍; ବେନଡ଼୍, ମାକିଙ୍କ୍ ଆନୁସନ୍ଦାନ୍ ମାଡ଼୍‌ଝେମାଡ଼ତଡ଼୍, ଅଡ଼୍ ବକେଡ଼୍ ମାନାଡ଼୍‌ତଅନ୍‌ଦତାଡ଼୍ ।”

୨୧ ଇଡ଼କେ ଇଶ୍ୱର ଇଶ୍ରାଏଲୀୟ ନାରୁଡ଼୍, ବିଷୟତେ କେଡ଼ତଣ୍ଡ୍, “ଝେରଡ଼୍ ବିଶ୍ୱାସ୍ ଇଲ୍‌ଝେ ଗଲ୍‌କ୍ ଗୋଷ୍ଠୀତିଙ୍କ୍ ମାନାଡ଼୍, ସାର୍ରେଦାମ୍ କାୟ୍‌ଆସ୍ କାର୍‌ଜାନାଡ଼ ମାଡ଼ୁଡ଼ାଡ଼୍ ।”

ଇଗ୍ରୀଏଲୀୟତ୍‌କିଙ୍କ ଇଶ୍ବର ଦୟା ମାଡ଼ତଣ୍ଡ

୧ ☆ ନାନ ମେଣ୍ଡେ ପାତ୍ରା ମାଡ଼ିତାନ, “ଆଲେକେ ବାଡ଼ ଇଶ୍ବର ତାନ ନିଜେଡ଼ ନାରୁଡ଼କିଙ୍କ ପାସ୍‌କି ମିନ୍ଦେଣ୍ଡେ ? ବେସୁର୍‌ବା ଆୟ୍‌ୟ । ନାନ ନିଜେ ଝେରଣ୍ଡ ଇଗ୍ରୀଏଲୀୟ, ଅବ୍ରାହାମ୍‌ତେ ବଂଶତନ୍ ନୁ ବେଞ୍ଜାମିନ୍ ଗୋଷ୍ଠୀତନ୍ ।”

୨ ଇଶ୍ବର ମୁନେଡ଼କନ୍ତ୍ ଏଞ୍ଜିମାୟାନ୍ ତାନ ନାରୁଡ଼କିଙ୍କ ବେସୁର୍‌ବା ପାସ୍‌କଣ୍ଡ । ମିଡ଼ ଶାସ୍ତ୍ରତାଗ୍ କାର୍‌ୟ୍‌ଡ଼ିଡ଼, ବେଲା ଏଲୀୟ ଇଶ୍ବରତେ ଗାର୍‌ରେ ଇଗ୍ରୀଏଲୀୟ ନାରୁଡ଼, ବିରୁଦ୍‌ତେ ଅବିଯୋଗ୍ ମାଡ଼ି କେସ୍‌ମାଡ଼ତଣ୍ଡ,

୩ “ପ୍ରବୁ, ଅଡ଼ ନି ବାବବାଦି ନାରୁଡ଼କିଙ୍କ ଆସ୍ତ୍ରକ୍‌ତଡ଼, ନୁ ନି ଯଜ୍ଞବେଦିକିଙ୍କ ଉଃହୁସ୍ ଦଂସ ମାଡ଼ତଡ଼ । ନାନ ଝେରନେ ଜିଝୁଣ୍ଡ ରକ୍ଷା ପାଏମ୍‌ଆଡ଼ତାନ; ନାକିଙ୍କ ଗାଲା ଆସ୍ତ୍ରକାନଙ୍କ ଅଡ଼ ଆଲ୍‌ସୁତଡ଼ ।”

୪ ଏଲୀୟଙ୍କ ଇଶ୍ବର ବାଡ଼ ଉତ୍ତର ଇସ୍‌ମାଡ଼ତଣ୍ଡ ? “ବୁସା ଦେୟାମ୍ ବାଲ୍ଲ ପୁଡ଼ଲାମ୍‌ଡ଼ିଙ୍କ ବେନଡ଼, ପୁଜେ ମାଡ଼ତଡ଼, ଅଡ଼ ସାଡ଼ ହଜାର ନାରୁଡ଼କିଙ୍କ ମାନ ସେଙ୍ଗେ ନେଏଃସ୍‌ମିନ୍ଦେନ୍ ।”

୫ ଇଞ୍ଜେ ଟିକ୍ ଆଦେରକମ୍ ଗଟେମ୍‌ଆଡ଼ତେ । ଇଶ୍ବର ଅନୁଗ୍ରହ୍ ମାଡ଼ି ବେନଡ଼କିଙ୍କ ଏଞ୍ଜିମାଡ଼ତଣ୍ଡ, ଅଡ଼ ଲୋପେଙ୍କ ସୁକୁକ୍ ନାରୁଡ଼, ମାୟ୍‌ସ୍ ମିନ୍ଦେଡ଼ ।

୬ ଇଶ୍ବର ଅଡ଼କିଙ୍କ ନିଜେଡ଼ ଅନୁଗ୍ରହ୍ ସେଙ୍ଗେ ଏଞ୍ଜିତଣ୍ଡ । ଯଦି ଅଡ଼ାଦ୍ ନିଜାତେ ପାଡ଼୍‌ୟି ମାୟ୍‌ଦିଙ୍କ ଇଶ୍ବର ଅଡ଼କିଙ୍କ ଏଞ୍ଜିମାନେଣ୍ଡ, ଅନାଦ୍ ଅନୁଗ୍ରହ୍ ନିଜାତେ ଅନୁଗ୍ରହ୍ ଆୟ୍‌ଆୟ୍‌ୟେଡ଼ ।

୭ ଆଲେକେ ବାଡ଼ ଆଡ଼ତେ ? ଇଗ୍ରୀଏଲୀୟଡ଼, ବାଡ଼ ମେଏଃକମାଡ଼ତଡ଼, ଆଦ୍ ପାଏମ୍ ଆୟ୍‌ୟେଡ଼ । ଇଶ୍ବର ଏଞ୍ଜିମାୟାନ୍ ଅଣ୍ଡୟ୍ ସୁବୁର୍ ଗୋଷ୍ଠୀ ଆଦ୍ ଦରକ୍‌ତେ । ମେଣ୍ଡେ ବାଗାତଡ଼, ଇଶ୍ବରତେ ଆଞ୍ଜାନତିଙ୍କ ମାନ ଇଞ୍ଜଡ଼ ।

୮ ଶାସ୍ତ୍ର ବାକ୍ୟ ଲେକାମ୍, “ନିଜାମ୍ ବେଦ୍‌ପୁରୁଙ୍କ ଇଶ୍ବର ଅଡ଼ାଦ୍ ମନ୍ ନୁ ଜିଝୁଣ୍ଡିଙ୍କ ବେକାର୍ ମାଡ଼ିମିନ୍ଦେଣ୍ଡ । ଇଞ୍ଜେକ୍‌ଆନା ଅଡ଼ ବାଡ଼ ନା ଉଡ଼ାନଙ୍କ ପାର୍‌ଦୁତଡ଼, ନା କେଞ୍ଜାନଙ୍କ ପାର୍‌ଦୁତଡ଼ ।”

୯ ଅତଃ ବିଷୟରେ ଦାଉଦ୍ ଲେଖିଛନ୍ତି, “ଅତଃ ପାଣ୍ଡୁ ମାଡ଼ାନ୍ ଖେଳେ ଉଡ଼ିଯିବାକୁ ରାହିତ୍ । ମଦଲ୍ ରାଲି ଦଣ୍ଡ ପାଏନ୍ ଆହିତ୍ ।

୧୦ ଅତାସ୍ତୁ କଣ୍ଡା କାନାଲ୍ ଆସ୍ ଉଡ଼ାନଙ୍କ୍ ପାରମାକିତ୍ । ସାର୍ବେଦାମ୍ ଦୁଃକାମ୍ ଆସ୍ ଅତାସ୍ତୁ ଚିକିତ୍ ମୁର୍ଗୁ ଆହି ।”

୧୧ ନାନ୍ ପାତ୍ରା ମାଡ଼ିତାନ୍, ଇହୁଦୀତ୍ ମଦଲ୍ ଆଡ଼କ୍ତାଙ୍କ୍ ବାଡ଼ ଦଂସ୍ ଆଡ଼ତତ୍ ? ବେସୁର୍ ଆୟ୍ୟ । ଅତଃ ପାପାମ୍ ମାଡ଼ତାଙ୍କ୍, ଅଡ଼କିଙ୍କ୍ ଇର୍ଷା ମାଡ଼ାନ୍ ସେଙ୍ଗେ ଅଣଇହୁଦୀତ୍ ମୁକ୍ତିତେ ଅଦିକାରି ମାଡ଼ତତ୍ ।

୧୨ ଇହୁଦୀତାଦ୍ ପାପାମ୍, ଜଗତ୍ତାଗ୍ ବାଗାଡ଼ ସାର୍ବେତତ୍ ସେଙ୍ଗେ ନାର୍ଗେ ଆର୍ଗି ବାଦ୍ ତାଡ଼ତେ । ଇହୁଦୀତାଦ୍ ଆଦ୍ୟାମିକ୍ ସୁଦୁର୍ ସେଙ୍ଗେ ଅଣଇହୁଦୀତ୍ ଆର୍ଗି ବାଦ୍ତାଦ୍ ସମ୍ପତି ପାଏମ୍ ଆଡ଼ତତ୍ । ଯଦି ସାର୍ରେ ଇହୁଦୀ ଗୋଷ୍ଠୀ ରକ୍ଷା ପାଏମ୍ ଆୟେଡ଼, ଆଲେକେ ତାନ୍ତତ୍ ମେଣ୍ଟେ ବେସର୍ ନାର୍ଗେ ଆର୍ଗି ବାଦ୍ ଦରକ ଆୟେଡ଼ ?

ଅଣଇହୁଦୀତାଦ୍ ମୁକ୍ତି

୧୩ ଅଣଇହୁଦୀ ନାରୁଡ଼କିଙ୍କ୍ ନାନ୍ କେତୁତାନ୍, ମିଇ ସେଙ୍ଗେ ପ୍ରେରିତ ଶିଷ୍ୟ ଇନା ପାଡ଼ିୟି ମାଡ଼ାନଙ୍କ୍ ନାନ୍ ଗର୍ବ ଏକା ମାଡ଼ତୁାନ୍ ।

୧୪ ଇଦିନ୍ ସେଙ୍ଗେ ନାନ୍ ନା ନିଜେଡ଼ ଗୋଷ୍ଠୀତ୍ ନାରୁଡ଼କିଙ୍କ୍ ଇର୍ଷା ମାଡ଼େପାର୍ଦ୍ଦତାନ୍, ଆଡ଼କେ ଅତଃ ଲୋପେଙ୍କ୍ ବେସକ୍ତୁଡ଼କିଙ୍କ୍ ରକ୍ଷା ମାଡ଼େପାର୍ଦ୍ଦତାନ୍ ।

୧୫ ବାଡେଙ୍କ୍ ଇଡ଼କେ ଅଡ଼କ୍ ପାସକ୍ତାଙ୍କ୍ ଇଶ୍ବର ତଡ଼ ସାର୍ରେ ନାରୁଡ଼ ଗୋଷ୍ଠୀତ୍ ସାଙ୍ଗ ଆଡ଼ତତ୍ । ଆଲେକେ, ଯଦି ଇଶ୍ବର ସାର୍ରେ ଇହୁଦୀ ଗୋଷ୍ଠୀତିଙ୍କ୍ ଗ୍ରହନ୍ ମାଡ଼ିତନ୍, ଆଲେକେ ବାଡ଼ ଆଡ଼ତେ ? ଆଦ୍ ଆଡ଼ତେ ଡଲ୍ଡେନଣ୍ଡ ଜିଝେ ଆଡ଼ତେ ଲେକାମ୍ ।

୧୬ ଯଦି ରୁଟିନାଗାଙ୍କ୍ ସୁକୁକ୍ ଇଶ୍ବରତେ ମାୟଦିଙ୍କ୍ ସର୍ପା ଆସ୍ମାଡ଼ତେ, ସାର୍ରେ ରୁଟି ସର୍ପା ଆଡ଼ତେ ପୁରୁଙ୍କ୍ ଆଲ୍ ସେ ଖେୟଡ଼ିତ୍ । ଖେୟଡ଼ ମାଡ଼େଡ଼ ମାଡ଼େ ସର୍ପା ଆସ୍ମାଡ଼କେ, ଆଦିନ୍ କମ୍ମା ଗାଲା ସର୍ପା ଆଡ଼ତେ ଇଞ୍ଜ ଆଲ୍ ସାନଙ୍କ୍ ଆଡ଼ତେ ।

୧୭ ଗୁଡ଼େତାଗ୍ ଉର୍ସ୍ସି ମାନ୍ଦାନ ଝେରଡ଼, ଜୀତ ମାଡେଡ଼
ବେସକ୍ କମ୍ମା ନାଡ଼କି, ଗୁପେତାଦ୍ ଜୀତ ମାଡେଡ଼ କମ୍ମା ଆଦ୍
ପଡ଼୍ମେତାଗ୍ କଲମ୍ ମାଡ଼ତଡ଼ । ଅଣଇହୁଦୀଡ଼ ଆଦ୍ ଗୁପେତାଦ୍
ଜୀତ ମାଡେ ଲେକାମ୍ । ମିଡ଼ ଇଞ୍ଜେ ଇହୁଦୀଡ଼ ଶାଡ଼ଝାମ୍ ଆଦ୍ୟାମିକ୍
ଜିହ୍ମୁତାଦ୍ ବାଗିଦାର୍ ଆଡ଼ତିଡ଼ ।

୧୮ ଆଦିଙ୍କ ମିଡ଼ ନାଡ଼କ୍ତେ କମାଙ୍କ ପାସକ୍ମାଟ୍ । ମିଡ଼ ବାତେଙ୍କ
ଗର୍ବ ମାଡ଼ତିଡ଼ ? ମିଡ଼ ତ ଆସାମ୍ କମ୍ମା, ମାଡେଡ଼ ମାଡେତିଙ୍କ ମିଡ଼
ପଡ଼୍ପୁଡ଼ିଡ଼, ଇଡ଼କେ ମାଡେ ମିକିଂଙ୍କ ପଡ଼୍ପୁଡ଼ ।

୧୯ ଅଦିନ୍ ସେଙ୍ଗେ ମିଡ଼ କେତେ ପାଡ଼ଦ୍ତିଡ଼, “ଆଁ, ଇଡ଼କେ ନାକିଂଙ୍କ
ପଡ଼୍ମେ ଇଦାନ୍ ସେଙ୍ଗେ ସିନା ଆହୁ କମାକିଙ୍କ ନାଡ଼କି ମାଡ଼ତଡ଼ ।”

୨୦ ଆଦ୍ ନିଜାମ୍ । ଅଡ଼ ଅବିଶ୍ୱାସୀ ଆଇନାଙ୍କ ଝେରେ ଆଡ଼ତଡ଼ ।
ମିଡ଼ ଆସାମ୍ ବିଶ୍ୱାସ୍ ମାୟଦିଙ୍କ ଆଦ୍ ପଡ଼୍ମେତାଦ୍ ଅଦିକାରି ଆଡ଼ତିଡ଼
। ଇଡ଼କେ ଗର୍ବ ମାଡ଼କଟ୍ ଝେର୍ମୁଟ୍ ।

୨୧ ଯଦି ମାଡେଡ଼ ତଡ଼ ପୁର୍ତେ କମ୍ମା ଲେକାମ୍ ଇହୁଦୀଡ଼କିଙ୍କ
ଇଶ୍ୱର୍ ଦଣ୍ଡ ଇଞ୍ଜକଟ୍ ଝିଡ଼ସଣ୍ଡ, ମିକିଂଙ୍କ ବାଡ଼ ଅଣ୍ଡ ଝିଡ଼ସିଡ଼ଣ୍ଡ ?

୨୨ ଇଗେ ଉଡ଼ାନଙ୍କ ଆଦ୍ତେ, ଇଶ୍ୱର୍ ବେସର୍ ଦୟାବାନ୍ ନୁ ଗାଡ଼ସ୍
ମିକା । ବେନଡ଼, ତେକା ନାଡ଼କ୍ତଡ଼, ଅଡ଼ ସେଙ୍ଗେ ଅଣ୍ଡ ଗାଡ଼ସ୍;
ଇଡ଼କେ ମିଇ ସେଙ୍ଗେ ଅଣ୍ଡ ଦୟାବାନ୍, ବେସୁର୍ ଅନ୍ପାକେ ମିଡ଼
ଅନ୍ଝାଦ୍ ଦୟା ଆସ୍ ମାନ୍ତିଡ଼ । ଅନ୍ଝାଦ୍ ଦୟା ଆରେମ୍ ଆଡ଼କେ,
ମିଡ଼ ଗାଲା ଝେରେ ଆଡ଼ତିଡ଼ ।

୨୩ ଯଦି ଇହୁଦୀଡ଼ ଅଡ଼ାଦ୍ ଅବିଶ୍ୱାସୀ ଜେକେ ମାଡ଼ିତଡ଼, ଆଲେକେ
ଅଡ଼ ନିଜେଡ଼ ପଡ଼୍ମେତାଗ୍ ମେଣ୍ଡୁଅନ୍ଦାମ୍ ମାନ୍ତିଡ଼ । ଇଦ୍
ମାଡ଼ାନଙ୍କ ଇଶ୍ୱର୍ ରାଜି ।

୨୪ ଅଣଇହୁଦୀଡ଼ ଗୁପେତାଦ୍ ଜୀତ* ମାଡେଡ଼ କମା ଲେକାମ୍ ।
ଆଞ୍ଜିଙ୍କ ନାଡ଼କି ଗୁଡ଼େତାଗ୍ ସାୟେ ମାନ୍ଦାନ ଜୀତ ମାଡେ ତଡ଼ ଜଡ଼ା
ମାଡ଼ତଡ଼ । ଇହୁଦୀ ବଂଶ ଗୁଡ଼େତାଗ୍ ମାନ୍ଦାନ ଜୀତ ମାଡେ ରକମ୍ ।
ଇଦ୍ ମାଡେଡ଼ ନାଡ଼କ୍ତେ କମାକିଙ୍କ ମେଣ୍ଡୁଅନ୍ଦାମ୍ ମାଡେ ତଡ଼ ଜଡ଼ା
ମାଡ଼ାନାଦ୍ ଇଶ୍ୱର୍ତିଙ୍କ ସହଜ୍ ।

ସାରେତଡ଼ ସେଙ୍ଗେ ଇଶ୍ୱର୍ତାଦ୍ ଦୟା

* ୧୧:୨୪ ଇସଡ଼ ମାଡ଼ାକ୍ ଇସ୍ରାଏଲ୍ ଦେଶ୍ତାଗ୍ ତଅନ୍ଦିତା

୨୫ ଦାଦାଲଡ଼ି ନୁ ଏଲାସ୍, ଇଦ୍ ବିଷୟରେ ଅଣ୍ଟାୟ ମିଞ୍ଜିତାଦ୍ ନିଜାମ୍ କେତୁତାନ୍ । ଆଦ୍ କେଞ୍ଜକେ, ମିଡ୍ ମେଣ୍ଟେ ନିଜେ ଜାନି ଇଞ୍ଜ ଆଲ୍ ସଞ୍ଜିଡ୍ । ଇଗ୍ରାଏଲୀୟଡ୍ ମୁର୍କ୍ ସାର୍ବେଦିନା ମାନ । ଅଣଇହୁଦୀଡ୍ ସାର୍ରେ ଇଶ୍ବରତେ ବକେଡ୍ ଖାଦାନ୍ ଯାକ ଅଡ୍ ଆଲେକେ ମାନିତଡ୍ ।

୨୬ ତାନ୍ପେକେ ଇଗ୍ରାଏଲୀୟଡ୍ ସାର୍ରେ ଇଦ୍ ଶାସ୍ତ୍ର ଲେକାମ୍ ରକ୍ଷା ଦରକିଡ୍, “ମୁକ୍ତିଦାତାଲ୍ ସିୟନକନ୍ତୁ ଖାଦତଣ୍ଡ; ଜାକୁବନ୍ ବଂଶତତ୍ତ୍ବ ସାର୍ରେତତ୍ତ୍ବକିଙ୍କ୍ ରକ୍ଷା ମାଡ଼ିତନ୍ ।

୨୭ ଅଡାଦ୍ ପାପ୍ ଜେକେ ମାଡାନ୍‌ଝେଲେ ଅଡ୍ ତଡ୍ ଇଦ୍ ତୁକ୍ତି ମାଡ଼ିତମ୍ ।”

୨୮ ମିୟାଦ୍ ଲେକେଡ୍ ସେଙ୍ଗେ ଇହୁଦୀଡ୍ ସୁସମାଚାରତିଙ୍କ୍ ପାସକି ଇଶ୍ବରତେ ଶତ୍ରୁ ଆଡତଡ୍ । ଇଡକେ ଇଶ୍ବର ତଡ୍ ଏଞ୍ଜିମାୟାନ୍ ସେଙ୍ଗେ ନୁ ତାମ୍ ଆନିଦାଦିଡ୍ ସେଙ୍ଗେ ଅଡ୍ ଇଶ୍ବରତେ ପ୍ରିୟ ଆସ୍ମିନେଡ୍ ।

୨୯ ଇଶ୍ବର ବେନଡକିଙ୍କ୍ ଏଞ୍ଜି ଆଶ୍ ବାଦ୍ ମାଡ଼ିତନ୍, ଅଡ୍ ସେଙ୍ଗେ ତାନ୍ ଦାନ ଇଦାନାଗ୍ ଅଣ୍ଟ ଗାଡ୍ସ୍ ମାନିତଣ୍ ।

୩୦ ଆଦିଙ୍କ୍ ଅଣଇହୁଦୀଡ୍ ମୁନେନ୍ ମୁର୍କ୍ ମାଡତଡ୍; ଇଡକେ ଇଞ୍ଜେ ଇହୁଦୀଡ୍ ମୁର୍କ୍ ସେଙ୍ଗେ ଅଣଇହୁଦୀଡ୍ ଇଶ୍ବରତେ ଅନୁଗ୍ରହ୍ ପାଏମ୍ ଆଡତଡ୍ ।

୩୧ ଆଦିଙ୍କ୍ ଅଣଇହୁଦୀଡ୍ ମିକା ଅନୁଗ୍ରହ୍ ପାଏମ୍ ଆଡତଡ୍, ଇହୁଦିଡ୍ ଇଞ୍ଜେ ଜେକେ ଆଞ୍ଜିମାଡକେ ଗାଲା, ଅନ୍ଦିନେ ଅଡ୍ ମାଲ୍ ସ୍ ଖାସ୍ ଅନୁଗ୍ରହ୍ ଦରକିଡ୍ ।

୩୨ ଇଶ୍ବର ସାର୍ବେତତ୍ତ୍ବକିଙ୍କ୍ ଅବିଶ୍ବାସ୍ ଆଦାନଙ୍କ୍ ଝିଡ୍ ସିଡତଣ୍ଡ; ଆଦିଙ୍କ୍ ସାର୍ବେତତ୍ତ୍ବ ଇଶ୍ବରତେ ଦୟାତଡ୍ ଆଦେପାର୍ଦତଡ୍ ।

ଇଶ୍ବରତେ ମହିମା

୩୩ ଇଶ୍ବର ବେସର୍ ବେଡ୍‌ୟଣ୍ । ଅନ୍‌ଝାଦ୍ ଜାନ ନୁ ବୁଦ୍ ବେସର୍ ନାରଗେ । ଅନ୍‌ଝାଦ୍ ନିସ୍ତତିତାଦ୍ ଅର୍ତ୍ତ ବେନ ବୁଜାମାଡିତଣ୍ ? ବେନ ଅନ୍‌ଝାଦ୍ ଉତାନାଦ୍ ପୁନ୍ଦାନଙ୍କ୍ ପାର୍ଦତଣ୍ ?

୩୪ ଶାସ୍ତ୍ର ଲେକାମ୍, “ବେନ ଇଶ୍ବରତେ ମନ୍ତେ ଆଲ୍‌ସାନାଦ୍ ପୁନ୍ଦେପାର୍ଦତଣ୍ ? ବେନ ବା ଅଂକିଙ୍କ୍ ପରାମର୍ଶ୍ ଇଦାନଙ୍କ୍ ପାର୍ଦତଣ୍ ?

୩୫ ବେନ ବାଡ଼ ଇଶ୍ଵରତିଙ୍କ ଇଦ୍ ରକମ୍ ବାଡ଼ ଇଡ଼ତନ୍, ବେଦିନାଦ୍ ମେଣ୍ଡୁଅନ୍ଦାମ୍ ଇଶ୍ଵରତିଙ୍କ ଦାନ ଇଦାନଙ୍କୁ ଝେୟତେ ?”

୩୬ ☆ସାରରେ ବିଷୟ ଇଶ୍ଵର ତିୟାର ମାଡ଼ତଣ୍ଡ; ସାରରେ ବିଷୟ ଅନ୍ ସେଙ୍ଗେ ନୁ ଅନ୍ ଗୌରବ୍ ସେଙ୍ଗେ ଆସ୍ ମିନ୍ଦେ । ଯୁଗ୍‌ୟୁଗ୍ ଇଶ୍ଵର ମହିମା ଆୟିଣ୍ଡ । ଆମେନ୍ ।

୧୨

ଇଶ୍ଵରତେ ସେବାତାଗ୍ ଜିଝୁଣ୍ଡ

୧ ଆଦିଙ୍କ ଦାଦାଲୁତି ନୁ ଏଲାୟ୍, ମାନ୍ ସେଙ୍ଗେ ଇଶ୍ଵରତେ ଗାଟି ଅନୁଗ୍ରହ୍ ମାୟଦିଙ୍କୁ ମିକିଂଙ୍କୁ ନାନ୍ ଅନୁରଦ୍ ମାଡ଼ତୁନ୍, ଇଶ୍ଵରତାଗ୍ ନିଜେତିଙ୍କୁ ପବିତ୍ର ଜିଝୁଣ୍ଡ ପୁଜ୍ ଇମୁଟ୍ । ଅନ୍ ସେବା ମାଡ଼ି ମିଡ଼୍‌ଅନାଗ୍ ଶାନ୍ତି ଆୟ୍‌ମୁଟ୍ । ଇଦ୍ ଇଶ୍ଵରତାଗ୍ ନିଜାତାଦ୍ ଉପାସନା ।

୨ ଇଦ୍ ଜଗତ୍‌ତାଦ୍ ନିତିନିୟମ୍ ଇସାପ୍‌ତେ ବ୍ୟବହାର୍ ମାଡ଼ମାର୍ । ଇଶ୍ଵର ମିୟାଦ୍ ମନବାବନାତିଙ୍କୁ ପୁରାପୁରି ବଦଲା ମାଡ଼ିଣ୍ଡ ନୁ ମିୟାଦ୍ ଜିଝୁଣ୍ଡ ସାରେ ଲେକେଡ୍ ଆୟି । ଆଲାଇଡ଼କେ, ଇଶ୍ଵରତାଦ୍ ଇଚ୍ଛା ବାଆଡେ, ଅନ୍ କଣ୍ଡେତାଗ୍ ବେନ୍‌ସାରେ ବିଷୟ ନିଜାମ୍, ସାୟେ ନୁ ପୁରା ଟିକ୍, ଇଦ୍ ମିଡ଼୍‌ପୁନ୍‌ନାଙ୍କୁ ପାରଦ୍‌ତିଡ଼୍ ।

୩ ଇଶ୍ଵର ନାକିଂଙ୍କୁ ନାରଗେ ଅନୁଗ୍ରହ୍ ଇଡ଼ତାଙ୍କୁ ମିଡ଼୍‌ସାରେତଡ଼କିଙ୍କୁ ନାନ୍ କେଡୁତାନ୍, ବେନ ନିଜେଡ୍ ଯଗ୍ୟତାତାଗାଙ୍କୁ ନିଜେତିଙ୍କୁ ବେଡ଼ୟେ ଇଞ୍ଜି ଆଲ୍‌ସମାର୍ । ଇଶ୍ଵର ମିକିଂଙ୍କୁ ଇଡ଼ତେ ପରିମାଣ୍‌ତାଗ୍ ନମ୍ର ଆସ୍ ନିଜେଡ୍ ବିଷୟତେ ବିଚାର୍ ମାଡ଼ାର୍ ।

୪ ☆ମାନ୍ ମେନ୍‌ଲୁତାଗ୍ ନାରଗେ ଦୁଡ଼ା ମିନ୍ଦେ ମେଣ୍ଡେ ସାରେତାଞ୍ଜିନ୍ ପାଡ଼ୟି ଅଣ୍ଡୟ ରକମ୍ ଆୟ ।

୫ ଆଦେପୁଟୁଙ୍କୁ ମାନାଡ଼୍‌ପିନା, ଇଡ଼କେ ସାରେତଡ଼୍ କ୍ରିଷ୍ଟନ୍ ତଡ଼୍‌କାଇଲ୍‌ତାଙ୍କୁ, ମାନାଡ଼୍‌ ଅଣ୍ଡୟ ମେନ୍‌ଲୁ ନୁ ମେନ୍‌ଲୁତାଦ୍ ଦୁଡ଼ା ଲେକାମ୍ ମାନାଡ଼୍‌ ଅଣ୍ଡୟ ଗାର୍ ଇନା କାଇଲ୍‌ତାଡ଼୍ ।

୬ ☆ଆଦିଙ୍କୁ ମାନ୍ ସେଙ୍ଗେ ଇଶ୍ଵରତାଦ୍ ଅନୁଗ୍ରହ୍ ଲେକାମ୍ ଅନାଗାଙ୍କୁ ଦରକ୍‌ତେ ବାଡ଼ବାଡ଼ ଶକ୍ତିକିଙ୍କୁ ମାନାଡ଼୍‌ ଟିକ୍ ବ୍ୟବହାର୍ ମାଡ଼ାନଙ୍କୁ

☆ ୧୧:୩୬ ୧ କରନ୍ତିୟ ୮:୭.

☆ ୧୨:୪ ୧ କରନ୍ତିୟ ୧୨:୧୨.

☆ ୧୨:୬ ୧ କରନ୍ତିୟ

୧୨:୪-୧୧.

ଆଦତେ । ମାନାତ୍ ଯଦି ଇଶ୍ବରତାଦ୍ ଗଟ୍ ପ୍ରଚାର୍ ମାଡାନ ସେଙ୍ଗେ ଇଶ୍ବର ଇଡତାଦ୍ ଶକ୍ତି ପାଏମ୍ ଆଡତାଡ୍, ମାନ୍ ବିଶ୍ବାସତାଦ୍ ଗାଡସ୍ ଲେକାମ୍ ଆଦ୍ ପାଡ଼ୟି ମାଡାନଙ୍କ ଆଦତେ ।

୭ ଯଦି ସେବା ପାଡ଼ୟି ମାଡାନ ସେଙ୍ଗେ ଆଦ୍ ଶକ୍ତି ପାଏମ୍ ଆଡତାଡ୍, ମାନାତ୍ ସେବା ମାଡାନଙ୍କ ଆଦତେ; ଶିକ୍ଷା ଇଦାନଙ୍କ ଶକ୍ତି ପାଏମ୍ ଆସ୍ ମାଡକେ, ଶିକ୍ଷା ଇଦାନଙ୍କ ଆଦତେ ।

୮ ଖେରେ ନାରୁଡ଼କିଂଙ୍କ ଖେଡ଼କ୍ ମାଡାନ ସେଙ୍ଗେ ଶକ୍ତି ପାଏମ୍ ଆସ୍ ମାଡକେ, ଆଦ୍ ମାଡାନଙ୍କ ଆଦତେ । ଦାନ ମାଡାନଙ୍କ ଶକ୍ତି ପାଏମ୍ ଆଡତେ ନାରୁଡ଼ ସାୟେ ମନ୍ତେ ଦାନ ମାଡ଼ିଶ୍ । ଖେରେ ନାରୁଡ଼କିନ୍ ପାଡ଼ୟି ଉଡାନଙ୍କ ଅଦିକାର୍ ପାଏମ୍ ଆସ୍ ମାଡକେ ନିଜେ କଷ୍ଟ ପାଡ଼ୟି ମାଡାନଙ୍କ ଆଦତେ । ଦୟା ମାଡାନଶ୍ ନାରୁଡ଼ ସାୟେଡ୍ ମାନ୍ତେ ଦୟା ମାଡ଼ିଶ୍ ।

୯ ପ୍ରେମ ଲୋପେକସ୍ ଆଦାନାଦ୍ ଲେକେଡ୍ । ବାଡ୍ ସାରରେ ସଡ୍ ଆୟ; ଆଞ୍ଜିଙ୍କ ପାସକାଟ୍, ସାର୍ବେତଡ୍ ସଡ୍ ପାଡ଼ୟି ମାଡାଟ୍ ।

୧୦ କ୍ରିଷ୍ଟ ବିଶ୍ବାସୀ ତାମୁଶ୍ ଇନା ନିଜରନିଜର୍ ଲୋପେ ପ୍ରେମ ମାଡାଟ୍ ନୁ ନିଜରନିଜର୍ ଲୋପେ ସମ୍ମାନ ଇଦାନଙ୍କ ଇଚ୍ଛା ମାଡାଟ୍ ।

୧୧ ପ୍ରବୁନ୍ ପାଡ଼ୟିତାର୍ କିଡ଼ଙ୍ଗତା ଆୟମାଟ୍, ଆମ୍ବାତଡ୍ ଖେସ୍ତିଙ୍କ ଆଲ୍ ସାଟ୍ । ବକ୍ତିତଡ୍ ଜିଞ୍ଜୁଶ୍ ତାର୍ ପ୍ରବୁନ୍ ସେବା ମାଡାଟ୍ ।

୧୨ ଗାଡସ୍ ଆଗେ ନେଏସ୍ ଖେଡ଼କ୍ ମାଡାଟ୍ । ଦୁଃକାମ୍ ତିପାଲ୍ ଖେଲେ ଗାଡସ୍ ପୟମୁଟ୍ । ସାର୍ବେଦାମ୍ ପ୍ରାର୍ତନା ମାଡମାନ୍ତୁଟ୍ ।

୧୩ କ୍ରିଷ୍ଟ ବିଶ୍ବାସୀ ନାରୁଡାଦ୍ ଅବାବ୍ ପୁନ୍ଦାନଙ୍କ ଆଲ୍ ସାଟ୍ । କୁଟ୍ ମାମତିଙ୍କ ସେବା ମାଡାଟ୍ ।

୧୪ ☆ମିକିଂଙ୍କ ବେନଡ୍ ତାଡନା ମାଡିତଡ୍, ଅଡାଦ୍ ଶାନ୍ତି ସେଙ୍ଗେ ଇଶ୍ବରତାର୍ ପ୍ରାର୍ତନା ମାଡାଟ୍ । ଅଡ଼କିଂଙ୍କ ଆଗି ବାଦ୍ ମାଡାଟ୍, ଅବିଶାପ୍ ଇମାଟ୍ ।

୧୫ କୁସି ନାରୁଡ୍ ତଡ଼ ଖେଡ଼କ୍ ମାଡାଟ୍, ଦୁଃକାମ୍ ନାରୁଡ୍ ତଡ଼ ଦୁଃକି ଆୟମୁଟ୍ ।

୧୬ ସାର୍ବେତଡ଼କିଙ୍କ ସାମାନ୍ ଲେକାମ୍ ଉଡାଟ୍ । ଆକାର୍ ଡିଡ଼ସି ନମ୍ର ତଡ଼ ପାଡ଼ୟି ମାଡାଟ୍ । ନିଜେ ଜାନି ଇଞ୍ଜ ଆଲ୍ ସମାଟ୍ ।

୧୭ ବେନ ମିଛ ସେଙ୍ଗେ ଅନ୍ୟାୟ ମାଡ଼କେ, ମିଡ଼ ଅଂକିଙ୍କ ଅନ୍ୟାୟ ମାଡ଼ମାର୍ । ଝେରେ ନାରୁଡ଼ତେ କଣ୍ଢେତାଗ୍ ବାଡ଼ ସାୟେଡ଼ ପାଡ଼ୟି, ଆଦେକେ ମାଡ଼ାର୍ ।

୧୮ ସାରେତଡ଼ ତଡ଼ ଶାନ୍ତିତେ ବାଦକାନଙ୍କ ପାରତେଇସର୍ ଆଲ୍‌ସି ମାଡ଼ାର୍ ।

୧୯ ପ୍ରିୟ ସାଙ୍ଗନଡ଼ି, ମିଡ଼ ନିଜେ ବେନନ୍ ବିରୁଦ୍‌ତେ ବାଦଲା ଆୟମାର୍ । ଇଶ୍‌ବରତିଙ୍କ ଅନ୍ ପରର ବିଚାର ମାଡ଼ାନଙ୍କ ଝିଡ଼ସିମ୍ବର୍ । ବାତେଙ୍କଇଡ଼କେ ଶାସ୍ତ୍ରତାଗ୍ ଲେକାମିନ୍ଦେ, “ପ୍ରବୁ କେତୁତଣ୍ଡ, ମାନାଡ଼ ବାଦଲା ଆଦତାଡ଼ । ମାନାଡ଼ ଦଣ୍ଡ ଇଦତାଡ଼ ।”

୨୦ ଇଡ଼କେ ଶାସ୍ତ୍ରତାଗ୍ ନିର୍ଦ୍ଦେଶ୍‌ ଇସାୟତେ “ମିଝଡ଼ ଶତ୍ରୁତ୍ କାର୍‌ଝିନ୍ ମାଡ଼କେ, ଅଂକିଙ୍କ ତିନ୍ଦାନଙ୍କ ଇମ୍ବର୍; ଉନ୍ଦେଝାସ୍ ମାଡ଼କେ ଉସ୍‌ପାର୍ । ଇଲାମାଡ଼କେ ଅଣ୍ଡ ସିଗ୍‌ଆସ୍ ନିଜେ ତାଲେ ମଦଲ୍ ମାଡ଼ିତଣ୍ଡ ।”

୨୧ ମିର୍ ତଡ଼ ଆରେମ୍ ଆୟମାର୍, ସାରରେ ମିର୍ ବିଷୟତିଙ୍କ ସାୟେଡ଼ ବ୍ୟବହାର ତଡ଼ ଜିଡ଼ାର୍ ।

୧୩

ଶାସନ୍ ମାଡ଼ାନଡ଼ଝାଦ୍ ଗର୍ କେଞ୍ଜାନାଦ୍

୧ ଶାସନ୍ ମାଡ଼ାନଡ଼ଝାଦ୍ ଗର୍ କେଞ୍ଜାନାଦ୍ ସାରେତଡ଼ଝାଦ୍ ଦାୟିତ୍, ବାତେଙ୍କଇଡ଼କେ ଇଶ୍‌ବର ଗର୍ ଇଲ୍‌ଝେ ବେନ ଶାସନ୍ ମାଡ଼ାନଣ୍ଡ ଆୟୟଣ୍ । କ୍ଷମତା ତଡ଼ ମାନ୍ଦାନ୍ ଶାସନ୍ ମାଡ଼ାନଡ଼କ୍ ଇଶ୍‌ବର ଏଞ୍ଜିମିନ୍ଦେଣ୍ ।

୨ ଆଦିଙ୍କ ବେନ କ୍ଷମତାତଡ଼ ଶାସନ୍ ମାଡ଼ାନଡ଼କିଙ୍କ ବିରୁଦ୍ ମାଡ଼ିତଡ଼, ଅଣ୍ଡ ଇଶ୍‌ବର ତଡ଼ ତିନ୍ଦାର୍ ଆଡ଼ତେ ଅନୁଷ୍ଠାନତାଦ୍ ବିରୁଦ୍ ମାଡ଼ିତନ୍ । ବେନ ଇଲା ମାଡ଼ିତନ୍ ଅଣ୍ଡ ବିଚାର୍ ଆଦତନ୍ ।

୩ ବେନଡ଼ ସାୟେଡ଼ ପାଡ଼ୟି ମାଡ଼ିତଡ଼, ଅଡ଼ ଶାସନ୍ ମାଡ଼ାନଡ଼କିଙ୍କ ଝେରତାନାଦ୍ ବାଡ଼ ଇଲ୍‌ଲେ, କାରାପ୍ ପାଡ଼ୟି ମାଡ଼ାନଡ଼ି ଝେରତିତଡ଼ । ଶାସନ୍ ମାଡ଼ାନଡ଼କିଙ୍କ ଝେରତାନାଦ୍ ଆୟୟ ଇଞ୍ଜ ମିୟାଦ୍ ଇଚ୍ଛା କି ? ଆଲେକେ ସଡ଼ ପାଡ଼ୟି ମାଡ଼ାର୍, ଅଣ୍ଡ ମିୟାଦ୍ ପ୍ରସଂଶା ମାଡ଼ିତନ୍ ।

୪ ମିୟାଦ୍ ଲେକେଡ଼ ମାଡ଼ାନ୍ ସେଙ୍ଗେ ଅଣ୍ଡ ଇଶ୍‌ବର ତଡ଼ ନିୟୁକ୍ତି ଆଡ଼ତଣ୍ଡ । ଇଡ଼କେ ମିଡ଼ ଯଦି କାରାପ୍ ପାଡ଼ୟି ମାଡ଼ମାନ୍ତିଡ଼,

ଆଲାଇଡ଼କେ ଶାସନ ମାଡ଼ାନଡ଼କିଙ୍କୁ ଝେରମୁଟ୍, ବାତେଙ୍କିଇଡ଼କେ ମିକିଙ୍କୁ ଦଣ୍ଡ ଇଦାନ ସେଙ୍ଗେ ନିଜାମ୍ ଅଡ଼ାଦ୍ ଅଦିକାର ମିନ୍ଦେ । ଅଣ୍ଡ ଇଶ୍ବର ତଡ଼ ନିୟୁକ୍ତି କର୍ମଚାରୀ । କାରାପ୍ ପାଡ଼ୟି ମାଡ଼ାନଡ଼କିଙ୍କୁ ଦଣ୍ଡ ଇଦାନ ସେଙ୍ଗେ ଅଣ୍ଡ ଇଶ୍ବରତେ ଗଟ୍ ପାଲନ୍ ମାଡ଼ିତନ୍ ।

୫ ଆଦିଙ୍କୁ ମିଡ଼ ଶାସନ ମାଡ଼ାନଡ଼ଝାଦ୍ କେଞ୍ଜାନାଦ୍ ସାୟେ, ଆସାମ୍ ଇଶ୍ବରତେ ଝେରେଡ଼ ସେଙ୍ଗେ ଆୟ୍ୟ, ମାତର ନିଜେଡ଼ ବିବେକ୍ତାଦ୍ ଦଂସତାଗାଙ୍କୁ ରକ୍ଷା ପାଏମ୍ ଆଦ୍ଦାନ ସେଙ୍ଗେ ।

୬ ☆ଆଦିନ୍ ସେଙ୍ଗେ ମିଡ଼ ସିସ୍ତୁ ଇଦୁଡ଼ିଡ଼, ବାତେଙ୍କିଇଡ଼କେ ଶାସନ ମାଡ଼ାନଡ଼ି ଦାୟିଡ଼ ପାଲନ୍ ମାଡ଼ାନଝେଲେ ଇଶ୍ବରତେ ସେବା ମାଡ଼ୁଡ଼ୁ ।

୭ ଆଦିଙ୍କୁ ଅଡ଼କିଙ୍କୁ ବାଡ଼ ଦରକାଡ଼ ଆଦ୍ ଇଦୁଡ଼ିଡ଼ । ସିସ୍ତୁ ଚା ସିସ୍ତୁ ମିୟାଦ୍ ବାଡ଼ ଇଦାନ ମାନତେ, ଆଦ୍ ଇଦୁଡ଼ିଡ଼ ମେଣ୍ଡେ ଅଡ଼କିଙ୍କୁ ଝେଡ଼କ୍ ମାଡ଼ିଡ଼ିଡ଼ୁ ସମ୍ମାନ ତଅଡ଼ିଡ଼ିଡ଼ ।

ନିଜର୍ନିଜର୍ ଲୋପେ ପ୍ରେମ

୮ ନିଜେଡ଼ ନିଜେଡ଼ ଲୋପେ ପ୍ରେମ ମାଡ଼ାନାଦ୍ ଝିଡ଼ସି ମେଣ୍ଡେ ବାଡ଼ ବିଷୟତାର୍ ଉଦାର୍ ଆସ୍ ମାନମାର୍ । ବେନ ମେଣ୍ଡେ ଅରଡ଼ୁଙ୍କୁ ପ୍ରେମ ମାଡ଼ିତନ୍, ଅଣ୍ଡ ନିୟମ୍ ପାଲନ୍ ମାଡ଼ିତନ୍ ।

୯ “ବେବିଚାର୍ ମାଡ଼ମାର୍, ନାରୁଡ଼କ୍ ଆଞ୍ଜୁକ୍ମାର୍, ତଙ୍ଗମାର୍, ଲୋବ୍ ମାଡ଼ମାର୍, ମେଣ୍ଡେ ବେନେ ଗଟ୍ ମାନନ୍ତେ, ଆଦିଙ୍କୁ ସାର୍ଲେକାମ୍ ଇଦ୍ ବାକ୍ୟତେ ଗାରେତାଦ୍ ଆଦ୍ତେ ମିଡ଼ ଗାରେତଡ଼କିଙ୍କୁ ନିଜେଡ଼ ନାରୁଡ଼ ଇନା ପ୍ରେମ ମାଡ଼ମାର୍ ।”

୧୦ ମିଡ଼ ଅଡ଼କିଙ୍କୁ ପ୍ରେମ ମାଡ଼ମାଡ଼କେ, ଅଂକିଙ୍କୁ ବେସୁଟ୍ ଅନ୍ୟାୟ୍ ମାଡ଼ମାର୍ । ଆଦିଙ୍କୁ ପ୍ରେମ୍ ମାଡ଼କେ କେ ସାର୍ରେ ନିୟମ୍ ପାଲନ୍ ମାଡ଼ାନାଦ୍ ଆଦ୍ତେ ।

୧୧ ଇଞ୍ଜେ ଇଞ୍ଜୁ ସାର୍ରେ ମିକିଙ୍କୁ ମାଡ଼ାନଙ୍କୁ ଆଦ୍ତେ, ବାତେଙ୍କିଇଡ଼କେ ଉସ୍ଥାଡ଼ତାଗାଙ୍କୁ ତେଦାନାଦ୍ ଦିନାମ୍ ଏଞ୍ଜୁଡ଼ତେ । ପରିତ୍ରାଣ ପାଏମ୍ ଆଦାନ ଦିନାମ୍ ମୁନେନକନ୍ତୁ ଇଞ୍ଜେ ଗାଟି ଗାରେ ଏଞ୍ଜୁଡ଼ତେ ।

☆ ୧୩:୬ ମାଡ଼ିଉ ୨୨:୨୧; ମାର୍କ ୧୨:୧୭; ଲୁକ ୨୦:୨୫.

୧୨ ନାରକେ ତେରିଖାଦୁଡ଼, ଦିନାମ୍ ଆସଡ଼୍‌ଖାଦୁଡ଼ । ଖାଡ଼ାଟ୍, ନାର୍‌କେତାଦ୍ ପାଡ଼୍‌ୟି ସାରରେ ଖିଡ଼୍‌ସିକାଡ଼୍, ନୁ ଖେସିନାଗ୍ ସାୟେଡ଼୍ ପାଡ଼୍‌ୟି ମାଡ଼ାନ ସେଙ୍ଗେ ତିଆର୍ ଆଦତାଡ଼୍ ।

୧୩ କାରାପ୍ ବଗ୍‌ବିଲାସ୍, କାଲ୍ ଉଞ୍ଜ୍ ଅସିମାନ୍‌ନାନ୍‌, ନିତିନିୟମ୍ ମାନେମ୍ ଆୟ୍‌ଖାଦ୍, କାରାପ୍ ବ୍ୟବହାର୍, ଇର୍ଷା, ଗଲ୍‌କ୍ ସାର୍‌ବେତାଞ୍ଜ୍ ମାଡ଼କଟ୍ ଖାଡ଼ାଟ୍, ଖେସିନାଗ୍ ସାୟେଡ଼୍ ପାଡ଼୍‌ୟି ମାଡ଼ାନ ନାରୁଡ଼୍, ଲେକାମ୍ ବଦ୍ର ଇନା ବ୍ୟବହାର୍ ମାଡ଼ିକାଡ଼୍ ।

୧୪ କିନ୍ତୁ ପ୍ରବୁ ଜିସୁ କ୍ରିଷ୍ଟଙ୍କ ରିଡ଼ି ଲେକାମ୍ ବ୍ୟବହାର୍ ମାଡ଼ାଟ୍, ପାପ ନୁ ମେନ୍‌ଲୁକ୍‌ତେ କାରାପ୍ ଇଚ୍ଛାତିଙ୍କ ପୁରା ମାଡ଼ାନ ସେଙ୍ଗେ ମନ୍‌ତାଗ୍ ତାଡ଼୍‌ମାଟ୍ ।

୧୪

ମେଣ୍ଟେଅଡ଼ତିଡ଼୍ ବିଚାର ମାଡ଼୍‌ମାଟ୍

୧ ✧ ବିଶ୍ୱାସ୍‌ତାଗ୍ ଦୁର୍ବଲ୍‌ମାନ୍‌ନାନ୍ ନାରୁଣ୍ଡିଙ୍କ ମିକା ଗ୍ରହନ୍ ମାଡ଼ାଟ୍, ଇଡ଼କେ ଅନାଦ୍ ନିଜେଡ଼ ମତ ବିଷୟତିଙ୍କ ଯୁକ୍ତି ମାଡ଼୍‌ମାଟ୍ ।

୨ ଖେରଣ୍ଡ୍ ବିଶ୍ୱାସ୍ ମାଡ଼କେ ଅଣ୍ଡ୍ ଜେ ବାଡ଼୍‌ଆଇ କାଦି ତିନ୍ଦେ ପାର୍‌ଦତଣ୍ଡ୍, ମେଣ୍ଟେ ଖେରଣ୍ଡ୍ ବିଶ୍ୱାସ୍‌ତାଗ୍ ଦୁର୍ବଲ୍ ଅଣ୍ଡ୍ ଆସାମ୍ ସାଦା କାଦି ତିନ୍‌ତଣ୍ଡ୍ ।

୩ ବାଡ଼୍‌ଆଇ କାଦି ତିନ୍‌ନାନ୍‌ଙ୍କ ବେନ ଆପଞ୍ଜି ମାଡ଼ଣ୍ଡ୍, ଅଣ୍ଡ୍ ସାଦା କାଦିତିଙ୍କ ପାସ୍‌କ୍‌ମାକିଣ୍ଡ୍ । ମେଣ୍ଟେ ସାଦା ତିନ୍‌ନାନ୍‌ଣ୍ଡ୍ ଆଞ୍ଜୁଙ୍କ୍ ତିନ୍‌ନାନ୍‌କିଙ୍କ୍ ଦସି ମାଡ଼୍‌ମାକିଣ୍ଡ୍ । ବାତେଙ୍କ୍‌ଇଡ଼କେ ଇଶ୍ୱର୍ ଅଂକିଙ୍କ୍ ଗାଲା ଗ୍ରହନ୍ ମାଡ଼୍‌ତଣ୍ଡ୍ ।

୪ ମେଣ୍ଟେଅଡ଼ତିନ୍ ଦାସଙ୍କ୍ ବିଚାର ମାଡ଼ାନଙ୍କ୍ ମିଡ଼୍ ବେନ ? ଅଣ୍ଡ୍ ତାନ୍ ପାଡ଼୍‌ୟିତାଗ୍ ବେସର୍ ଜେକେ ସାୟେ ବା କାରାପ୍ ମାଡ଼୍‌ତୁଣ୍ଡ୍, ଆଦ୍ ମାଲିକ୍ ବିଚାର ମାଡ଼ିତନ୍ । ଅଣ୍ଡ୍ ନିଜାମ୍ ସାୟେ ଆଦତନ୍, ବାତେଙ୍କ୍‌ଇଡ଼କେ ପ୍ରବୁ ଅଂକିଙ୍କ୍ ସାୟେ ମାଡ଼ାନ ସେଙ୍ଗେ ବୁଦ୍ ଇଦ୍‌ତଣ୍ଡ୍ ।

୫ ଖେରନାଦ୍ କେଡ଼ତାନ୍ ଲେକାମ୍ ବାଗାଡ଼୍ ଦିନାକିନ୍‌ନାଗାଙ୍କ୍ ଖେରଡ଼୍ ଦିନ୍ ଗାଟି ସାୟେ । ମେଣ୍ଟେ ମେଣ୍ଡ୍‌ଅର୍ଡୁଣ୍ଡ୍ ଆଲ୍‌ସିତିଡ଼୍,

ସାରରେ ଦିନାମ୍ ସାମାନ । ଇଡକେ ବେନ ଅନାଦ୍ ଆଲ୍‌ସାନ୍ ଲେକାମ୍
ଚିକ୍ ବିଚାର୍ ମାଡି ନିଷ୍ପତି ଆୟିଣ୍ଡ ।

୭ ବେନ ଝେରଡ୍ ଦିନାମ୍‌ତିଙ୍କ୍ ସାୟେ ଇଞ୍ଜ ଆଲ୍‌ସିତିଡ୍, ପ୍ରବୁନ୍
ଗୌରବ୍‌ତେ ସେଙ୍ଗେ ଅଣ୍ଡ୍ ଆଦ୍ ମାଡିଣ୍ଡ । ବେନନାଦ୍ ବାଡ୍‌ଆଇ
କାଦି ତିନ୍ଦାନଙ୍କ୍ ଆପଡି ଇଲ୍‌ଲେ, ଇଶ୍‌ବରତିଙ୍କ୍ ଦନ୍ୟବାଦ୍ ଇସ୍ ଅଣ୍ଡ୍
ଆଦ୍ ତିନିଣ୍ଡ; ଅଦିନ୍‌ତଡ୍ ଇଶ୍‌ବର ଗୌରବ୍ ଆଦ୍‌ତନ୍ । ବେନ୍ ନାରୁଡ୍,
ବାଡ୍‌ଆଇ କାଦି ତିନିଣ୍ଡ, ଅଣ୍ଡ୍ ଇଦ୍ ଇଶ୍‌ବରତେ ଗୌରବ୍ ସେଙ୍ଗେ
ମାଡିଣ୍ଡ ନୁ ଇଦିନ୍ ସେଙ୍ଗେ ଇଶ୍‌ବରତିଙ୍କ୍ ଦନ୍ୟବାଦ୍ ଇଞ୍ଜିଣ୍ଡ ।

୮ ବେନ ନିଜେଡ୍ ମାୟ୍‌ଦିଙ୍କ୍ ଗେଲ୍‌ସି ଆୟ୍‌ୟଣ୍ଡ, କି ନିଜେଡ୍
ସେଙ୍ଗେ ଡଲନ୍ ।

୯ ପ୍ରବୁନ୍ ପାଡ୍‌ୟି ମାଡାନ ସେଙ୍ଗେ ମାନାଡ୍, ବାଦ୍‌କୁତାଡ୍, ନୁ
ଡଲିତାଡ୍ । ଆଦିଙ୍କ୍ ବାଦ୍‌କାନାଗ୍ ନୁ ଡଲାନାଗ୍ ମାନାଡ୍ ପ୍ରବୁନାଗ୍ ।

୧୦ ବାତେଙ୍କ୍‌ଇଡକେ କ୍ରିଷ୍ଟ ଡଲି ମେଣ୍ଡନ୍‌ୟାମ୍ ତେଏଦ୍‌ତାଙ୍କ୍ ଇଡ୍‌ଝୁଡ୍,
ଜିଝୁଣ୍ଡ ମାୟାନଡ୍ ନୁ ଡଲ୍‌ତଡ୍ ସାର୍‌ତେଡ୍‌ଝାଦ୍ ଅଣ୍ଡ୍ ପ୍ରବୁ ଆଡ୍‌ତଣ୍ଡ ।

୧୧ ଆଦିଙ୍କ୍ ମିଡ୍ ବାତେଙ୍କ୍ ନିଜେଡ୍ ତାମୁଣ୍ଡତିଙ୍କ୍ ବିଚାର୍ ମାଡ୍‌ଡୁଡ୍,
? ବାତେଙ୍କ୍ ନିଜେଡ୍ ତାମୁଣ୍ଡତିଙ୍କ୍ ପାସ୍‌କୁତିଡ୍ ? ମାନାଡ୍ ସାର୍‌ତେଡ୍,
ବିଚାର୍ ଆଦ୍‌ଦାନ୍ ସେଙ୍ଗେ ଇଶ୍‌ବରତେ ମୁନ୍‌ନେ ନିତାନଙ୍କ୍ ଆଦ୍‌ତେ ।

୧୨ ବାତେଙ୍କ୍‌ଇଡକେ ବେଦ୍‌ପୁରୁଙ୍କ୍ ଶାସ୍ତ୍ରତାଗ୍ ଲେକାମିୟେ, “ପ୍ରବୁ
କେଡୁଡଣ୍ଡ, ବେଲାବା ମାନାଡ୍ ଜିଝୁଡେ ଇଶ୍‌ବର, ସାର୍‌ତେଡ୍ ମାନ୍
ମୁନ୍‌ନେ ମର୍‌ମିଣ୍ଡା ଉଃସିତଡ୍ । ମାନାଡ୍ ଇଶ୍‌ବର ଇଞ୍ଜ ସାର୍‌ତେଡ୍
ସ୍ୱୀକାର୍ ମାଡିତଡ୍ ।”

୧୩ ମାନାଡ୍ ସାର୍‌ତେଡ୍‌ଜିଙ୍କ୍ ଇଶ୍‌ବରତେ ବକେଡ୍ ନିଜେ ନିଜେଡ୍
ପାଡ୍‌ୟିତେ ଇସାବ୍ ଇଦାନଙ୍କ୍ ଆଦ୍‌ତେ ।

ତାମୁନ୍‌ତାଦ୍ କାରାପ୍ ଆଲ୍‌ସମାଟ୍

୧୩ ଆଦିଙ୍କ୍ ନିଜର୍‌ନିଜର୍ ଲୋପେ ବିଚାର୍ ମାଡ୍‌ମାଟ୍ । ଇଦ୍‌ରକମ୍
ମିକା ବାଡ୍ ମାଡ୍‌ମାଟ୍, ବାଡ୍‌ତିଙ୍କ୍ ମିଇ ତାମୁଣ୍ଡ ମଦଲ୍ ରାଲି ପାପାମ୍
ମାଡିତନ୍ ।

୧୪ ନାନ ପୁନତାନ ନୁ ପ୍ରବୁ ଜିସୁନାଗାଙ୍କ ନିର୍ଦ୍ଦେଶ ପାଏମ୍ ଆସ କେତୁତାନ, ବାଡ଼ବା କାଦି କାରାପ୍ ଆୟ୍ଯ । ଯଦି ବେନ ବାଡ଼ଆଇ କାଦିତିଙ୍କ କାରାପ୍ ଇଞ୍ଜ ବିଶ୍ବାସ୍ ମାଡ଼ିତନ୍, ଅନ୍ ସେଙ୍ଗେ ଆଦ୍ କାରାପ୍ ଆଦ୍ତେ ।

୧୫ ମିଡ଼୍ ବାଡ଼ଆଇ କାଦି ତିୟାନଞ୍ଜେଲେ ଯଦି ଝେରଣ୍ ତାମୁନ୍ ମନ୍ତାଗ୍ କଷ୍ଟ ଇଦ୍ତିଡ଼୍, ଆଲେକେ ଅଂକିଙ୍କ୍ ମିଡ଼୍ ପ୍ରେମ୍ ମାଡ଼ିଡ଼୍ । ବେନ୍ ତାମୁନ୍ ସେଙ୍ଗେ କ୍ରିଷ୍ଟ୍ ଡଲ୍ଡଣ୍, ସୁଦୁର୍ କାଦିଡ଼୍ ମାୟ୍ଦିଙ୍କ୍ ଅନାଦ୍ ଅନିଷ୍ଟ୍ ମାଡ଼ମାଟ୍ ।

୧୬ ମିଡ଼୍ ବେନଙ୍କ୍ ସାୟେ ଇଞ୍ଜ ହେର୍କା ମାଡ଼ିଡ଼୍, ଆଦିନ୍ ତଡ଼୍ ମିୟାଦ୍ ଇଜଡ଼୍ ଆୟ୍ଯମାକି ।

୧୭ ଇଶ୍ବରତେ ରାଜ୍ୟତାଦ୍ ବିଷୟ କାଦି ବା ଉନ୍ୟାନାଦ୍ ଆୟ୍ଯ । ଆଦ୍ ପବିତ୍ର ଆମ୍ବାତଡ଼୍ ଇଡ଼ତାଦ୍ ଦାର୍ମାମ୍, ଶାନ୍ତି ନୁ ଝେଡ଼୍ ।

୧୮ ବେନଆଇ ଇଦ୍‌ରକମ୍ କ୍ରିଷ୍ଟନ୍ ସେବା ମାଡ଼ିତନ୍; ଅଣ୍ ଇଶ୍ବରତେ ସାୟେ ମାଡ଼ିତନ୍, ନାରୁଡ଼୍ ଗାଲା ଅଂକିଙ୍କ୍ ଆଦର୍ ମାଡ଼ିତଡ଼୍ ।

୧୯ ଆଦିଙ୍କ୍ ଝାଡ଼ାଟ୍, ନିଜର୍‌ନିଜର୍ ଲୋପେ ଶାନ୍ତି ତିୟାର୍ ମାଡ଼ାନଙ୍କ୍ ନୁ ନିଷ୍ଟା ତିୟାର୍ ମାଡ଼ାନ୍ ସେଙ୍ଗେ ବାଡ଼ ସାର୍ରେ ଦରକାର୍, ଆଦିଙ୍କ୍ ଉଡ଼ିତାଡ଼୍ ।

୨୦ ସୁଦୁର୍ କାଦିଡ଼୍ ସେଙ୍ଗେ ଇଶ୍ବର ବାଡ଼ ମାଡ଼ିଡ଼୍, ଆଦ୍ ନଷ୍ଟ୍ ମାଡ଼ମାଟ୍ । ବେନେବା କାଦି ତିୟେଝେୟ୍ଡିଡ଼୍ । ଇଡ଼କେ ବେନେବା କାଦି ତିଡ଼କେ ଯଦି ମିଡ଼୍ ମେଣ୍ଡେଅଡ଼ିନ୍ ବାଦା ପାଏମ୍ ଆଦ୍ତିଡ଼୍, ଆଲାଈଡ଼କେ ଆଦ୍ କାଦି ତିୟାନାଦ୍ ସାୟେ ଆୟ୍ଯ ।

୨୧ ମିୟାଦ୍ ଆଞ୍ଜୁଙ୍ ତିୟାନାଦ୍, କାଲ୍ ଉନ୍ୟାନାଦ୍ ଯଦି ମିଇ ତାମୁନ୍ତିଙ୍କ୍ ସୁଦୁର୍ ଦୁର୍ବଲ୍ ମାଡ଼ିଡ଼୍, ଆଲେକେ ଆଞ୍ଜୁ ସାର୍ରେତାଗାଙ୍କ୍ ଝେର୍ରେ ଆଦାନାଦ୍ ମିକିଙ୍କ୍ ସାୟେ ।

୨୨ ଇଦ୍ ବିଷୟତେ ମିୟାଦ୍ ନିଜେଡ଼୍ ବିଶ୍ବାସ୍ ଇଶ୍ବର ପୁନିଷ୍ଟ୍ । ବେନ୍ ନାରୁଡ଼୍ ସାୟେ ମାନ୍ ମାଡ଼ି ବାଡ଼ଆଇ ପାଡ଼ିୟ୍ ମାଡ଼ିତନ୍, ମେଣ୍ଡେ ଆଦିନ୍ ସେଙ୍ଗେ ପେର୍‌କେ ଅଂକିଙ୍କ୍ ତିପାଲ୍ ଆଦାନଙ୍କ୍ ଝେୟ୍, ଅଣ୍ ଝେଡ଼କେତେ ନାରୁଷ୍ଟ୍ ।

୨୩ ଇଡ଼କେ ବାଡ଼ବା କାଦି ତିୟାନାଦ୍ ଟିକ୍ କି ଆୟ୍ଯ, ମନ୍ତାଗ୍ ଆଲ୍‌ସି ବେନ ଆଦ୍ ତିନ୍‌ଡଣ୍; ଇଶ୍ବରତେ ମୁନ୍‌ନେ ଅଣ୍ ଦକ୍ଷି ଆଦ୍‌ତନ୍,

ବାତେଜ୍ଜିତକେ ଅନ୍ଧାଦ୍ ବିଶ୍ୱାସ୍ ଆଦିନାଦ୍ ପାଡ଼ନ୍ତି ଆୟ୍ଯ ।
ବିଶ୍ୱାସ୍ତେ ପରର ବାଡ଼ ତିୟାର୍ ଆୟ୍ଯ, ଆଦ୍ ପାପ୍ ।

୧୫

ମେଣ୍ଟେଅଡ଼ତୁଜ୍ ଖେଡ଼କ୍ ମାଡ଼ାର୍ ନିଜେତିଜ୍ ଆୟ୍ଯ

୧ ବେନଡ଼୍ ବିଶ୍ୱାସ୍ତାର୍ ନାର୍ଗ୍, ଅଡ଼୍ ବିଶ୍ୱାସ୍ତାର୍ ଦୁର୍ବଲ୍ ମାୟାନ୍
ତାମୁନତାଦ୍ ଦଷ୍ଟ୍ ସେଙ୍ଗେ ଶକ୍ତିତଡ଼୍ ଆୟ୍ଯମୁର୍ । ବେନ ନିଜେତିଜ୍
ଖେଡ଼କ୍ ମାଡ଼ାନ୍ ସେଙ୍ଗେ ଆଲ୍ଲସ୍ମାକିଣ୍ଡ ।

୨ ଇଡ଼କେ ମେଣ୍ଟେଅଡ଼ତିଡ଼୍ ସାୟେଡ଼୍ ସେଙ୍ଗେ ନୁ ଅଡ଼ାଦ୍
ବିଶ୍ୱାସ୍ତିଜ୍ ନାର୍ଗ୍ ମାଡ଼ାନ୍ ସେଙ୍ଗେ ଅଡ଼କିଂଜ୍ ଖେଡ଼କ୍ ମାଡ଼ାନାଦ୍
ମାନ୍ ଦାୟିଡ଼ ।

୩ କ୍ରିଷ୍ଟ ନିଜେଡ଼୍ ସୁକାମ୍ତେ ସେଙ୍ଗେ ବାଡ଼ ମାଡ଼ଖେ ମାଡ଼ତଣ୍ ।
ଇଡ଼କେ ଶାସ୍ତ୍ର ବାକ୍ୟ ଲେକାମ୍, “ଅଡ଼୍ ମିକିଂଜ୍ ଇସ୍ମାୟାନ୍ ଅପ୍ମାନ୍
ନାନ୍ ସୟ୍ ମାଡ଼ତୁାନ୍ ।”

୪ ଶାସ୍ତ୍ରତାର୍ ଲେକାମାୟାନ୍ ଶିକ୍ଷା ସାରରେ ମାନାଦ୍ ଉପକାର୍
ସେଙ୍ଗେ ମିୟେ । ବରସାତାର୍ ଗାଡ଼ସ୍ ମାୟାନ୍ ସେଙ୍ଗେ ଶାସ୍ତ୍ର
ମାନାକିଜ୍ ଗାଡ଼ସ୍ ନୁ ସାର୍ଦେ ଇଡ଼ତେ ।

୫ କ୍ରିଷ୍ଟ ଜିସୁନ୍ ଆଦର୍ଶତାର୍ ମାୟାନଡ଼୍ ଲେକାମ୍ ସାର୍ରେତଡ଼୍ଝାଦ୍
ଆଦେ ରକମ୍ ମିନ୍ବାବ୍ ଆଦ୍ଦାନ୍ ସେଙ୍ଗେ ଗାଡ଼ସ୍ ନୁ ଖେଡ଼କେତଣ୍
ଇଶ୍ୱର୍ ମିକିଂଜ୍ ଯୋଗ୍ୟ ମାଡ଼ିଣ୍ ।

୬ ସାର୍ରେତଡ଼୍ କାୟ୍ଲିମେଣ୍ଟେ ଖେରଡ଼୍ ଲେଙ୍ଗ୍ଦେ ପ୍ରବୁ ଜିସୁ କ୍ରିଷ୍ଟ
ବାବାଲ୍ ଇଶ୍ୱର୍ତିଜ୍ ପ୍ରସଂଶା ମାଡ଼ାର୍ ।

ଯହୁଦୀ ନୁ ଅଶଇହୁଦୀଡ଼୍ ସେଙ୍ଗେ ସାୟେଡ଼୍ କାରୁର୍

୭ ଆଦିଜ୍ କ୍ରିଷ୍ଟ ବେଲା ମିକିଂଜ୍ ଗ୍ରହନ୍ ମାଡ଼ତଣ୍, ଇଶ୍ୱର୍ତେ ମହିମା
ସେଙ୍ଗେ ମିଡ଼୍ ଆଦେରକମ୍ ମିଜ୍ ମିଲୋପେ ଗ୍ରହନ୍ ମାଡ଼ାର୍ ।

୮ ବାତେଜ୍ଜିତକେ କ୍ରିଷ୍ଟନ୍ ସେବାତାଦ୍ ଜିଝୁଣ୍ ଇହୁଦୀଡ଼୍ ସେଙ୍ଗେ
ତିୟାର୍ ଆସ୍ମାତ୍ତେ । ଅଡ଼କିଂଜ୍ ଅଣ୍ଡ୍ ତଅତାଜ୍ ଆଲ୍ଲସ୍ମାତ୍ତଣ୍
ଜେ ଇଶ୍ୱର୍ ବିଶ୍ୱାସ୍ତଣ୍, ଇହୁଦୀ ଗୋଷ୍ଠୀଡ଼୍ ଆନିଦାଦିଡ଼କିଜ୍
ଇସ୍ମାୟାନ୍ ସଡ଼୍ ପ୍ରତିଜ୍ଞା ସାରରେ ଅଣ୍ଡ୍ ପାଲନ୍ ମାଡ଼ିତନ୍ ।

୯ ଅନ୍ଧାଦ୍ ଅନୁଗ୍ରହ ସେଙ୍ଗେ ଅଣଇହୁଦୀଡ଼, ଗାଲା ଅନ୍ଧାଦ୍ ପ୍ରସଂଶା ମାଡ଼ିତଡ଼ । ଇଦ୍ ବିଷୟତେ ଶାସ୍ତ୍ରତାଗ୍ ଲେକାମିନ୍ଦେ, “ଅଣଇହୁଦୀଡ଼, ଲୋପେ ମିୟାଦ୍ ପ୍ରସଂଶା ମାଡ଼ିତାନ୍, ସାର୍ବେଦାମ୍ ମିୟାଦ୍ ସ୍ତୁତିଗାନ୍ ମାଡ଼ିତାନ୍ ।”

୧୦ ମେଣ୍ଟେ ମିକା ଲେକାମିନ୍ଦେ, “ଅଣଇହୁଦୀଡ଼, ଇଶ୍ବରତେ ନାରୁଡ଼ତଡ଼ ଝେଡ଼କ୍ ମାଡ଼ିଡ଼ !”

୧୧ ମେଣ୍ଟେ ଅନ୍ୟାମ୍, “ସାର୍ବରେ ଅଣଇହୁଦୀଡ଼, ନାରୁଡ଼ ଅନ୍ଧାଦ୍ ସ୍ତୁତିଗାନ୍ ମାଡ଼ିଡ଼ !”

୧୨ ମେଣ୍ଟେ ଯିଶାଇୟ କେଡ଼ତଣ୍ଟ, “ଯେଶୀନ୍ ବଂଶତଣ୍ଟ ଝେରଣ୍ଟ ପୁଟିତଣ୍ଟ, ଅଣ୍ଟ ଅଣଇହୁଦୀଡ଼କିଂଙ୍କ ଶାସନ୍ ମାଡ଼ିତନ୍ ନୁ ଅଡ଼ ଅନାଗେ ବରସା ମାଡ଼ିତଡ଼ ।”

୧୩ ସାର୍ବରେ ବରସାତଣ୍ଟ, ଇଶ୍ବର ମିକିଂଙ୍କ ବିଶ୍ବାସ୍ତେ ମାୟଦିଙ୍କ ମିକିଂଙ୍କ ଝେଡ଼କ୍ ନୁ ଶାନ୍ତିତଡ଼, ସାରେ ମାଡ଼ିଣ୍ଟ । ପବିତ୍ର ଆତ୍ମାତେ ଶକ୍ତିତଡ଼ ମିୟାଦ୍ ବରସା ନାଗେ ଆୟି ।

ଅଣଇହୁଦୀ ଗାର୍ବେ ପାଉଲ୍‌ତେ ସେବା ପାଡ଼ନ୍ତି

୧୪ ଦାଦାଲଡ଼ି ନୁ ଏଲ୍ଲାସ୍, ନାୟାଦ୍ ବିଶ୍ବାସ୍, ମିଡ଼ ସାର୍ବରେ ସାୟେଡ଼ ଗୁନାମ୍ ବା ଜ୍ଞାନତଡ଼ ନିଣ୍ଡିମେଣ୍ଟେ ନୁ ମି ମିଲୋପେ ଶିକ୍ଷା ଇଦାନଙ୍କ ପାର୍ଦ୍ଦତିନ୍ ।

୧୫ ଇଦ୍ ଚିତିତାଗ୍ ମିକିଂଙ୍କ ବେସ୍‌କେ ବିଷୟ ସତେତନ୍ ମାଡ଼ାନ୍ ସେଙ୍ଗେ ଇଶ୍ବରତେ ତଡ଼ ନାନ୍ ଗାଡ଼ସ୍ ଆଡ଼ତାନ୍,

୧୬ ବାତେଙ୍କିଇଡ଼କେ କ୍ରିଷ୍ଟ ଜିସୁନ୍ ଦାସ୍ ଇସାୟତେ ଅଣଇହୁଦୀଡ଼, ସେଙ୍ଗେ ପାଡ଼ନ୍ତି ମାଡ଼ାନ୍ ମାୟଦିଙ୍କ ଇଶ୍ବର ନାକିଂଙ୍କ ସୁଯୋଗ୍ ଇଡ଼ତନ୍ । ଇଶ୍ବରତାଦ୍ ସାୟେଡ଼ କାବୁର୍ ପ୍ରଚାର ମାଡ଼ାନ୍ ସେଙ୍ଗେ ନାନ୍ ଝେରଣ୍ଟ ଦର୍ମଗୁରୁ ଲେକାମ୍ ପାଡ଼ନ୍ତି ମାଡ଼ତୁନ୍ । ଅଣଇହୁଦିଡ଼ ପବିତ୍ର ଆତ୍ମା ତଡ଼ ଇଡ଼ତାସ୍ ଜିନିଷ୍ଟ ଲେକାମ୍ ଇଶ୍ବରତେ ବକେଡ଼ ଗ୍ରହନ୍ ଆୟିଡ଼, ଇଦ୍ ନାୟାଦ୍ ଉଦେଶ୍ୟ ।

୧୭ କ୍ରିଷ୍ଟ ଜିସୁନ୍ ତଡ଼ କାୟଲି ଇଶ୍ବରତେ ସେଙ୍ଗେ ଇଦ୍ ସେବା ପାଡ଼ନ୍ତି ମାଡ଼ମାଦାନ୍ ମାୟଦିଙ୍କ ନାନ୍ ଗର୍ବ ମାଡ଼ତୁନ୍ ।

୧୮ ଅଣଇହୁଦୀତଃକିଂଙ୍କ ଇଶ୍ବରତାଦ୍ ନିୟମ୍ ପାଲନ୍ ମାଡ଼ାନ୍ ସେଙ୍ଗେ କ୍ରିଷ୍ଟ ନା ତତ୍ତ୍ୱବାତ୍ ପାତ୍ରିୟ ମାତ୍ତତ୍ତ୍ୱ, ଇଦଂ ଗତ୍ କେତ୍ତତାନ୍ ସେଙ୍ଗେ ନାନ୍ ଗାତ୍ତ୍ୱ ଆତ୍ତତାନ୍ ।

୧୯ ଇଦ୍ ଅଣ୍ଟ ମାତ୍ତତ୍ତ୍ୱ, ବାକ୍ୟ ନୁ ପାତ୍ରିୟ ତତ୍ତ୍ୱ ନୁ ଇଶ୍ବରତେ ଆମ୍ବାତେ ଶକ୍ତିତେ । ଆଦିଙ୍କ ନାନ୍ ଯିରୁଶାଲମ୍ତାଗାଙ୍କ ଇଲିରିକମତାଗ୍ ଆଦାନ ଝେଲେ ଆର୍ଦାଗ୍ କ୍ରିଷ୍ଟନାଦ୍ ସାୟେତ୍ କାରୁର ସାୟେ ପ୍ରଚାର ମାତ୍ତତାନ୍ ।

୨୦ ବେନ୍ ପତ୍ତୟେତାଗ୍ ନାରୁତ୍ କ୍ରିଷ୍ଟନାଦ୍ ବିଷୟ କେଞ୍ଜତ୍, ଆଗେ ଅନ୍ଧାଦ୍ କାରୁର କେତାନାଦ୍ ନାୟାଦ୍ ଇଚ୍ଛା, ବାତେଙ୍କଇତକେ ମେଣ୍ଡେଅତ୍ତତ୍ତ୍ୱ ଝାଟିମାନ୍ଦାନ୍ ପାତ୍ରିୟସନ୍ ପରର ଲୋନ୍ ମାଡ଼ାନଙ୍କ ନାନ୍ ଚାଏମ୍ ଆୟନ୍ ।

୨୧ ଶାସ୍ତ୍ରତାଗ୍ ବେଲା ଲେକାମିୟେ, “ବେନତ୍ ଅନ୍ଧାଦ୍ କାରୁର ପାଏମ୍ ଆୟୟତ୍, ଅତ୍ ଉଡିତତ୍; ବେନତ୍ କେଞ୍ଜତ୍, ଅତ୍ ବୁଜେମ୍ ଆଦତତ୍ ।”

ରୋମ୍ ଆଦାନଙ୍କ ପାତ୍ରିୟତାଦ୍ ଯୋଜନା

୨୨ ☆ନାର୍ବେଦାମ୍ ମିଇ ବକେତ୍ ଝାଦାନ୍ ସେଙ୍ଗେ ନାୟାଦ୍ ଯୋଜନା ଆଙ୍ଗଡାମ୍ ଆଦତେ ।

୨୩ ଇତକେ ଇଦ୍ ପତ୍ରିୟେତାଗ୍ ନାୟାଦ୍ ପାତ୍ରିୟ ତେରିଆତ୍ତେ ନୁ ନାୟାଦ୍ ଆଗେ, ମିକିଂଙ୍କ ଉଡାନ୍ ସେଙ୍ଗେ ନାୟାଦ୍ ନାରଗେ ଏଣ୍ଡତାଦ୍ ଇଚ୍ଛା ଇଞ୍ଜେ ସାରେ ପୁରା ଆଦତେ ।

୨୪ ନାନ୍ ସ୍ପେନ୍ ଆଦାନ୍ ଆର୍ଦାଗ୍ ମିକିଂଙ୍କ ଉଡି ଝାଦତାନ୍ ଇଞ୍ଜ ଆଲ୍ସତାନ୍ । ମିଇ ଗାର୍ବେ ବେସକେ ଦିନାମ୍ ମାତ୍ତେ ପେରକେ ମିୟାଦ୍ ସାହାୟତେ ସ୍ପେନ୍ ଆଦତାନ୍ ।

୨୫ ☆ଇଞ୍ଜେନେ ଇଶ୍ବରତେ ନାରୁଡାଦ୍ ସେବା ମାଡ଼ାନଙ୍କ ନାନ୍ ଯିରୁଶାଲେମ୍ ଆଦୁତାନ୍ ।

୨୬ ଯିରୁଶାଲେମତାଗ୍ ଇଶ୍ବରତେ ବେନ୍ ନାରୁତ୍ ଅବାଦ୍ ମିନ୍ଦେତ୍, ଅତ୍ ସେଙ୍ଗେ ବେସର୍ ତାବକ୍ ରଅତାନ୍ ମାୟୁଦିଙ୍କ ମାସିଦୋନିଆ ନୁ ଆକାୟତେ ମଣ୍ଡୁଲି ପବିତ୍ର ମାତ୍ତତ୍ତ୍ୱ ।

୨୭ ☆ଇଦ୍ ଅଡାଦ୍ ନିଜର୍ ଇଚ୍ଛାତାଦ୍ ନିଷ୍ପତି; ନିଜାମ୍ ଇଲା ମାଡ଼ାନାଦ୍ ଅଡାଦ୍ କାମ୍ । ଇହୁଦି ନାରୁତ୍ ନିଜେତ୍ ଆଦ୍ୟାମିକ୍

ଆଶୀର୍ବାଦତତ୍ ଅଣଇହୁଦୀଡ଼କିଂଙ୍କୁ ଅଂଶୀଦାର ମାଡ଼ତାଙ୍କୁ, ଇହୁଦୀଡ଼କିଙ୍କୁ ନିଜେଡ଼ ଡାବକିନ୍ ଆଶୀର୍ବାଦତତ୍ କାଲପି ଅଡ଼କିଂଙ୍କୁ ସାହାଯ୍ୟ ମାଡ଼ାନାଦ୍ ଅଣଇହୁଦିଡ଼ାଦ୍ କାମ୍ ।

୨୮ ଯିରୁଶାଲେମ୍ତାଗ୍ ଆହୁ ଡାବକ୍ ଇସ୍ ନାୟାଦ୍ ପାଡ଼ୟି ତେରସ୍ତେ ପେକେ, ନାନ୍ ସ୍ତେନ୍ ଦେଶ୍ ଆଦତାନ୍ ନୁ ଆରଦାଗ୍ ମିକିଂଙ୍କୁ ଉଡ଼ି ଝାଦତାନ୍ ।

୨୯ ନାନ୍ ପୁଡ଼ତାନ୍, କ୍ରିଷ୍ଟନାଗାଙ୍କୁ ସାରେ ଆଶୀର୍ବାଦ ପୟସ୍ ନାନ୍ ମିଇ ବକେଡ଼ ଝାଦତାନ୍ ।

୩୦ ପ୍ରିୟ ଦାଦାଲଡ଼, ନୁ ଏଲ୍ଲାସ୍, ପ୍ରବୁ ଜିସୁ କ୍ରିଷ୍ଟନ୍ ପେଦେରତେ ନୁ ପବିତ୍ର ଆମ୍ବା ଇଡ଼ତେ ପ୍ରେମ ସେଜେ ନାନ୍ ମିକିଂଙ୍କୁ ଅନୁରଦ୍ ମାଡ଼ତାନ୍, ନା ସେଜେ ବିଶ୍ବାସ୍ତେ ପ୍ରାର୍ଥନା ମାଡ଼ାଟ୍ ।

୩୧ ଅବିଶ୍ବାସୀ ନାରୁଡ଼ାଗାଙ୍କୁ ନାନ୍ ବେଲା ପବିତ୍ରଆସ୍ ସାୟେ ମାନ୍ତାନ୍ ନୁ ଯିରୁଶାଲେମ୍ତାଗ୍ ନାୟାଦ୍ ପାଡ଼ୟି ବେଲା ଆଗେ ଇଶ୍ବରତେ ନାରୁଡ଼, ପସନ୍ ମାଡ଼ିତଡ଼, ଆଦିନ୍ସେଜେ ପ୍ରାର୍ଥନା ମାଡ଼ମାନୁଟ୍ ।

୩୨ ଇଶ୍ବରତେ ଇଚ୍ଛା ଆଡ଼କେ, ନାନ୍ ମିଇ ବକେଡ଼ ଝେଡ଼କେତଡ଼, ଝାଦତାନ୍ ନୁ ମିଇ ତଡ଼ ବେସ୍କେ ଦିନା ମାଞ୍ଜି ନା ମାନ୍ତାଗ୍ ସାର୍ଦେ ଆଦତାନ୍ ।

୩୩ ସାର୍ରେ ଶାନ୍ତିତଣ୍ଡ ଇଶ୍ବର ମିଇ ତଡ଼ ମାନିଷ୍ଟ । ଆମେନ୍ ।

୧୭

ପାଉଲ୍ତେ ନମସ୍କାର

୧ କେଜେଡ଼ ମଣ୍ଡଲିତାଦ୍ ଝେରଡ଼ ସେବିକା ଏଲ୍ଲାଡ଼ିଙ୍କୁ ଫିବେଙ୍କୁ ମି ଗାରେ ରଅଡ଼ୁତାନ୍ ।

୨ ପ୍ରବୁନ୍ ପବିତ୍ର ପେଦେରତେ ଆଦିଙ୍କୁ ଗ୍ରହନ୍ ମାଡ଼ି ଇଶ୍ବରତେ ନାରୁଡ଼ ଲେକାମ୍ ବ୍ୟବହାର ମାଡ଼ାଟ୍ । ଆଦିନ୍ ଦରକାର ଲେକାମ୍ ସାହାଯ୍ୟ ମାଡ଼ାଟ୍ । ନାୟାଦ୍ ନୁ ନାରଗେ ନାରୁଡ଼ାଦ୍ ଆଦ୍ ଝେରଡ଼, ଉପକାରି ସାଙ୍ଗ ଆଦତେ ।

୩ ✠କ୍ରିଷ୍ଟ ଜିସୁସ୍ ସେବାତାର୍ ନା ତତ୍ ପାତ୍ରିୟ ମାଡାନଶ୍ ପ୍ରିସ୍ତଲ୍ ନୁ ଆକ୍ରିଲାଙ୍କ ନାୟାଦ୍ ନମସ୍କାର୍ କେଲାଟ୍ ।

୪ ଅତ୍ ନା ସେଙ୍ଗେ ନିଜେଡ୍ ଜିହ୍ୱଣ୍ଡିଟ୍ ବିପଦ୍ ମାଡତଡ୍ । ମାଡର୍ ନାନେକେ ଆୟନ୍, ସାର୍ରେ ଅଣଇହୁଦୀ ମଣ୍ଡଲି ଅଂକିଙ୍କ୍ ଦନ୍ୟବାଦ୍ ଇଦତା ।

୫ ତାମ୍ ଲୋନ୍ ଗୁଡମାନ୍ଦାନ୍ ଉପବାସ୍ତେ ମଣ୍ଡଲିଟିଙ୍କ୍ ମିକା ନାୟାଦ୍ ନମସ୍କାର୍ କେଡୁତାନ୍ । ନା ପ୍ରିୟ ସାଙ୍ଗ୍ ଏପାଇନେତତିଙ୍କ୍ ନାୟାଦ୍ ନମସ୍କାର୍ କେଡିତିଡ୍ । ଆସିଆ ପ୍ରଦେଶ୍ତାର୍ ଅଶ୍ ଆଦୁତନ୍ ମୁନେଡ୍ କ୍ରିଷ୍ଟ ବିଶ୍ୱାସୀ ।

୬ ମିୟାଦ୍ ଲେକେଡ୍ ସେଙ୍ଗେ ରମକଟ୍ ପାତ୍ରିୟ ମାଡିମାନ୍ଦାନ୍ ମରାୟମ୍ତିଙ୍କ୍ ନାନ୍ ନମସ୍କାର୍ ମାଡୁତାନ୍ ।

୭ ଆନ୍ଦନିକସ୍ ନୁ ମୁନିୟାତିଙ୍କ୍ ନାୟାଦ୍ ନମସ୍କାର୍ । ଇଡ୍, ଇର୍ହୁଡ୍, ଇହୁଦୀଡ୍, ନା ତତ୍ ଜେଲ୍ଦାର୍ ମାଡତଡ୍ । ନା ମୁନେଙ୍କ୍ ଅଡ୍ କ୍ରିଷ୍ଟ ଦର୍ମ୍ ଗ୍ରହନ୍ ମାଡିମାଡତଡ୍, ନୁ ପ୍ରେରିଡ୍ ଶିଷ୍ୟଡାର୍ ଅଡ୍ ପରିଚିଡ୍ ଆସ୍ମାଡତଡ୍ ।

୮ ନା ତତ୍ ପ୍ରବୁନ୍ ସାହାୟ୍ୟ ପାଏମ୍ ଆଦାନଶ୍ ନା ପ୍ରିୟ ସାଙ୍ଗ୍ ଆମ୍ଲିୟାଡତିଙ୍କ୍ ନାୟାଦ୍ ନମସ୍କାର୍ ।

୯ କ୍ରିଷ୍ଟନ୍ ପାତ୍ରିୟତାର୍ ନା ତତ୍ ପାତ୍ରିୟମାଡାନଶ୍ ଉର୍ବାନୋ ନୁ ନା ପ୍ରିୟ ସାଙ୍ଗ୍ ସ୍ତାକିୟତିଙ୍କ୍ ମିକା ନାୟାଦ୍ ନମସ୍କାର୍ କେଲାଟ୍ ।

୧୦ କ୍ରିଷ୍ଟନ୍ ବିଶ୍ୱାସ୍ତେ ଦାସ ଆପେଲା ନୁ ଆରିସ୍ତୁଲନ୍ ଲୋଡତେ ସାର୍ରେଡଡ୍ତିଙ୍କ୍ ନାୟାଦ୍ ନମସ୍କାର୍ କେଡିତିଡ୍ ।

୧୧ ନା ନିଜେଡ୍ ଗୋଷ୍ଠୀତଶ୍ ହେରୋଦିୟନ୍ ନୁ ନାରସିସନ୍ ପରିବାର୍ତେ କ୍ରିଷ୍ଟିୟାନ୍ ଦାଦାଲଡ୍ତିଙ୍କ୍ ମିକା ନାୟାଦ୍ ନମସ୍କାର୍ ।

୧୨ ପ୍ରବୁନ୍ ସେବା ମାଡାନଶ୍ ତ୍ରିଫେନା ନୁ ତ୍ରିଫୋସାଙ୍କ୍ ନୁ ପ୍ରବୁନ୍ ସେଙ୍ଗେ ଗାଟି ପାତ୍ରିୟ ମାଡିମାନ୍ଦାନ୍ ପ୍ରିୟ ପର୍ଗର୍ସତିଙ୍କ୍ ନାୟାଦ୍ ନମସ୍କାର୍ କେଲାଟ୍ ।

୧୩ ✠ପ୍ରବୁନ୍ ଦାସ୍ ରୁଫସ୍ ନୁ ନା ଯାୟ ଲେକାମ୍ ତାମ୍ ଯାୟାଙ୍କ୍ ମିକା ନାୟାଦ୍ ନମସ୍କାର୍ କେଲାଟ୍ ।

୧୪ ଆସୁଙ୍କି, ଦ୍ଵେଗୋନ୍, ହର୍ମୀସ୍, ପାତ୍ରବା, ହର୍ମୋସ୍ ନୁ ଅଡ୍, ତଡ୍ ମାନ୍ଦାନ୍ କ୍ରିଷ୍ଟିୟାନ୍ ଦାଦାଲଡ୍ ଏଲାଡ୍‌କିଙ୍କ ନାୟାଦ୍ ନମସ୍କାର୍ କେଲାର୍,

୧୫ ଫିଲଲୋଗ ନୁ ଯୁଲିୟା, ନୀରୁସ୍ ନୁ ତାନ୍ ଏଲାଡ୍ ନୁ ଆଲୁମ୍ପା ମେଣ୍ଡେ ତାମ୍‌ତଡ୍ ମାନ୍ଦାନ୍ ସାର୍‌ରେ ସାଦୁ ନାରୁଡ୍‌କିଙ୍କ ନାୟାଦ୍ ପବିତ୍ର ନମସ୍କାର୍ କେତିତିଡ୍ ।

୧୬ ମିଇ ମି ଲୋପେ ଦାଦାଲ୍‌ତାମୁଣ୍ଡ କ୍ରିଷ୍ଟିୟାନ୍ ପବିତ୍ର ପ୍ରେମତଡ୍, ନମସ୍କାର୍ ମାଡାର୍ । କ୍ରିଷ୍ଟନ୍ ସାର୍‌ରେ ମଣ୍ଡୁଲି ମିକିଂଙ୍କ ନମସ୍କାର୍ ମାଡୁଡୁ ।

ପାଉଲ୍‌ଡେ ମାଡେଙ୍କ୍‌ତାଦ୍ ନିର୍ଦ୍ଦେଶ୍

୧୭ ଦାଦାଲଡି ନୁ ଏଲାସ୍କା, ବିନତି ମାଡୁଡୁନ୍, ମିଡ୍ ଗ୍ରହନ୍ ମାଡୁଡେ ଶିକ୍ଷାତିଙ୍କ ବିରଦ୍ ମାଡି ବେନଡ୍ ମିଇ ଲୋପେ ଗଲ୍‌କ୍ ତିୟାର୍ ମାଡାନଙ୍କ ଆଲ୍‌ସି ମାଡିତନ୍, ଅଡ୍‌ଆଗାଙ୍କ ଜେକେ ମାନୁର୍ ।

୧୮ ବେନଡ୍ ଇଦ୍ ରକମ୍ ପାଡୁୟିତାଗ୍ ଦାନ୍ଦେ ମାନ୍‌ତଡ୍, ଅଡ୍ ପ୍ରବୁ ଜିସୁ କ୍ରିଷ୍ଟନ୍ ସେବା ମାଡୁଡ୍, ଅଡ୍ ତାମ୍ ନିଜେଡ୍ ଲାଲସା ମେନ୍ଦୁଲ୍ ଲେକାମ୍ ମାଡାନଙ୍କ ମାନ୍‌ତଡ୍ । ଚାଲାକ୍ ଗର୍‌ତଡ୍ ନୁ ମିର୍ ଗର୍‌ତଡ୍, ଅଡ୍ ନିରାହ ନାରୁଡ୍‌କିଙ୍କ ତିପାଲ୍ ମାଡିତଡ୍ ।

୧୯ ସାୟେତାଦ୍ କାରୁର୍ ସେଙ୍ଗେ ମିୟାଦ୍ ବିଶ୍ଵାସ୍ ସାର୍‌ରେତଡ୍, କେଞ୍ଜିତଡ୍, ଆଦିନ୍ ସେଙ୍ଗେ ନାନ୍ ସାର୍‌ଦେ ମିନ୍ଦେନ୍ । ନାନ୍ ଚାଏମ୍ ଆଦୁତାନ୍, ମିଡ୍ ନିଜାମ୍ ବିଷୟ୍‌ଡେ ଜାନି ଆୟ୍‌ମୁର୍ ନୁ ମିର୍ ବିଷୟ୍‌ତାଗ୍ ମାନ୍‌ମାର୍ ।

୨୦ ଆଲାଇକ୍, ଶାନ୍ତିତଣ୍ଡ ଇଶ୍ଵର୍ ସିର୍‌ପାର୍ ଶୟ୍‌ତାନତିଙ୍କ ମିୟାଦ୍ ଡେକେଡ୍ ମଦଲ୍ ମାଡିତନ୍ । ପ୍ରବୁନ୍ ଅନୁଗ୍ରହ୍ ମିଇ ତଡ୍ ମାନି । ଆମେନ୍ ।

୨୧ ✠ନା ତଡ୍ ପାଡୁୟି ମାଡାନଣ୍ଡ ତିମତୀ ନୁ ମାନ୍ ଇହୁଦୀ ଦାଦାଲଡ୍, ଲୁକିୟ, ଯାସୋନ ନୁ ସୋସିପାତ୍ର ମିକିଂଙ୍କ ନମସ୍କାର୍ ମାଡୁଡୁଡ୍ ।

୨୨ ନାନ୍ ତଡ୍ ପାଉଲ୍‌ଡେ ସେଙ୍ଗେ ଇଦ୍ ଚିଟିଡେ ଲେକ୍‌ଡେନନ୍ ପ୍ରବୁନ୍ ପେଦେର୍‌ଡେ ମିକିଂଙ୍କ ନମସ୍କାର୍ ମାଡୁଡୁଣ୍ଡ ।

୨୩ ☆ନା କୁଟମାମ୍ଭଣ୍ଡ ଗାୟସ୍, ବେନନ୍ ଲୋନ୍ ଉପାସକତ୍, ଗୁଡିତତ୍ମେଣ୍ଡେ ଇଦ୍ ନଗରୀତଣ୍ଡ ଗୁଦାମ୍ ଅଦକ୍ଷ ଏରାଷ୍ଟ୍ ନୁ ତାମୁଣ୍ଡ କ୍ଲାଉଁ ମିକା ମିକିଂଙ୍କ ନମସ୍କାର ମାଡ଼ତୁଡ଼ ।

୨୪ ପ୍ରବୁ ଜିସୁ କ୍ରିଷ୍ଟନ୍ ଅନୁଗ୍ରହ୍ ମିଜ୍ ସାର୍ବେତତ୍ତ୍ବିଙ୍କ ଆୟି ।

ପ୍ରାର୍ଥନା ନୁ ପ୍ରସଂଶା ତତ୍ତ୍ବିତି ତେରତେ

୨୫ ଖାଡ଼ାଟ୍, ଇଶ୍ବରତିଙ୍କ ଗୌରବ୍ ମାଡ଼ିତାଡ଼ । ନାନ୍ ପ୍ରଚାର୍ ମାଡ଼ମାନ୍ଦାନ୍ ଜିସୁ କ୍ରିଷ୍ଟନ୍ ବିଷୟତେ ସାୟେଡ଼ କାବୁର୍ ନୁ ଯୁଗ୍ମୟୁଗ୍ ପୟସ୍ ମିଞ୍ଜିମାନ୍ଦାନ୍ ଲୋପେଡ଼ ତଥ୍ୟ ଲେକାମ୍ ମିୟାଦ୍ ବିଶ୍ବାସ୍ତିଙ୍କ ଗାଡ଼ସ୍ ନେଃଏସ୍ ମାନ୍ଦାନ୍ ସେଙ୍ଗେ ଇଶ୍ବର ପାର୍ଦ୍ଦତଣ୍ଡ ।

୨୬ ଆଦିଙ୍କ ଆଖୁ ଲୋପେଡ଼ ବିଷୟ ସାର୍ବେ ବାବବାଦିଡ଼ ଶାସ୍ତ୍ରତାଗ୍ ତଅନ୍ଦିମିନ୍ଦେ ମେଣ୍ଡେ ଆଦ୍ ଇଞ୍ଜେ ସାରେଦିନାଡ଼ ପ୍ରବୁ ଇଶ୍ବରତତ୍ ସାରରେ ନାରୁଡ଼ ଲପେ ପ୍ରଚାର୍ ଆଦୁଡ଼ତେ । ଇଦିନ୍ତତ୍ ସାର୍ବେତତ୍ ବିଶ୍ବାସ୍ ମାଡ଼ି ଇଶ୍ବରତେ ନିୟମ୍ ପାଲନ୍ ମାଡ଼େ ପାର୍ଦ୍ଦତତ୍ ।

୨୭ ପ୍ରବୁ ଜିସୁ କ୍ରିଷ୍ଟନ୍ ତତ୍ ସାରରେ ପୁଡ଼ତେନଣ୍ଡ ଝେରଣ୍ଡେ ଇଶ୍ବର ଯୁଗ୍ମୟୁଗ୍ ଗୌରବ୍ ଆୟିଣ୍ଡ । ଆମେନ୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae